

রাজসং

তিন অঙ্কান্ত ঐতিহাসিক নাটক

—:—:—

‘পুষ্পবান-বীণা সম্’ ‘আসনে লোকী’ ‘মহারাষ্ট্রে জাগরণ’
‘গুরু-দক্ষিণা’ প্রভৃতি গ্রন্থানুবাদক ও প্রণেতা—

শ্রীবিধুভূষণ সরকার ।

-:0:-

শ্রীরাপেন্দ্রকুমার বসু এম্-আর-এ-এস্, এম্-বি-আই-
পি-এস্ (লণ্ডন) কর্তৃক ২৬নং ষষ্ঠীতলা রোড,
(নারিকেলডাঙ্গা) কলিকাতা,
নির্মলা সাহিত্যাশ্রম
হইতে প্রকাশিত ।

আখিন, ১৩৩৩ বঙ্গাব্দ, ১৮৪৮ শকাব্দ, ১৯২৬ খৃষ্টাব্দ ।

৪২নং সীতারাম ঘোষ ষ্ট্রিট, কলিকাতা

টাউন প্রেসে

শ্রী.বীরেন্দ্র নাথ ঘোষ কর্তৃক মুদ্রিত ।

কয়েক খানি পড়িবার মত বই !

১। **কামন্দকীয় নীতিসাস্ত্র**—কামন্দক ও চাণক্য প্রাচীন ভারতের শ্রেষ্ঠ রাজনীতিক গুরু। কামন্দকের নীতি-সার সরল বাংলায় পণ্ডিত শ্রীযুক্ত গণপতি সরকার বিচারিত কর্তৃক অনুবাদিত। রাজনীতির এমন শ্রেষ্ঠ প্রামাণ্য গ্রন্থ আর নাই। দেশের উন্নতিকামী প্রত্যেক ব্যক্তিরই একখানি কিনিয়া পাঠ করা উচিত। বিভিন্ন প্রকারের মুদ্রা-কৌশল ও বাহ্য রচনার নক্সা সমেত, সুন্দর বোর্ডে বাধাই, সুবহু পুস্তক, দাম মাত্র ১ এক টাকা।

২। **রস-নিবান**—কালিদাস, বরকচী প্রভৃতি প্রাচীন মহাকাব্যগণের আদি রসাত্মক শ্লোকের মূল সমেত সরল পদ্যানুবাদ; তৎসহিত মনোহর কবিতা ও হাস্য-বালম্ ছোটো ছোটো গল্প। প্রিয়জনকে উপহার দিবার শ্রেষ্ঠ পুস্তক। দুই রঙে ছাপা, সুন্দর বাধাই, দাম মাত্র ১/০ ছয় আনা।

৩। **যজুঃসংক্রান্ত পদ্ধতি**—আনুষ্ঠানিক হিন্দুর দশবিধ সংস্কারের বিরাট নিভুল পুস্তক। মূল, ভাষা ও প্রাঞ্জল বঙ্গানুবাদ। মূল্য ১ এক টাকা।

৪। **দুর্গাপূজা পদ্ধতি**—শাস্ত্র মত যথারীতি দুর্গা প্রতিমা পূজার একমাত্র বিস্তৃত বিস্তৃত গ্রন্থ। ঠাহাদের বাড়ী দুর্গা বা বাসন্তী পূজা হয়, ঠাহাদের প্রত্যেকেরই ও প্রত্যেক পুরোহিতেরই এক খণ্ড ক্রয় করিয়া রাখা কর্তব্য। মূল্য এক টাকা।

৫। **শ্রাদ্ধ পদ্ধতি**—শ্রাদ্ধ কাণ্ডের একমাত্র অভাস্ত ও সম্পূর্ণ পুস্তক। মূল্য ১/০ দশ আনা।

৬। **আসনে মেলা**—বিধুবাবু-বিরচিত তিন অঙ্কের হাস্যরসোজ্জ্বল মজাদার প্রহসন। এক একখানি গান নহে ত এক একখানি কোহিনুর। সখের থিয়েটারে অভিনীত হইবার সম্পূর্ণ উপ-যোগী। মূল্য ১/০ পাঁচ আনা মাত্র।

৭। জ্যোতিষ যোগতত্ত্ব—ফলিত জ্যোতিষের সর্কোৎকৃষ্ট গ্রন্থ! ১ম সংস্করণ নিঃশেষিত প্রায়। ২য় সংস্করণ যন্ত্রণ। মূল্য ১১০ টাকা।

৮। সখেন্দ্র সম্বতানী—নৃপেন বাবুর সম্পূর্ণ নূতন ধরণের প্রলয়াকারী ডিটেক্টিভ উপন্যাস। এক পৃষ্ঠা পড়িলে আহার-নিদ্রা ভুলিয়া সমস্তটা শেষ করিতেই হইবে। মরোক্কো বাধাই, ২ খানি সুন্দর ছবি, ২১০ পৃষ্ঠার বই, দাম নামে মাত্র এক টাকা।

৯। মালসা ভোপা—সে-রচনার সিদ্ধান্ত নৃপেন বাবুর এই অপূর্ব বই খানি পাঠ করিয়া একদিকে হাসিতে হাসিতে পেটের নাড়ী ছিঁড়িবে, অন্য দিকে অন্ধেরও চক্ষু কুটিবে। অনেক গুলি ছবি, বেগুনি কালিতে ছাপা, এই সুন্দর গল্পছন্দে ভোপা-সামগ্রীর দাম ১/৫ মওয়া পাঁচ আনা মাত্র।

১০। ভাদুরে—(পেটে খিল-দরানের ৩ সির ভক্ত) ৩০।

১১। উপনয়ন-সন্ধ্যা-তর্পণ-পূজা-প্রয়োগ—(প্রত্যেক নিষ্ঠাবান হিন্দুর অলম্ব্য প্রয়োজনীয়) ১০।

১২। মধ্যম রহস্য—(দশা কাব্য) ১০। ১৩।

মহানারায়ণ-জাগরণ—(পঞ্চাঙ্ক নাট্যকারে ছত্রপতি শিবাজীর জীবন-কথা)—শিবই বাহির হইবে। ১৪।

গুরু-দক্ষিণা—(দ্রুপদ-বিজয় করিয়া বালক কুরু-পাগুকের ভোণাচাষের গুরু-দক্ষিণা দান। ৫০।

প্রধান প্রাপ্তিস্থান—নির্মলা সাহিত্যশ্রম।

২৬নং ষষ্ঠীতলা রোড্ (নারিকেলডাঙ্গা), কলিকাতা।

[গুরুদাস বরেন লাইব্রেরী, ডি-এম্-লাইব্রেরী, সংস্কৃত বুক ডিপজিটরী, হিতবাদী আফিস্, প্রভৃতি প্রধান প্রধান পুস্তকালয়ে প্রাপ্য।]

নিবেদন

মেবারেন শিশোদিয় বংশ ভারতের ইতিহাসে সর্বত্র সুপরিচিত।
ঐবংশের অন্তিম উজ্জ্বল জ্যোতিষ্ক মহারাণা রাজসিংহ। “বন্দে মাতরম্”
মন্ত্রেব ঋণি বন্ধিমচন্দ্র ঐ মহাপুরুষের জীবন-বৃত্তান্ত হইতে “রাজসিংহ”
উপন্যাস সৃষ্টি করিয়াছেন। বন্ধিম বাবুর জন্ম লেখনী-প্রসূত
“রাজসিংহ” অভিনয়ের উপযোগী গল্পাংশ হইতে আমাদের এই নাটক।

ভারত গঢ়াংশ মধ্যে বন্ধিমবাবুর ভাগ্য অনেক স্থলে গৃহীত হইলেও
অন্যান্য বিষয়ে ইহাতে রচয়িতার নিজস্ব রচনা-কৌশল প্রচুর পরিমাণেই
পরিলক্ষিত হইবে।

এই নাটকের নিজের একটু ছোট ইতিহাস আছে। লেখক বেলেঘাটা
লাইব্রেরীর একজন পৃষ্ঠপোষক ও প্রতিষ্ঠাতা। এই লাইব্রেরীর সভাগণ
প্রতিবৎসে একবার বা দুইবার অভিনয় করেন। তাঁহাদের মধ্যে একরূপ
স্থির আছে যে, পারত-পক্ষে তাঁহারা বাহিরের পুস্তক অভিনয় না করিয়া
সভাদিগেব মধ্যে কেহ নাটক লিখিলে অথবা তাহারই অভিনয় করিবেন।
সন ১৩৩০ সালে সভাগণের মধ্যে যাহাদের পুস্তক লিখিবার কথা
ছিল তাঁহারা লিখিয়া উঠিতে না পারায় এবং অভিনয়ের সময় নিকটবর্তী
হওয়ায়, সভাবৃন্দের অনুরোধে গ্রন্থকার চারি দিনের মধ্যে এই পুস্তক
লিখিয়া দেন এবং ইহা ১৩৩০ সালে ২০এ পৌষ তারিখে ঐ লাইব্রেরীর
৫ম বার্ষিক অধিবেশনে সভাগণ কর্তৃক কৃতিত্বের সহিত অভিনীত হয়।
এখনও তাঁহাদের অনুরোধেই ইহা মুদ্রিত হইল।

এই পুস্তক মধ্যে ওয় অধের ওয় দৃশ্যে যে গানখানি আছে, উহা আমার রচনা হইলেও গ্রন্থকার উহা তাঁহার গ্রন্থ-মধ্যে স্থান দিয়া আমার প্রতি তাঁহার অকৃত্রিম ভালবাসার নিদর্শন দেখাইয়াছেন। এই পুস্তকের পাণ্ডুলিপি লেখা হইতে মুদ্রণ-কাগজ পারদর্শনাদির ভাব লেখক আমার উপর দিয়াই নিশ্চিত আছেন। সুতরাং পুস্তকের দোষ-গুণের অধিকারী রচয়িতা হইলেও, আমার তাহাতে কিছু অংশ আছে - (নিশ্চয় করিয়া দোষের) :

এই নাটক গত চৈত্র মাসের পুস্তক দ্বারা হইবার কথা। গ্রন্থকার ইহা সহর মুদ্রিত করিবার ব্যবস্থা করিয়া দিলেও এব মুদ্রণ-কাগজ যথা-সময়ে আরম্ভ হইবে ও, আমার দুইটি আকস্মিক সাংসারিক বিপদে ইহা বাহির করিতে বিলম্ব ঘটিল। ছাপার মূল ভুল থাকে, সমস্তই পাঠক তাহা মার্জনা করিয়া লইবেন। ইতি—

আখিন, ১৩৩৩ সাল।

কলকাতা।

বিনায়ক,

প্রকাশক।

-:0:-

চরিত্র

পুরুষ

রাজসিংহ—উদয়পুরের রাণা ।

অনন্তমিশ্র—ঐ গুরুদেব ।

জয়সিংহ
শ্যামসিংহ } —ঐ পুত্রদ্বয় ।

নিকম শোলাকি—রূপনগরের রাজা ।

আরংভীব—দৌল্লির বাদশা ।

মোবারক
সৈয়দ হাসান
বগত খা } —ঐ সেনাপতি ।

করিম খা—সৈয়দ হাসানের সৎচর ।

রঙ্গন আলি— ,, বয়স্ক ।

মহম্মদ খা— ,, সৈন্ত ।

দিলবাহার— ,, নর্তকী ।

মানিকলাল—রাজপুত্র দাস্য ।

আমীরদিন—জেবউন্নিসার খোজা বান্দা ।

উদাসীন, মোগল দূত, মোগল অমাত্যগণ, মোগল সৈন্তগণ, মন্ত্রী,
দৌবারিক, সভাসদগণ, সেনাপতি, রাজপুত্র সৈন্তগণ, রাজপুত্র অমাত্যগণ,
পাকীবেহারা, পাঠকগণ ।

স্ত্রী

চঞ্চলকুমারী—রূপনগরের রাজকন্যা ।

নিখিলকুমারী—ঐ প্রধানা সখী ।

১ম যুবতী—ঐ সখী ।

২য় „ —ঐ সখী ।

৩য় „ —ঐ সখী ।

উদীপুরী—আরংজীবের প্রধানা বেগম ।

জুবিনিসা—ঐ কন্যা ।

পিয়ারী—সৈয়দহাসানের নর্তকী ।

মতিওয়ালী, বৃন্দা তসবীরওয়ালী, পানওয়ালী, দাসী.

পরিচারিকা, বাইজীগণ ।

রাজ সিংহ ।



প্রথম অঙ্ক ।

১ম দৃশ্য ।



রূপনগরের রাজবাটী ।

বৃদ্ধা তস্বীরওয়ালী ও সজিনী যুবতীগণ ।

বৃদ্ধা তস্বীরওয়ালী—(তস্বীর প্রদর্শন)

১ মা যুবতী—এ কার তস্বীর আঁকা ?

বৃদ্ধা—এ সাহাজাদা-বাদসাহের তস্বীর ।

১ মা যুবতী—দূর যাগৌ, এ দাড়ী যে আমি চিনি, এ আমার ঠাকুরদাদার দাড়ী !

২ মা যুবতী—সে কি লো ? ঠাকুরদাদার নাম দিয়ে ঢাকিস্ কেন ?
ও যে তোর বরের দাড়ী !

(সকলের হাস্য)

বৃদ্ধা—(একখানি ছবি দেখাইয়া) ও গো বিধিরা, এই দেখ আর
একখানা ছবি, এ খানা জাঁহাজীর বাদসার ।

৩য় যুবতী—হ্যা গো আয়ী, এ খানার দাম কত ?

বৃদ্ধা—বেশী নয়, দশ আসরাফ ।

৩য় যুবতী—এত গেল শুধু ছবির দাম ! আসল মানুষটা বুদজাহান্
খুবগন কত দিয়ে কিনেছিল ?

বৃদ্ধা—বিনামূল্য গো বিনামূল্য !

৩য় যুবতী—যদি আসলটারই এই দশা, তবে নকলটা কিছু ঘরের
কড়ি দিয়ে দিয়ে যাও ।

(সকলের পুনরায় হাস্য)

বৃদ্ধা—(চিত্রগুলি ঢাকিয়া)—হাসিতে মা তস্বীর কেনা যায় না ।
রাজকুমারী আসুন, তবে আমি তস্বীর দেখান । তাঁর জন্তেই
আমি এ সকল এনেছি ।

যুবতীরা (সমস্বরে)—ওগো, আমি রাজকুমারী, ও আয়ী বৃদ্ধী, আমি রাজ-
কুমারী—

[বৃদ্ধা হতভম্ব হইয়া চতুর্দিক চাহিতে লাগিল, পুনরায় হাসির তুকান
ছুটিল]

(নির্মলকুমারী ও রাজকুমারী চঞ্চলকুমারীর প্রবেশ)

চঞ্চল—(বৃদ্ধার প্রতি) তুমি কে বাছা ?

১য় যুবতী—উনি তস্বীর বেচতে এসেছেন ।

চঞ্চল—তা তোমরা এত হাসছিলে কেন ?

২য় যুবতী—আমাদের দোষ কি ? আয়ী বৃদ্ধী যত দাড়ীওয়াল সেকলে
বাদশার ছবি এনে দেখাচ্ছিল, তাই আমরা হাসছিলুম । আমাদের
রাজরাজড়ার ঘরে কি সাহাজাদা-বাদসাহ কিংবা জাহাঙ্গীর-বাদশাহের

তসবীর নেই ?

বৃদ্ধা—থাকবে না কেন গা ? একথানা থাকলে কি আর একথানা কিনতে নেই ? আপনারা নেবেন না তবে আমরা কাঙাল গরীব প্রতিপালন হব কি করে ?

চঞ্চল—কই দেখি আয়ী, তোমার কেমন তসবীর ?

বৃদ্ধা—(তসবীরগুলি দেখাইতে দেখাইতে) এই আকবর বাদশা, এই আশাদ্দৌর, এই সাফাহান, এই নূরজাহান, এই নূরমহাল—

চঞ্চল—(সহাগ্রে ফিরাইয়া দিয়া) এঁরা আমাদের কুটুম্বু, ঘরে এঁদের তসবীর অনেক আছে । হিন্দু রাজার তসবীর আছে ?

বৃদ্ধা—অভাব কি ? (হিন্দু রাজাগণের তসবীর বাহির করিয়া) এই দেখ রাজা মানসিংহ, রাজা জয়সিংহ, রাজা বীরবল—

চঞ্চল—(সেগুলি ফিরাইয়া দিয়া) এ সব চাই না । এঁরা হিন্দু নন—
এঁরা মুসলমানের চাকর ।

বৃদ্ধা—(হাসিয়া) না, কে কার চাকর তা আমি জানি না । আমার যা আছে দেখাই। পছন্দ করে নাও । (আরও চিত্র দেখাইতে লাগিল) ।

চঞ্চল—(চিত্রগুলির কয়েকখানি হাতে লইয়া) আমি এই রাণা প্রতাপ, রাণা অন্নর সিংহ, রাণা কর্ণ ও বশোবন্ত সিংহের ছবি ক'খানি নিলাম ।

(বৃদ্ধা একখানি ছবি গোপন রাখিল)

হাগো, ওখানি ঢেকে রাখলে যে ?

(বৃদ্ধা নিকটতর)

রাজ সিংহ ।

ও আয়ী বুড়ী শুন্ছ, বলি—ওথানা ঢেকে রাখ্লে কেন ?

বৃদ্ধা—(ভীতভাবে করছোড়ে)—আমার অপরাধ নেবেন না রাজ-
কুমারী, অসাবধানে ঘটেছে, ওথানা অণ্ড তসবীরের সংক এসেছে ।

চঞ্চল—অত ভয় খাচ্ছ কেন ? এমন কার তসবীর যে দেখাতে ভয়
পাচ্ছ ?

বৃদ্ধা—না মা, এ ছবি দেখে কাজ নেই ; এ আপনার ধরবে ছদ্মনের
ছবি !

চঞ্চল— কার তসবীর শুনি ?

বুড়ী—(সঙ্করে) রাণা রাজাসিংহের ।

চঞ্চল—(সহাস্ত্রে) বীরপুরুষ স্বীজাতীকখনও শত্রু নয় । আমি ঐ
তসবীরখানাও কিনব ।

(বৃদ্ধা তসবীরখানি তাঁহার হস্তে দিল)

চঞ্চল—(নিরীক্ষণাস্তর প্রথমা যুবতীর হস্তে দিয়া) দেখবার যোগ্য
ছবি বটে !

(সকল যুবতীগণ একে একে ছবি খানি হাতে লইয়া তাহার প্রশংসা
করিল) ।

বৃদ্ধা—ঠাক্করগ্, যদি বীরের তসবীর নিতে হয়, তবে আর একখানা
দিচ্ছি । তাঁর মত পৃথিবীতে বার কে ? (অণ্ড একখানি ছবি
বাহির করিয়া বৃদ্ধা রাজকুমারীর হাতে দিল)

চঞ্চল—এ কার চেহারা গা ?

বৃদ্ধা—বাদসাহ আলমগীরের ।

চঞ্চল—আচ্ছা, ও থানাও কিনব । (ভনৈক পরিচারিকার প্রতি)

ছবিগুলির দাম দিয়ে বুড়ীকে বিদায় করে দাও ।

(পরিচারিকার প্রস্থান)

এস সগিগণ, এখন একটু আমোদ করা যাক ।

১ম যু—কি আমোদ বল ?

চঞ্চল—আমি এই আলমগীরের ছবিখানি মাটিতে রাখছি ; সবাই ওর মুখে এক একটি ক'রে বাঁ পায়ের লাথি মার । কার লাথিতে ওর নাক ভাঙে একবার দেখি ।

(ভয়ে সখীরা পরস্পর মুখ চাওয়াচাওয়ি করিতে লাগিল)

২রা যুবতী—ছি ছি, অমন কথা মুখে এনো না, রাজকুমারী ! এ কথা কাক-কোকিলে শুন্লেও রূপনগর-গড়ের একখানি পাথরও বজায় থাকবে না ।

(চঞ্চলার সহাস্তে চিত্রখানি মাটিতে রক্ষণ)

চঞ্চল—ওলো, কে লাথি মারবি মার ।

(কেহই অগ্রসর হইল না)

নির্মল—(হাসিয়া রাজকুমারীর মুখ টিপিয়া ধরিয়া) অমন কথাটি বলো না ভাই !

(চঞ্চলকুমারী আলমগীরের প্রতিমূর্তির উপর লাথি মারিয়া ভাঙিয়া ফেলিল) ।

যুবতীগণ—কি সর্বনাশ ! কি কল্লে কি কল্লে ?

চঞ্চল—যেমন ছেলেরা পুতুল খেলে সংসারের সাধ মিটায়, আমি তেমনি মোগল বাদসার মুখে লাথি মারার সাধ মিটোলাম । (নির্মলের প্রতি) সখি নির্মল, ছেলেদের সাধ মেটে—সময়ে তাদের সত্যিকার

ঘর-সংসার হয়, আমার কি সাব গিটবে না ভাই ? আমি কি
কখনও স্বীকৃত আলম্গীর বাদশার মুখে এমনি ভাবে—(নিম্নল
রাজকুমারীর মুখ চাপিয়া ধরিল । পরিসারিকা ছাঁবর মূলা আনিয়া
বুদ্ধাকে দিল । মূলা প্রাপ্তি মাত্র বুদ্ধার উল্লসাসে পলারন) ।

চঞ্চল—সখীগণ, তোমরা এখন যাও । বেগম নিঃস্বপ্ন থাকুক ।

(নিম্নল ব্যতীত সকল ব্যক্তির প্রস্থান)

নিম্নল, বল্ দেখি এর মধ্যে কাকে তোমর বে কঙে ইচ্ছে করে ?

নিম্নল—বাকে আমার বে কঙে উচ্ছে করে, তার চিত্র ত ভূমি পা দিবে
ভেঙে ফেলেছ !

চঞ্চল—ওঁরঙ্গজেবকে !

নিম্নল—আশ্চর্য্য হচ্ছ নে ?

চঞ্চল—বজ্জাতের দাড়ী যে ! অনন পাস ও নে পৃথিবীতে আর দ্বিতীয়টি
জন্মে নি !

নিম্নল—সত্যি বলছি ভাই, বজ্জাতকেই বশ করতে আমার আনন্দ ।
তোমার মনে নেই, ছেলেবেলায় আমি বাধ পুতুম ? আমি একদিন
না একদিন ওঁরঙ্গজেবকে বিবাহ করব ইচ্ছে আছে !

চঞ্চল—দূর, মুসলমান্ যে ! (একখানি ছবি নিরীক্ষণ)

নিম্নল—ও ভাই, আমার হাতে পড়লে ওঁরঙ্গজেবও হিঁড় ব'নে যাবে ।

চঞ্চল—তুই মর । (ছবিটি দর্শন)

নিম্নল—কিছুমাত্র আপত্তি নেই, কিন্তু কার একখানা ছবি তুমি বে
পাঁচবার করে দেখেছ, সেই খবরটুকু নিয়ে তবে আমি মরব ।

চঞ্চল—(রাজসিংহের ছবিখানি অস্ত্র ছবিগুলির মধ্যে দিশাইয়া) ওমা,

কোন ছবি আবার পাঁচবার করে' দেখছি। মানুষে মানুষের
একটা কলঙ্ক দিতে পারলেই কি হয় ?

নির্মল—(সহাস্ত্রে) তা ভাই, একখানা তস্বীর দেখছিলে, তার আবার
কলঙ্ক কি ? রাজকুমারী, তুমি ঐ রাগটুকু করলে ব'লেই আমার কাছে
ধরা পড়ে গেলে। বলি—কার এমন কপাল প্রসন্ন—তস্বীরগুলো
দেখলেই আমি খুঁজে বার করতে পারি।

চঞ্চল—ও আক্‌বার সাহের।

নির্মল—আক্‌বার বাদশার নামে রাজপুত্র নী ঝাড়ু মারে; ও ত নয়ই।
(তস্বীরের গোছা হাতে লইয়া একখানি ছবি বাহির করিয়া
চঞ্চলের হাতে দিয়া) হ্যাঁ ভাই, এইখানি ত ?

চঞ্চল—(রাগ করিয়া ছবি ফেলিয়া) তোমার আর কিছু কাজ নেই, তাই
তুই লোককে জালাতন করতে শুরু ক'রেচিস্‌ ব'রা। যা দূর হ'—

নির্মল—দূর হচ্ছি না। তা রাজকুমারী, ওই বুড়োর ছবিতে তুমি
দেখবার এত কি পেয়েছ বল দেখি ?

চঞ্চল—বুড়ো ! তোমার চ'খে কি চান্দ্রশে ধবল নাকি ?

নির্মল—(হাসিয়া) তা ছবিতে বুড়ো না দেখাক, লোকে বলে—
মহারাজা রাজসিংহের বয়স অনেক হ'য়েছে। তাঁর ছটি ছেলেও বেশ
উপযুক্ত হ'য়েছে।

চঞ্চল—ওমা, ওকি রাজসিংহের ছবি ? তা অত শত কে জানে ভাই !

নির্মল—নিজে বেছে এখনি কিনলে—আর কিছু জান না সখি ! তা
মানুষটার বয়সও হ'য়েছে, এমন যে খুব সুপুরুষ তাও নয়।
তবে দেখছিলে কি বলত ?

রাজ সিংহ ।

চঞ্চল— (সুরে) গৌরী সম্বে ভসম্ভার,
পিয়রী সম্বে কালা,
শচী সম্বে সহস্রলোচন,
বীর সম্বে বীরবালা ।
গঙ্গা গর্জন শস্ত্রু জট পর্,
ধরণী বৈঠত বাসুকী ফণমে,
পবন হওত আগুন-সখা,
বীর উদ্ধত বৃক্শী মননে ।

নির্মল—এখন আমি দেখছি—তুমি নিজের মরণের ফাঁদ পেতেছ ।

রাজসিংহকে ভঙ্গলে তাকে কি কখনও পাবে ?

চঞ্চল—লোক গাবার জন্যেই কি ভজে ! তুমি কি পাবার জন্য ঔরঞ্জীব
বাদশাকে ভঞ্জেছ !

নির্মল—আমি ঔরঞ্জীব ভঞ্জেছি, যেমন বেড়াল ইঁদুর ভজে । আমি
যদি ঔরঞ্জীবকে না পাই, তা নয়—আমার বেড়ালখেলাটা এ জন্মের
মত অপূর্ণ রয়ে গেল । তোমারও কি তাই নাকি ?

চঞ্চল—আমারও না হয় সংসারের খেলাটা এ জন্মের মত অপূর্ণ রয়ে
গেল !

নির্মল—বল কি রাজকুমারী । ছবি দেখে কি এত হয় ?

চঞ্চল—কি সে কি হয়, তা তুমি আমি কি জানি ভাই ! কি হ'য়েছে
তাঁই কি জানি !

দ্বিতীয় দৃশ্য :

জেবুন্নিহার বিলাস-মন্দির ।

জেবুন্নিহার ও মোবারক ।

মোবারক ।—সাহাজাদি, আমি কাল প্রভাতেই কিছু দিনের জন্য দূর দেশে যাত্রা করব ।

জেবু ।—দূর দেশে যাবে ? কই সে কথা ত আমাকে পূর্বে কিছু বল নি ?

মোবারক ।—আজ সে কথা নিবেদন কত্তে এসেছি ।

জেবু ।—কোথায় যাবে !

মোবারক ।—রাজপুতানার রূপনগরের রাওসাহেবের কন্যা চঞ্চলকুমারীকে মহিষী করবার জন্য মাহানসার মর্জি হয়েছে, তাকে আনাগন করবার জন্য কোঁজ নিয়ে আমি যাত্রা করছি ।

জেবু ।—এ বিষয়ে তোমাকে আমার কিছু বলবার আছে । দেখ, তুমি যে আমায় ছেড়ে চলে যাবে, সে কথা মনে ভেবে আমার বড় কষ্ট হচ্ছে । তুমি আমার প্রাণাধিক, তোমাকে যতক্ষণ দেখি, ততক্ষণ আমি সুখে থাকি । তুমি পালকের উপর এসে বস, আমি তোমাকে আতর মাখাই । (মোবারককে পালকে বসাইয়া স্বহস্তে আতর মাখাইতে লাগিল) এখন সেই রূপনগরের কথা শোন । জানি না, রূপনগরীর পিতা তাকে ছেড়ে দেবে কিনা ; কিন্তু ছেড়ে যদি না দেয় তবে তাকে জোর করে ধরে নিয়ে আসবে ।

মোবারক ।—বাদসা ত আমাদের এরূপ আদেশ দেননি, সাহাজাদি ।

রাজ সিংহ ।

জেবু ।—এ স্থলে আমাকেই না হয় বাদসা মনে করলে । যদি বাদসার

এরূপ অভিপ্রায় না হবে, তবে ফৌজ সঙ্গে পাঠাচ্ছেন কেন ?

মোবা ।—পথের বিঘ্ন নিবারণ করবার জন্য ।

জেবু ।—আলমগীর বাদসার ফৌজ যে কাবে যাবে, সে কায়ে তারা
নিষ্ফল হবে ? তোমরা! বক্রপে পার রূপনগরীকে ধরে নিয়ে
আসবে । বাদসা যদি তাতে নারাজ হন, তবে আমি আছি ।

মোবা ।—আমার পক্ষে এই ভঙ্গুই যথেষ্ট : তবে আপনার এরূপ
অভিপ্রায় কেন হচ্ছে জানতে পালে, আনার বাহ্যে অধিকতর বলের
সঞ্চার হয় ।

জেবু ।—সেই কথাটাই আমি বিন্দুতে চাচ্ছিলান । এই রূপনগর-
ওয়ালীকে আমার কৌশলক্রমেই তরব হয়েছে ।

মোবা ।—আপনার মতলবখানা কি ?

জেবু ।—মতলব এট যে, উদীপুরী বেগমমাহেবাকে বড়াই আর সহ্য হয়
না । শুনলুম—রূপনগরওয়ালী আরও খুব সুরৎ । যদি হয়, তবে
উদীপুরীর বদলে মে-ই বাদসাহের উপর প্রভুত্ব করবে । আমি
তাকে আনাচ্ছি এ কথা জানলে রূপনগরওয়ালী আমার বশীভূত
থাকবে । তাহলে আমার একাধিপত্যের যে একটু কণ্টক আছে
তা' দূর হবে । তা' তুমি যাচ্ছ ভালই হয়েছে । যদি দেখে যে, সে
উদীপুরী অপেক্ষা সুন্দরী —

মোবা ।—আমি হজরৎ বেগমমাহেবাকে ত কখনও দেখিনি ।

জেবু ।—দেখতে চাও ত দেখাতে পারি । এই পর্দার আড়ালে
লুকোতে হবে ।

মোবা ।—হিঃ !

জেবু ।—(হাসিয়া) দীপ্তিতে তোমার মত ক'টা বাদর আছে ! তা যাক্, আমি তোমায় বা বলি শোন ; জীবন্ত উদীপুরী না দেখ, আমি তার তস্কার দেখাচ্ছি । কিন্তু রূপনগরীকে ভালো করে' দেখো ; যদি তাকে উদীপুরীর চেয়ে বেশী সুন্দরী বোঝা, তাহ'লে তাকে জানাবে যে, আমারই অন্তর্গত সে বাদসাহের বেগম হ'তে পাচ্ছে । আর যদি দেখ, সেটা দেখতে তেমন নয়—

মোবা ।—যদি দেখে দেখতে ভাল নয়, তবে কি করব ?

জেবু ।—তুমি বড় দিয়ে ভালবাস, নিজে নয় বিয়ে করে ফেলো ।

বাদসা যাতে অনুমতি দেন তা আমি করব ।

মোবা ।—অধমের প্রতি কি আপনার একটু ভালবাসাও নেই !

জেবু ।—বাদসাজাদীদের আবার ভালবাসা ?

মোবা ।—আল্লা তবে বাদসাজাদীদের কি জন্তু সৃষ্টি ক'রেছেন !

জেবু ।—সুখের জন্তু । ভালবাসা দুঃখ মাত্র ।

মোবা ।—কিন্তু যিনি বাদসার বেগম হবেন, তাঁকে আমি দেখব কি প্রকারে ?

জেবু ।—কোন কল-কৌশলে ।

মোবা ।—শুনলে বাদসা কি বলবেন !

জেবু ।—সে দায়-দোষ আমার ।

মোবা ।—আপনি যা বলেন তাই করব, কিন্তু এ গরীবকে একটু ভালবাসতে হবে ।

জেবু ।—বলুন না তুমি আমার প্রাণাধিক !

রাজ সিংহ ।

মোবা ।—ভালবেসে বলেছেন কি ?

জেবু ।—বলেছি ত—ভালবাসায় গরীব-দুঃখীর দুঃখ । সাহাজাদীরা সে
দুঃখ স্বীকার কতে নারাজ ।

মোব্ব ।—(মর্ম্মাহত হইয়া) তাহ'লে সাহাজাদী, আমায় বিদায় দিন ।

(প্রস্থান)

জেবুন্নিসা—

[গীত]

ফুলের হাসি ভালবাসি ফুলের তাণ্ডয়া মাধি গায় ।
ফুলের মাঝে ফুলের সাজে ফুলরাণী সাজি তায় ॥
আমার তরে ধীরে ধীরে মন্দ বহে ফুরফুরে বায় ;
আকাশে শারদ শনী খেলা করে তারা-মালায় ॥
কোকিল পঞ্চম স্বরে—আদর কোরে তান ধোরে
কুহ কুহ মধুর গীতি আমারে শুনায় ।
আশে আমার প্রণয়-মধু, কত শত প্রেমিক বঁধু—
সোহাগ ভরে আদর কোরে লুটায় আমার পায় ॥

(গাহিতে গাহিতে প্রস্থান)

তৃতীয় দৃশ্য :

চঞ্চলকুমারীর কক্ষ ।

(সাশ্রনয়নে চঞ্চলকুমারী একখানি চিত্র লইয়া নির্মলকুমারীর
সহিত প্রবেশ ।)

নির্মল—সখি, এখন উপায় ?

চঞ্চল—উপায় ষাট হোক,—আমি যোগলের দাসী কখনই হব না ।

নির্মল—তোমার অমত তা ত জানি, কিন্তু আলমগীর বাদসার হুকুম ।

রাজার সাধ্য কি যে অগ্রথা করেন ? উপায় নেই, সখি, উপায়
নেই । বাধ্য হ'য়ে তোমাকে এ পরাজয় স্বীকার কত্তেই হবে ।
আর স্বীকার করা ত সৌভাগ্যের বিষয় ! যোধপুর বল—অধর
বল—রাজা বাদসাহ ওমরাহ নবাব সূবা যা বল, পৃথিবীতে এত বড়
লোক কে আছে যে, তার কন্যাকে দৌলির তুলে বসাতে বাসনা
করে না ? পৃথিবীখরী হ'তে তোমার এত অসাধ কেন ভাই ?

চঞ্চল—(রাগত ভাবে) তুই এখন থেকে চলে যা !

নির্মল—আমি না হয় চলে গেলাম, কিন্তু যার দ্বারা প্রতিপালিত হচ্ছি,
আমাকে তাঁর হিত খুঁজতে হয় । তুমি যদি সহজে দৌলি না যাও,
তবে তোমার বাপের দশা কি হবে তা কি একবার ভেবেছ ?

চঞ্চল—ভেবেছি । আমি যদি না যাই, আমার পিতার কাঁধে মাথা
ধাক্বে না—রূপনগরের গাফের একখানি পাথরও বক্রায় থাক্বে না ।
তা ভেবেছি,—আমি পিতৃহত্যা করব না । বাদসার কৌজ এলে,

রাজ সিংহ ।

আমি তাদের সঙ্গে দীল্লি যাত্রা করব—এই স্থির করেছি ।

নির্মল—আমিও সেই পরামর্শ দিচ্ছিলাম ।

চঞ্চল—তুই কি মনে ক'রেছিস্ যে, আমি দীল্লিতে গিয়ে মুসলমান বানরের

• শয্যা শয়ন করব ? হুসী কি বকের সেবা করে ?

নির্মল—এবে কি করবে ?

চঞ্চল—(হস্তে একটি অঙ্গুরী দেখাইয়া) এই আংটির ভিতর বিব আছে

তা ত জানিস্ ? দীল্লির পথে এই বিব পান ক'রে প্রাণত্যাগ

করবে ।

নির্মল—আর কি কোন উপায় নেই ভাই ?

চঞ্চল—আর উপায় কি সখি ? কে এমন বীর পৃথিবীতে আছে যে,

আমার উদ্ধার ক'রে প্রবল প্রতাপবিত দীল্লিধরের সঙ্গে শত্রুতা

চরণ করবে ? রাজপুত্রের কুলধার সকলেই মোগলের কীত-

দাস ! আর কি সংগ্রাম আছে, আর কি প্রতাপ আছে !

নির্মল—কি বল রাজকুমারী ? সংগ্রাম কি প্রতাপ যদি থাকত, তবে

তারাই বা তোমার জন্ত সর্বস্ব পণ ক'রে দীল্লির বাদসার সঙ্গে

বিবাদ করবে কেন ? পরের জন্ত কেউ সহস্র সর্বস্ব পণ করে

না । তবে প্রতাপ নাই, সংগ্রাম নাই রাজসিংহ আছে । কিন্তু রাজা-

সিংহই বা তোমার জন্ত সর্বস্ব পণ করবে কেন ? বিশেষ তুমি

মাড়বারের ঘরানা ।

চঞ্চল—সে কি ! বাহুতে বল থাকলে, কোন্ রাজপুত্র শরণাগতকে

রক্ষা করে না ? আমি তাই ভাবছি নির্মল, আমি এ বিপদে

সেই সংগ্রাম-প্রতাপের বংশ-তিলকেরই শরণ গ্রহণ করব ; তিনি কি

আমায় রক্ষা করবেন না ? (ছবিগানি দেখাইয়া) দেখ সখি,
এ রাজকান্দি দেখে তোমার কি বিশ্বাস হয় না যে, ইনি অগতির
গতি—অনাথার রক্ষক ? আমি যদি এর শরণ নিই, ইনি কি
আমায় রক্ষা করতে পরাজুগ হবেন ?

নিশ্চল—রাজকুমারী, যে বীর তোমাকে এ বিপদ হাতে রক্ষা করবেন.
তাকে তুমি কি দেবে ?

চঞ্চল—কি দেব' সখি ? আমার দেবার মত কি আছে ! আমি যে
অবলা ।

নিশ্চল—কেন, তোমার তুমি আছে !

চঞ্চল—দূর হ ।

নিশ্চল—তা রাজ্যের মরে অমন হ'য়ে থাকে । তুমি যদি কল্লিনী হতে
পার, বহুপতি এসে অবশুই উদ্ধার কতে পারেন ।

চঞ্চল—তাকে আমি পাব—আমি তেমন ভাগ্য করেছি ? আমি
বিকোতে চাইলে, তিনি কি কিনবেন !

নিশ্চল—সে কথার বিচারক ত্রিনি, ভাই, আমরা নই । রাজসিংহের
বাহুতে শুনেছি বল আছে, তাঁর কাছে কি দূত পাঠান যায় না !
গোপনে—কেউ না জানতে পারে, একরূপ ভাবে কোন দূত কি তাঁর
কাছে যায় না ?

চঞ্চল—হ্যাঁ যেতে পারে । তুমি আমার গুরুদেবকে ডাকতে পাঠাও ।
আমার আর কে তেমন ভালবাসে ?

(জনৈক সখির প্রবেশ)

সখি—রাজকুমারী, একজন মতিওয়ালী মতি বেচতে এসেছে ।

রাজ সিংহ ।

চঞ্চল—এখন আমার মতির ঠিক নাই, মতি কিন্বো কি ? যাও,
ফিরিয়ে দাও ।

মতি ।—আমরা ফিরাবার চেষ্টা করেছিলুম, কিন্তু সে কিছুতেই ফিরলো না ।

বোধ হ'ল আপনার সঙ্গে দেখা করা তার বিশেষ দরকার ।

চঞ্চল ।—আচ্ছা যাও, তবে নিয়ে এসো ।

(মতির প্রশ্ন ও কিছু পরে মতিওয়ালী দেবীকে সঙ্গে লইয়া প্রবেশ)

কই গো, কি মতি এনেছ দেখি ? (মতি দেখিয়া)—এই বুটা মতি
দেখাবার জন্য তুমি এত জেদ করছিলে ?

মতিওয়ালী ।—না, আমার আরও দেখাবার জিনিস আছে ; কিন্তু সেগুলি
একটু নিরিবিলি না হ'লে দেখাতে পারব না ।

চঞ্চল ।—আমি একা তোমার সঙ্গে কথা কইতে পারব না ; অহুতঃ
একজন সখি আমার সঙ্গে থাকবে । নির্মল থাক, (অন্য সখির প্রতি)
তুমি একটু বাইরে যাও ।

(নির্মল ব্যতীত অন্য সখির প্রশ্ন ও মতিওয়ালী কর্তৃক যোধপুরী
বেগমের পাঞ্জা প্রদর্শন)

চঞ্চল ।—(দেখিয়া ও পড়িয়া) এ কি, এ পাঞ্জা তুমি কোথায় পেলে ?
তোমার নাম কি ?

মতি ।—যোধপুরী বেগম আমাকে দিয়েছেন । আমার নাম দেবী ।

চঞ্চল ।—তুমি তাঁর কে ?

মতি ।—আমি তাঁর বাদী ।

চঞ্চল ।—এ পাঞ্জা নিয়ে এখানে এসেছ কেন ?

মতি ।—যোধপুরী বেগম আমাকে এখানে পাঠিয়েছেন । তিনি আর

রাজপুত্র কণ্ঠার সর্বনাশ দেখতে চান না । আপনাকে মহিষী করবার অভিপ্রায়ে দীল্লি নিয়ে যাওয়ার কথাটা ভাণ মাত্র ; প্রকৃত উদ্দেশ্য—আপনি আলমগীর বাদশাহের তস্বীর বাম পদাঘাতে ভগ্ন করেছেন, তারই প্রতিশোধ নেওয়া । আপনাকে দীল্লিতে নিয়ে গিয়ে মহিষী করার পরিবর্তে উদীপুরী বেগমের তামাক সাজ্জার বাদী করা হবে,— এই প্রকৃত উদ্দেশ্য ।

চঞ্চল ।—তোমার এই পরিশ্রমের পুরস্কার গ্রহণ কর । (প্রদান) । বোধপুরী বেগমকে আমার নমস্কার জানিয়ে ব'লো যে, আমি তাঁর উপদেশ-বাণীতে বিশেষ উপকৃত ও অনুগৃহীত হলেম । যদি ভগবান দিন দেন, তখন এই সং উপদেশের প্রতিদান দেবার চেষ্টা করব । (অভিবাদান্তে পাঞ্জাখানি ফেলিয়া মতিওয়ালী দেবীর প্রস্থান) (নির্মলের প্রতি) সখি, কাউকে দিয়ে গুরুদেবকে ডাকতে পাঠাও ।

নির্মল ।—কে আছ ? (জনৈক সখির প্রবেশ) গুরুদেব অনন্তমিশ্রকে এখানে সসন্মানে নিয়ে এস ।

চঞ্চল ।—নির্মল, দেবীকে ডাক, সে পাঞ্জাখানা ফেলে গেছে ।

নির্মল ।—ফেলে যায় নি ; বোধ হ'ল যেন ইচ্ছাপূর্বক রেখে গেছে ।

চঞ্চল ।—এ পাঞ্জা নিয়ে আমি কি করব ?

নির্মল ।—এখন রেখে দাও, কোন-সময়-না-কোন-সময় বোধপুরীকে ফেরৎ দিতে পারবে ।

চঞ্চল ।—তা' যাই হ'ক্. বেগমের কথায় আমার প্রাণে বড় সাহস বাড়ল, সখি । আমরা দুটি বালিকায় কি পরামর্শ কচ্ছিলাম—তা ভাল কি

রাজ সিংহ ।

মন—ঘটবে কি না ঘটবে—কিছুই বুঝতে পারছিলাম না । এখন
সত্যিই সাহস পেলাম । রাজসিংহের আশ্রয় গ্রহণ করাই বুদ্ধিযুক্ত !
নির্মল ।—সে ত অনেক কাল জানি, কিন্তু আমার মনে ভাই ভরসা
হচ্ছে না ।

চঞ্চল ।—তুই বলিস কি ? অর্থাৎ-সন্তান বীরকুলতিলক অবলা শরণাগতাকে
আশ্রয় দিতে বিষম হবেন ? এ কখনই হতে পারে না ।

(অনন্তমিশ্রের প্রবেশ)

অনন্ত ।—মা-লক্ষ্মী, আমাকে স্বরণ ক'রেছ কেন না ?

চঞ্চল ।—(প্রণামান্তর) গুরুদেব, আনাকে বাঁচাবার জন্তু । এ
পৃথিবীতে আর কেউ নেই যে আমাকে বাঁচায় !

অনন্ত ।—(হাসিয়া) বুঝেছি, কল্পিণীর বিয়ে, তাই পুরোহিত বুড়োকে
স্বাক্ষর করে যেতে হবে । দেখ দেখি মা, লক্ষ্মীর ভাগ্যে কিছু আছে
কি না—পথ খরচটা জুটলেই আমি উদয়পুর যাত্রা করি ।

(চঞ্চল আস্রফিভরা একটি জরীর খলে বাহির করিয়া
অনন্তের হস্তে প্রদান করিলেন ।)

অনন্ত ।—(পাঁচখানি আস্রফি বাহির করিয়া লইয়া)—পথে অন্নই খেতে
হবে—আস্রফি ত খেতে পারবে না মা । একটা কথা বলি,
পারবে কি ?

চঞ্চল ।—আমাকে আগুনে ঝাঁপ দিতে বল্লেও আমি এ বিপদ হাতে
উদ্ধার হবার জন্য তাও কত্তে প্রস্তুত । কি আজ্ঞা করুন !

অনন্ত ।—রাণা রাজসিংহকে একখানা পত্র লিখে দিতে পারবে ?

চঞ্চল ।—আমি বালিকা—পুরস্কী, তাঁর কাছে অপরিচিতা, কি প্রকারে পত্র লিখি ? কিন্তু আমি তাঁর কাছে যে ভিক্ষা চাচ্ছি, তা'তে লজ্জারই বা স্থান কই ! আচ্ছা লিখ্বে ।

অনন্ত ।—আমি লিখিয়ে দেব, না তুমি নিজে লিখ্বে ?

চঞ্চল ।—না, আপনিই ব'লে দিন্ ।

নির্মল ।—তা হবে না ভাই, এ বামুনে বুদ্ধির কাজ নয়—এ মেয়েলী বুদ্ধির কাজ । আমরা নিজেই পত্র লিখ্বে । ঠাকুর মশাই, আপনি প্রস্তুত হ'য়ে আসুন ।

অনন্ত ।—আচ্ছা আমি ততক্ষণ রাজাকে আশীর্বাদ ক'রে আসি, আর তাঁর কাছ থেকে একখানা পরিচয় পত্র লিখিয়ে আনি । তোমরা শীঘ্র করে পত্র খানা লিখে শেষ কর । (প্রস্থান)

নির্মল ।—এস ভাই, আমরা ততক্ষণ পত্রখানা লিখে রাখি ।

(উভয়ে পত্র লিখিতে প্রবৃত্ত হওন)

চঞ্চল ।—এ পত্র পেয়ে রাণা আমার প্রার্থনা কখনই প্রত্যাখ্যান করবেন না ।

নির্মল ।—না করলেই গঙ্গল ।

(অনন্তের পুনঃ প্রবেশ)

অনন্ত ।—কি মা, তোমাদের পত্র লেখা হয়েছে ?

চঞ্চল ।—আজ্ঞে হাঁ । (পত্র খানি ও একটি মুকুতাবলয় বাহির করিয়া ব্রাহ্মণের হস্তে দিয়া) রাণা পত্র পড়লে আমার প্রতিনিধি স্বরূপ আপনি এই রাধী বেঁধে দেবেন । যিনি রাজপুত্রকুলের চূড়া, তিনি কখনও রাজপুত্র-কণ্ঠার প্রেরিত রাধী অগ্রাহ্য করবেন না ।

রাজ সিংহ ।

অনন্ত ।—ই্যা মা, তাই কর্ব । আশীর্বাদ করি, তোমার ইচ্ছা জয়যুক্ত
হ'ক, মা সর্বমঙ্গলা তোমার মঙ্গল করুন । (উভয়ের প্রণাম) ।

চতুর্থ দৃশ্য :

উদয়পুরের নিকটস্থ পার্কত্যা পথ ।

চারিজন বণিকবেশধারী দস্যু ও অনন্ত মিশ্রের প্রবেশ ।

দস্যু ।—(অনন্তকে লক্ষ্য করিয়া) তুমি যাবে কোথায় ?

অনন্ত ।—উদয়পুর যাব ।

১ম দস্যু ।—আমরাও উদয়পুর যাব । ভাল হয়েছে, একত্রে যাই চল ।

অনন্ত ।—উদয়পুর আর কতদূর মশাই ?

১ম দস্যু ।—অতি নিকটেই অবস্থিত । আজ সন্ধ্যার মধ্যেই উদয়পুর
পঁছিতে পারব । এ সকল স্থান রাণারই রাজ্যভুক্ত ।

(সকলে দুই এক পদ অগ্রসর হইলেন)

২য় দস্যু ।—(অনন্তের প্রতি) তোমার ঠেঙে টাকা কড়ি কি আছে ?

অনন্ত ।—আমি ভিক্ষুক ব্রাহ্মণ, আমার কাছে আর কি থাকবে বাবা !

২য় দস্যু ।—যা কিছু আছে, আমাদের নিকট দাও, নইলে এখানে
রাখতে পারবে না ।

অনন্ত ।—আজ্ঞে, আজ্ঞে—আমি ভিক্ষুক, আমার কাছে আর কি থাকবে বলুন ?

(ছদ্মবেশী বণিকগণ ব্রাহ্মণের বুকে হাঁটু দিয়া বসিয়া তাহাকে চাপিয়া ধরিল ও তাঁহার গাঁটুরী কাড়িয়া লইল এবং গাঁটুরী হইতে চঞ্চল-প্রেরিত বলয়, দুই খানি পত্র, এবং আসুরফি হস্তগত করিল ।)

২য় দস্যু ।—আর বৃদ্ধহত্যা ক'রে কাজ নেই । ওর যা' ছিল, তা' পেয়েছি, এখন ওকে ছেড়ে দে ।

৩য় দস্যু ।—না, ছেড়ে দেওয়া হবে না । ব্রাহ্মণ তাহ'লে এখনই একটা গোলযোগ করবে । আজকাল রাণা রাজসিংহের বড় দৌরাভ্যা ; তাঁর শাসনে বারপুরুষে আর অন্ন ক'রে খেতে পারে না । ওকে ঐ গাছে বেঁধে রেখে যাই চল ।

(ব্রাহ্মণের হস্ত-পদ বন্ধন করিয়া ও মুখে কাপড় গুঁজিয়া দিয়া বৃদ্ধকাণ্ডের সহিত বন্ধন)

৪য় দস্যু ।—চল, এইবার জিনিষ পত্রগুলো সকলে মিলে ভাগ ক'রে নেওয়া যাক । (চারিজনের প্রস্থান)

(অপর দিক্ দিয়া অখারোহীবেশে রাজসিংহের অনন্ত মিশ্রের নিকট আগমন ও তাঁহাকে বন্ধন মুক্ত করন)

রাজ ।—ব্রাহ্মণ, কি হ'য়েছে অন্ন কথায় বলুন ?

অনন্ত ।—(প্রকৃতিস্থ হইয়া) চারজন বণিক বেশধারী পুরুষের সঙ্গে আমি একত্র আসছিলাম, তাদের চিনি না—পথের আলাপ, তারা এইখানে এসে মেরে ধ'রে আমার যা কিছু ছিল কেড়ে নিয়ে গেছে ।

রাজ ।—কি কি নিয়ে গেছে ?

রাজ সিংহ ।

অনন্ত ।—এক গাছি মুক্তার বালা, কয়েকটি আসুরকি, দুই খানি পত্র !

রাজ ।—আপনি এখানে থাকুন ; ওরা কোন দিকে গেল আমি দেখে আসি ।

অনন্ত ।—আপনি যাবেন কি ক'রে ? তারা চারজন, আপনি একা ।

রাজ ।—দেখছেন না আমি রাজপুত্র সৈন্য ! (প্রস্থান)

পঞ্চম দৃশ্য ।

পর্কতের সাহু দেশ ।

[চার জন দস্যু লুণ্ঠিত দ্রব্য বণ্টনে রত । রাজসিংহ গোপনে দীর্ঘ দীর্ঘে প্রবেশ করিয়া বনমধ্যে বধা লুকাইলেন, পরে অসি নিক্ষেপিত করিয়া দক্ষিণ হস্তে দৃঢ় মুষ্টিতে ধারণ করিলেন, বাম হস্তে পিস্তল লইলেন এবং পশ্চাৎ দিক হইতে নিঃশব্দে অগ্রসর হইয়া তরবারী দ্বারা দলপতির মস্তকে আঘাত করিলেন । দলপতি পঞ্চত্ব প্রাপ্ত হইল । দ্বিতীয় দস্যুর মস্তকে পদাঘাত করিলেন । সে মূর্ছিত হইয়া ভূতলে পতিত হইল । তৃতীয় দস্যু একখানি প্রস্তর তুলিয়া রাজসিংহকে মারিতে উদ্যত হইলে তিনি পিস্তল ছুড়িলেন ; সে আহত হইয়া তৎক্ষণাৎ প্রাণত্যাগ করিল । অবশিষ্ট দস্যু মাণিকলাল বেগতিক দেখিয়া উর্দ্ধ্বাসে পলায়নপর হইল । রাজসিংহও পশ্চাৎদিক করিলেন । এই সময়ে রাজসিংহের লুকাইত বধা মাণিক-
লালের পায়ে ঠেকিল ; সে তৎক্ষণাৎ তাহা তুলিয়া লইয়া দৌড়িল । *]

* এই দৃশ্যটি বায়োফোপের ন্যায় মুক অভিনয় হইবে ।

পতি-পল্লিবর্তন :

[একদিক দিয়া বর্ষা হস্তে দস্যু মানিকলাল ও অপরদিক দিয়া রাজসিংহের প্রবেশ] ।

মানিকলাল— (বর্ষা লক্ষ্য করিয়া) মহারাজ ! আমি আপনাকে চিনি, ক্ষান্ত হ'ন্, নইলে এই বর্ষায় বিদ্ধ করুব ।

রাজসিংহ—তুমি যদি আমাকে বর্ষা মারতে, তাহ'লে আমি তা বাম হাতে ধরু'ম ; কিন্তু তুমি তা মারতে পারবে না । এই দেখ— (দস্যুর দক্ষিণ হস্তের মুষ্টি লক্ষ্য করিয়া পিস্তল ছুঁড়িলেন ; মানিকের হাতের বর্ষা খসিয়া পড়িল ; রাজসিংহ তাহা তুলিয়া লইয়া মানিকের চুল ধরিলেন এবং অসি উত্তোলন করিয়া তাহার মস্তক ছেদনে উদ্বৃত্ত হইলেন ।)

মানিক—(পদপ্রান্তে পড়িয়া কাতর স্বরে) মহারাজাধিরাজ, আমার জীবন দান করুন—রক্ষা, করুন, আমি শরণাগত ।

রাজসিংহ—(কেশ ত্যাগ করিয়া, তরবারী নামাইয়া) তুমি মরতে এত ভীত কেন ?

মানিক—আমি মরতে ভয় পাই না ; কিন্তু আমার একটি সাত বছরের কন্যা আছে, সে মাতৃহীনা, তার আর কেউ নাই, কেবল আমি । আমি প্রাতে তাকে আহার করিয়ে বারু হ'য়েছি, আবার সন্ধ্যাকালে গিয়ে আহার করাব—তবে সে খাবে ; আমি তাকে রেখে মরতে পারছি না । আমি মরলে সে মরবে ; আমাকে মারতে হয়—আগে ব্রুকে মারুন । (ক্রন্দন ও পরে অশ্রু মুছিয়া) মহারাজাধিরাজ,

রাজ সিংহ ।

আমি আপনার পদস্পর্শ করে শপথ করছি, আর কখনও দস্যুতা
করব না, চিরকাল আপনার দাসত্ব করব। আর যদি জীবন
থাকে, একদিন না একদিন এ ভৃত্য হ'তে আপনার কিছু না কিছু
•উপকার হবে।

রাজসিংহ—তুমি আমাকে চেন ?

মাণিক—(প্রণাম করিয়া) মহারাণা রাজসিংহকে কে না চেনে ?

রাজ—আচ্ছা, আমি তোমার জীবন দান করলুম ; কিন্তু তুমি ব্রাহ্মণের
ব্রহ্মস্ব হরণ করেছ ; আমি যদি তোমাকে কোনপ্রকার দণ্ড না দিই,
তবে আমি রাজধর্মে পতিত হব।

মাণিক—এ পাপে আমি নূতন ব্রতী ; অনুগ্রহ করে আমার প্রতি
লবু দণ্ডেরই বিধান করুন। আমি আপনার সম্মুখেই শাস্তি গ্রহণ
কতে প্রস্তুত। (ছুরিকা বাহির করিয়া আপনার তর্জনী ছেদন
করিতে লাগিল ; মাংস কটিল, কিন্তু অস্থি কাটিল না। তখন
মাণিকলাল এক শিলাখণ্ডের উপর হস্ত রাখিয়া ঐ অঙ্গুলির উপর
ছুরিকা বসাইয়া আর একখানি প্রস্তরের দ্বারা তাহাতে ঘা মারিল।
অঙ্গুল কাটিয়া মাটিতে পড়িয়া গেল।) মহারাজাধিরাজ, করুণা
প্রকাশে এই দণ্ড মঞ্জুর করুন।

রাজ—এই যথেষ্ট হ'য়েছে। দস্যু তোমার নাম ?

মাণিক—মহারাজ, এই অধমের নাম মাণিকলাল সিংহ, আমি রাজপুত্র
কুলের কলঙ্ক।

রাজ—মাণিকলাল, আজ হ'তে তুমি আমার কার্যে নিযুক্ত হ'লে ;
তোমাকে আমার অস্বারোহী সৈন্যভুক্ত কর্ণেম। তুমি তোমার

কন্যা নিয়ে উদয়পুরে যাও, তোমাকে ভূমি দেব—বাস ক'রো ।

(মাণিকলাল রাণার পদধূলি গ্রহণ করিয়া গুহামধ্যে প্রবেশ পূর্বক তথা হইতে অপহৃত মুক্তা বলয়, পত্র দুইখানি এবং আসবাবিক আনিয়া দিল)

মাণিক—ব্রাহ্মণের আমরা যা কেড়ে নিয়েছিলুম, তা মহারাজের শ্রীচরণে প্রত্যর্পন করছি । পত্র দুখানি আপনারই জন্ত । দাস চিঠিদু'খানি পাঠ ক'রেছে, সে অপরাধ মার্জনা করুন ।

(রাণা পত্র দুখানি পড়িতে লাগিলেন)

রাজ—(স্বগতঃ) পত্রবাহক নরিন্দ্র ব্রাহ্মণকে কিছু দিলেই এ পত্রের উদ্দেশ্য সকল হবে ।

(রাজা বিক্রমসিংহের পত্র ছি'ড়িয়া ফেলিলেন ও পরে দ্বিতীয় পত্র পাঠ ; এই সময়ে অনন্তমিশ্রকে সঙ্গে লইয়া রাজসিংহের পুত্রধর ও অমাত্যবর্গের প্রবেশ)

এই বে, তোমরা এসেচ, ভালই হ'য়েছে । রূপনগরের রাজকন্যা আলমগীর বাদসার ভয়ে ভীত হ'য়ে আমার শরণাপন্ন হ'বার জন্ত এই পত্রে আবেদন করেছে । এক্ষণে তোমাদের কার কি অভিপ্রায় আমার নিকট প্রকাশ ক'রে বল' ।

১ম অমাত্য—মহারাণা, একটি সামান্য স্ত্রীলোকের জন্ত মহাপরাক্রান্ত দীপ্লির সত্রাটের সহিত বিবাদ সূচনা করা আমি আদা যুক্তিসঙ্গত বিবেচনা করি না ।

রাজ সিংহ ।

২য় অমাত্য—মহারাজ, এক্ষণে আমাদের বহু স্বজাতীয় যোগলের সেনাদলভুক্ত : অল্প সংখ্যক রাজপুত্রই আমাদের সহায় । এ অবস্থায় জলন্ত অগ্নিতে রক্ষা প্রদান আর আলমগীর বাদসাহের সহিত যুদ্ধ

• করা একই কথা ; সুতরাং এতে আমার মত নাট, মহারাণা ।

৩য় অমাত্য—মহারাজাধিরাজ, আমরা এই অল্প সংখ্যক সৈন্য নিয়ে মুসলমানের সহিত লড়াই ক'রে কখনই সফলকাম হ'তে পারব না । সুতরাং ইচ্ছা ক'রে দোর্দণ্ডপ্রতাপ বাদশার বিরুদ্ধে একটি রমণীর জন্ত জলন্ত অগ্নিতে রক্ষা প্রদান নিতাস্তই অকর্তব্য ।

রাজসিংহ—পুত্রগণ, তোমাদের অভিপ্রায় ব্যক্ত কর' ।

১ম পুত্র (জয়সিংহ)—পিতঃ, আমাদের আর মতামত কি ? আপনার যে আদেশ, সেই আমাদের মত ।

রাজ—অনুচরবর্গ, তবে শরণপ্রার্থী অবলা রাজকুমারীকে তোমরা আশ্রয় দিতে কেউ প্রস্তুত নও ?

অমাত্যগণ সকলে—(নীরব)

রাজসিংহ—বেশ, বুঝেছি, তোমাদের কারুরই অভিমত নয় ! আচ্ছা, তোমরা সকলে ফিরে যেতে পার । আমি শরণপ্রার্থীকে কখনই বিমুখ কতে পারব না । আমি একাই তার সাহায্যার্থ গমন করব ।

ভাবি নাই পূর্বে কভু—রাজপুত্র জাতি

প্রাণভয়ে পরিত্যজে অবলা রমণী !

আছিল ধারণা মোর বহে তপ্ত স্রোতে

অচ্যপি আর্যের রক্ত শিরায় শিরায়—

ঘুচিল সে ভ্রম এবে । বীরের শোণিত
 প্রশমিত চিরতরে প্রতাপ সহিত ।
 হায় মা ভারতমাতা, বীরেন্দ্র জননী,
 কি হেতু এখনও বক্ষে করিছ ধারণ
 হেন কাপুরুষগণে, প্রাণভয়ে বারা
 শরণপ্রার্থিনী নারী স্বায় কুলোদ্ভবা
 প্রত্যাখ্যানে, দিতে চায় বিধর্মী মোগলে,
 উচ্চার বিক্রমে তার ! সত্য সৌমন্ত্রিনী,
 এই কি বাসনা তোর, ভারত ললনা
 অকলঙ্ক সাধবা সতী স্বধর্ম ত্যাজিয়া,
 ভজিবে বিধর্মীজনে ? হায় গো জননী,
 সাবিত্রী সীতার দেশে, সতীষ রতন
 বিকাইবে স্বার্থতরে, তনয়া তাদের
 ডুবিলে পঙ্কিল জলে, বহে পরশ্রোতে
 বথায় যমুনা গঙ্গা পূতধারা বহি ।
 আর কেন, মুছে ফেল, কেশরীবাহিনী,
 কলঙ্ক-কালিয়া মাথা আঘাত নাম
 আঘাতভূনি হতে চিরকাল তরে ।
 কত্রিয় সম্মান হয়ে ক্ষত্রধর্ম ভুলি
 শরণাগতেরে নাহি দিতে চায় স্থান !
 প্রাণভয়ে বীরধর্মে দিয়া জলাঞ্জলি ।
 হায় মা গো জন লভি' বাঙ্গারাদ-কুলে—

রাজ সিংহ ।

উজ্জল করিল বাহা সংগ্রাম-প্রতাপ,
কলঙ্ক ডালিব সেই অকলঙ্ক কুলে—
ধাকিতে সে রক্তবিন্দু ধমনীতে মোর !
যে ক্ষত্র-উজ্জল-রবি রাম রঘুবীর,
সেই ক্ষত্র-বংশে জন্মি রাজপুত্রগণ,
স্বচ্ছন্দে বিধম্বী-করে চাহে দিলাইতে
শরণপ্রার্থিনী নারী অবলা সরলা !
এ হতে মরণ শ্রেয় ক্ষত্রিয় জাতির ;
ডুবে যাক আখ্যাবর্ত অতল সলিলে,
ভুলুক জগতবাসী আয়া-স্মৃত নাম,
দিনমণি আর নাহি উদিত ভারতে ।
শোন সভাসদবর্গ ! যাও ইচ্ছা যথা,
একাকী পশিব আমি গলনা রক্ষণে :
দেখাব অত্মপি ক্ষত্র নহে কাপুরুষ,
মথিব মোগল সেনা ফেরুপালে যথা',
বীরের শয্যায় পরে করিব শয়ন ।
কাল প্রতিকূল ক্ষল্রে কাল বলবান ।

১ম অমাত্য—মহারাজা, আমায় মার্জনা করুন। আমার ভুল
ভেদেছে। এখন আমি শরণাগত রক্ষার্থ নিজের প্রাণ বিসর্জন দিতে
প্রস্তুত ! কেবল অনর্থক কতকগুলি প্রাণনাশ হবে, সেই আশঙ্কায়ই
ও কথা বলেছিলুম : আর ও কথা মুখে আনব না, আমায়
মার্জনা করুন।

২য় অমাত্য—মহারাজ ! আমিও শরণাগত-রক্ষণে প্রাণত্যাগে কুণ্ঠিত
নই । কেবল একটা প্রকাণ্ড আগুণ জলে উদয়পুর ধ্বংস হবে—
এই আশঙ্কাতেই বলেছিলুম—প্রাণ ভয়ে বলি নি । আজ্ঞা করুন,
আমি জনন্ত অগ্নিতেও প্রবেশ ক'রতে প্রস্তুত ।

৩য় অমাত্য—রাজপুত্র-কুল-ভিলক রাণা রাজসিংহের অন্তর্চর কাপুরুষ
নয় : দেশের অকল্যাণেব ভয়েই ঐরূপ বলেছিলুম—নিজের প্রাণের
মমতায় নয় । মহারাজ, আদেশ ক'রে দেখুন—একাই মোগল-বাহিনী-
মাঝে ঝাঁপ দিতে পারি কি না !

রাজসিংহ—তবে শোন প্রিয়জনবর্গ ! বেলা অনেক হয়েছে,
তোমাদের সকলেরই ক্ষুধা তৃষ্ণার উদয় হয়েছে—সন্দেহ নেই ; কিন্তু
আজ উদয়পুরে কিরে গিয়ে ক্ষুধা তৃষ্ণা নিবারণ করা আনাদের অদৃষ্টে
নেই ; এই পার্শ্বতা-পথে শরণপ্রার্থিনী বালাকে রক্ষণের জন্ত আবার
কিরে যেতে হবে । চল, এই পার্শ্বত পুনরারোহণ করি ।

অমাত্যবর্গ—চলুন মহারাণা, আমরা প্রস্তুত । ভয় মহারাণা নি-
জয় ।

অনন্তমিশ্র—মেবারের রাণাবংশ যে হিন্দুস্থানে, হিন্দুস্থানে কেন সমগ্র
ভারতে কেন শ্রেষ্ঠ, তা আজ সম্যক অবগত হলাম । মহারাণা !
আ নি যথার্থই সংগ্রাম ও প্রতাপ সিংহের উপনৃত্ত বংশধর । একটি
সামান্য রনগীর জন্ত বোধহয় অন্য কোন রাজপুত্র শত মাত্র
সৈন্য নিয়ে ছই সহস্র মোগল সৈন্যের সম্মুখীন হ'তে সাহস করত
না বা প্রবল প্রতাপান্বিত দিল্লীর সম্রাটের সহিত বিরুদ্ধাচরণ
করতে অগ্রসর হ'ত না । মহারাণা, আপনিই প্রকৃত হিন্দু ও কবির

রাজ সিংহ ।

কুল-ভিলক । আপনাকে আর আমি বেশী কি বলব, এই বৃদ্ধ
ব্রাহ্মণের আন্তরিক আশীর্বাদ গ্রহণ করুন, ভগবান্ আপনার
এই পুরুষোচিত সংকল্প সিদ্ধ করুন—আপনি অচিরে মোগল-
বিজয়ী হ'ন ।

(পটক্ষেপ)

দ্বিতীয় অঙ্ক ।



প্রথম-দৃশ্য ।

[রূপনগর, চঞ্চলকুমারীর কক্ষ]

চঞ্চলকুমারী ও নির্মলকুমারী ।

নির্মল—মোগল বাদশার দুই সহস্র অশ্বাঘোহী সেনা তোমাকে নেবার
জন্য রূপনগরের গড়ে এসে উপস্থিত হয়েছে, কি হবে সখি ।

চঞ্চল—(মূঢ় হাশ্বে) কিসের কি হবে ?

নির্মল—তোমাকে তো নিতে এসেছে । কিন্তু ঠাকুরজী তো উদয়পুরে
বাত্মা করেছেন—এখনও তাঁর কিরুবার বিলম্ব আছে বোধ হয় ।
রাজসিংহের উত্তর আসতে না আসতেই তোমায় নিয়ে যাবে ; কি
উপায় হবে ভাই ?

চঞ্চল—তার আর উপায় নাই—কেবল আমার সেই শেষ উপায় আছে ।
দীপ্লির পথে বিষ-ভোজন প্রাণত্যাগ—সে বিষয়ে আমি চিন্তা
হির করেছি । সুতরাং আমার আর উদ্বেগ নাই । একবার
কেবল আমি পিতাকে অতুরোধ ক'রব—যদি মোগলসেনাপতির
নিকট সাতদিনের অবসর ভিক্ষা করেন ।

(রূপনগরাধিপতি বিক্রম সোলাঙ্কির প্রবেশ. চঞ্চল

ও নিম্নলের অভিবাদন)

বিক্রম—(চঞ্চলকে) মা ! বাদশাহী-সৈন্য তোমাকে নেবার জন্ত এসেছে, তুমি প্রস্তুত হও ।

চঞ্চল—বাবা ! আমি সে কথা শুনেছি । আপনার পদে আমার একটি নিবেদন আছে ।

বিক্রম—খা থাকে বল মা—এতে কি হু হু কেন !

চঞ্চল—বাবা ! আমি জন্মের মত রূপনগর হাতে যাচ্ছি, আর কখনও যে আপনাদের শ্রীচরণ দর্শন করতে পাব, আর কখনও যে বাল্য-সখীদের সঙ্গে আমোদ করতে পাব, এমন দৃষ্টাবশ্য নেই । আমি সাত দিনের অবসর ভিক্ষা করি—সাত দিন মোগল-সেনা এখানে, থাকুক, আর এই সাতদিন আমি আপনাদের দোখে শুনে জন্মের মত বিদায় হই ।

বিক্রম—(একটু স্নেহ বিগলিত সুরে) দেখি সেনাপতিকে একবার অনুরোধ করে ; কিন্তু তিনি অপেক্ষা করবেন কি না—,বলতে পারি না । (প্রস্থান)

নিম্নল—সখি ! আমি বাইরে থেকে একবার খবর নিলে আসি—মিশ্র ঠাকুর ফিরলেন কি না । (প্রস্থান)

চঞ্চল—(যুক্তকরে) হে অনাথনাথ দেবাদিদেব ! সত্যের সতীত্ব রক্ষা কর নাথ ! আমি বালিকা, বালিকার-স্বভাব চপলতায় যে আলমগীরের চিত্র-মুখে পদাঘাত করেছি, তা যেন বজায় থাকে দেব । যেন এখন তার পদানত হতে না হয় । অবলাকে বধ কর না দেব ।

রাজসিংহ ।

আমা হ'তে যেন রাজপুত্রজাতির গৌরব বৃদ্ধি হয় নাথ । মা সতী-
সীমন্তিনি অভয়ে, কাতরা কন্ডাকে অভয় দাও জননি, সতীর সতীত্ব
যেন বজ্রাধ থাকে মা ।

(নিখিলকুমারীর প্রবেশ)

নিখিল—না সখি ! মিশ্রঠাকুর এখনও ফেরেন নি ।

চঞ্চল—তবে আমাকে নিতান্তই দীল্লি যেতে হবে ?

নিখিল—তা' ছাড়াতো আর কোন উপায় দেখচি না ।

চঞ্চল—তবে আমি প্রস্তুত হই ।

নিখিল—তা'হলে আমিও তোমার সঙ্গে যাবার জন্য প্রস্তুত হই ।

চঞ্চল—তুমি আমার সঙ্গে কোথায় যাবে ? আমি মরতে যাচ্ছি ।

নিখিল—আমিও মরব । তুমি আমার ফেলে গেলেই কি আমি
বাচব ?

চঞ্চল—ছি ! অমন কথা ব'ল না—আমার দুঃখের উপর কেন আর
দুঃখ বাড়াও ?

নিখিল—আমাকে নিয়ে যাও বা না যাও, আমি নিশ্চয় তোমার সঙ্গে যাব
—কেউ ধরে' রাখতে পারবে না । (প্রস্থান)

দ্বিতীয় দৃশ্য :

[রূপনগর-প্রান্তে নোপন শিবির]

নোপতি সৈয়দহাসন খান, করিম খাঁ ও অগ্রাণ্ড সহচরবর্গ ।

সৈয়দ—করিম খাঁ ।

করিম—জনাব ।

সৈয়দ—এই কয়দিন ধরে দীর্ঘ এতে আসতে তো জান্টা হয়রাণ ভয়ে গ্যাছে ; দিনগুলো এক ঘোমতাবেই কেটে যাচ্ছে । আবার রূপনগরের রাজাটা এসে পাঁচদিনের সময় নিয়ে গ্যাছে । আর তো চূপচাপ করে বসে থাকতে ভাল লাগে না, একটু আমোদ আহ্লাদ লাগাও—বাইজাদেব কি শুধু বলে বসেই থাকবে ।

করিম—আনিও জনাবকে এই কথা বলব বলব মনে করছিলাম ; তা জনাব আমার মনের কথাটা নিজেই বলে ফেলেছেন ; তা এখন বাইজাদেব এখানে আসতে বলি ?

সৈয়দ—হাঁ বল : কিছু রঙ্গনকে আগে এখানে পাঠিয়ে দাও ; আর বাইজাদেবের বলে দিও—দোস্তুকে নিয়ে যেন একটু নূতন রকমের আমোদ করে ।

(করিমের প্রস্থান ; কিছু পরে তাহার সহিত রঙ্গন আলির হেলিতে ছলিতে প্রবেশ) ।

রঙ্গন—(সৈয়দকে দেখিয়া জ্বলন্ত তুলিয়া) দোস্তু ! একেবারে যে রোষ্ট্র হয়ে উঠলুম—আর এর কয় কতদিন চালাবে ?

সৈয়দ—আরে দোস্ত যে, তা তুমি এসেছ ভালই হয়েছে! তা রোষ্ট হ'লে
কিসে ভাই ?

রুদন—এইটুকু আর বুললে না ; এই ছ' ছ'হাজার সেনার সেনাপতিত্ব
ক'রছ, আর আমার এই সামান্য কদাতা বুললে না ? নাঃ, তোমরা
কেবল মালুকের মাথা-কাটা কাটিটাই বোঝ, পরের জায়গা-জমি
কেড়ে নিতেই জান, আর জান কিভাবে পরের সুন্দরী মেয়েগুলো
কেড়ে নিতে ; বিছ কথার মারপ্যাচ বোঝ না, কার কোথায় দুঃখ
তা বোঝ না, আর আমার মত বকুবাকিব না খেয়ে গেয়ে পেট ফুলে
মলেও বোঝ না । নাঃ, তোমার সঙ্গে এনে ভাল করিনি দেখছি ।

সৈয়দ—আরে, তোমার হ'ল কি বলনা, না খেয়ে পেট ফুলে মলেই বা কি
রুদন !

রুদন—এই দাদা কথাটুকু তাও বুঝিয়ে দিতে হবে ?

সৈয়দ—বলই না ।

রুদন—নিভাস্তহ বখন ছাড়বে না, শোন ! এই দারুণ গরমে দিল্লী থেকে
আসতে আসতে ঘাম করে' করে' তো স্ত্রীমানস্য রোগ জন্মেচ,
কাজেই পেট-পুরে আর খাওয়া চ'লছে না । কোপ্তা কাবাব কি আর
দারুণ গরমে গেলা যায় ! আর দোস্তর দে একপ লস্বা তা' তো আর
তুমি চোখ মেলে দেখ না ; না হয় একটু ঠাণ্ডাইয়ের ব্যবস্থা কর—
কোপ্তা কাবাব পোলাও বাদ দিবে দুটো গুটি মোণ্ডা—না হয় একটু
বাদশাহী হালুয়ার ব্যবস্থা কর ; তাতে আর তুমি কর না, কাজেই
খাওয়া হয় না ! আর পেট ফোলার কথা জিজ্ঞাসা করছ ? এই দিল্লী
থেকে আরম্ভ করে রুদনগর পর্য্যন্ত রাস্তার যত পুলা সব তো গেটের

খোলে ঢুকেছে, সুতরাং পেট না ফুলে আর করে কি ? আর দিন কয়েক এরূপ হ'লেই পেট জরটাক হয়ে তোমার প্রাণের দোস্ত একদম কবরগ্রস্ত হবে !

সৈয়দ—দোস্ত ! আরও পাঁচদিন এখানে থাকতে হবে ।

রঙ্গন—তা হ'লে দোস্তকে কবরগ্রস্ত করাই সাব্যস্ত করেছ ।

সৈয়দ—কি করব বল—রাজা পাঁচদিনের সময় নিয়েছে ।

রঙ্গন—তা হ'লে তুমি থাকো, আমার পাঠিয়ে দাও ।

সৈয়দ—তাও কি হয় দোস্ত—আমি কি তোমায় ছেড়ে থাকতে পারি ?

রঙ্গন—দোস্ত ! আমি যে তোমার দোস্তানী রঙ্গিলা বিবির কাছ থেকে মাত্র দশদিনের সময় নিয়ে এসেছি ।

সৈয়দ—তা কি করব দোস্ত—আমি যে তোমায় না দেখলে মারা যাই ।

রঙ্গন—দোস্ত ! তোমার দোস্তানী যে আমায় না দেখলে তুমিই বেবাক আঁধার মেগে ; আর সে দেখে দেখুক আর না দেখুক, আমি যে তাকে না দেখলে মারা যাই ।

সৈয়দ—না দোস্ত ! তোমার যাওয়া হবে না ।

রঙ্গন—যেতে দেবে না ?

সৈয়দ—না ।

রঙ্গন—(বসিয়া ক্রন্দন) ও গো বিবিজান গো—ওগো রঙ্গিলা বিবি গো—ও গো মেরিজান গো—

(বাইজীগণের প্রবেশ ও রঙ্গনকে বেঁটন)

রাজসিংহ ।

রঙ্গন—(চক্ষু মুছিতে মুছিতে দাঁড়াইয়া) হ্যাঁ তোমরা কারা—এখানে কেন ?

১ম বাইজী—এই যে তুমি বিবিজান বিবিজান করে ডাকছিলে, তাই এসেছি ।

রঙ্গন—আহা, তোমাদের ডাকব কেন, আমি রঙ্গিলা বিবিকে ডাকছিলুম ।

১ম বাইজী—আমিই তো রঙ্গিলা বিবি ।

রঙ্গন—আরে ছাই, তুমি রঙ্গিলা বিবি হতে যাবে কেন ?

১ম বাইজী—কেন সাহেব তাতে দোষ কি, আমি কি সুন্দরী নই ?

রঙ্গন—আহা, সুন্দরী হবে না কেন, তবে তার মত নয় ।

১ম বাইজী—এদিকে বলছ আমি সুন্দরী অথচ তার মত নয় ; আচ্ছা তিনি কেমন রূপসী একটু স্পষ্ট করেই বল না ?

রঙ্গন—বলব, রাগ করবে না ?

১ম বাইজী—রাগ ক'রতে যাব কেন ? শীগ্গির শীগ্গির বলে ফেল !

রঙ্গন—তবে বলছি শোন, কিন্তু দেখো ঘেন রাগ কর' না—

(সুরে)

শুভো, সে যে দেখিতে সুন্দর অতি মনোহর,

কথায় বরমে সুধা ;

সে যে ডাকিলে আমারে কোকিল কুহরে,

মিটয়ে পিয়াস। সুধা !

১ম বাইজী—তা মিয়া সাহেব ! আমিই কি কিছু কম, বরং বেশী !

এই শোন—

[গীত]

আমি স্মরণে বচনে মধুর
গাপিয়া বাক্যে স্বরে ।

নব কিসলয় অঙ্গ মন হয়,
ক্রান্তে কন্দর্প ডরে ।

শেখি মোর বেশী লাজ পায় ফণি
অন্যে দাড়িঙ্গ হারে ;

নেহারি' চাহনি পলায় হরিণী,
পুরুষ অনঙ্গ স্বরে ।

রঞ্জন—তা—তা—সুন্দরী, আমি কিন্তু সে পুরুষ না, আমি তোমায় দেখে
ভুলি নি ; পথ ছেড়ে দাও—আমায় যেতে দাও ।

১মা বাইজী—তুমি আমাদের দেখে না ভুলতে পার, কিন্তু আমরা যে
তোমায় দেখে ভুলিছি—আমরা তোমায় ছেড়ে দোব না ।

রঞ্জন—ওগো, সে কি সো, আনায় ছেড়ে না দিলে যে আমার রঙ্গিলা
বিবি বাঁচবে না ।

১মা বাইজী—আমিও যে রঙ্গিলা, সাহেব, আমিও যে তোমায় ছেড়ে
বাঁচব না ; তা' তোমায় ছেড়ে দিই কি করে বল ?

রঞ্জন—ও দোস্ত—আমি যে সত্যি সত্যিই রোপে হলাম ; যে টুকু বাকি
ছিল এই বারই শেষ হ'ল ! আনায় এবারকার মত বাঁচিয়ে দাও ।

সৈয়দ—আমি কি করব দোস্ত—আনিতো ভাই কিছু বলি নি ; তুমি
নিজে নিজেই গোলমাল বাধিয়েছ । তা এখন বিবিদের কাছে
অব্যাহতি চাও ।

[৩৮]

রাজসিংহ ।

রজন—দোস্তু, তুমি কি আমার এই জ্বলে এনেছিলে ভাই ! ওগো

বিবিরা, আমার এবারকার মত ছেড়ে দাও ।

১মা বাইজী—তোমায় ছেড়ে দোব কি সাহেব, তুমি যে অন্যাদের
জান্ ।

রজন—

[গীত]

(ওগো রহিনীরা !) পায় ধবি দয়া কর নইলে প্রাণে মারা যাই ।

তোমাদের অঙ্গজ্যোতি প্রচণ্ড মাদুও ভাতি,

ঐ আগুনে পুড়ে আমি বুঝি গো হই ছাই ॥

কলধনু নরন কোনে বিধনাগ হানে প্রাণে,

নিদারুণ জ্বালার চোটে এবার বুঝি পানি খাউ ।

রসনার বরে সুধা মত ক'রে বাড়ার ক্ষধা ,

উচ্চা হয় সকল ছেড়ে (তোমাদের) ঐ পায় লুটাই ॥

১মা বাইজী—বাহবা সাহেব ! তুমি ত খুব রসিক নোক দেখছি—অনরা
তোমার মত লোকই ভালবাসি ।

রজন—তা' পাঁচশোবার ভালবেসো—হবে এগু' দূর থেকেই ভালোবেসো

আমায় এখন একটু রাস্তা দাও—অনি একটু তফাৎ যাই ।

১মা বাইজী—তফাৎ যাবে কি সাহেব—তোমায় কি আমরা তফাতে
রাখতে পারি ?

বাইজীগণ—

[গীত]

চুরি ক'রে মোদের প্রাণ কোথায় যাবে মন চোরি ।

তোমায় রাখব বুকে থাকবে সুখে দিব! রাতি হয়ে বিভোর ॥

তোমায় ছেড়ে কি থাকতে পারি, তুমি মোদের তুষার বারি,
তোমায় দাঁড়ে বসিয়ে শিকলি দিয়ে রাখব বেঁধে করি' জোর ॥

রঙ্গন—আমি কি টিয়ে পাখী মে, আমায় দাঁড়ে বসিয়ে শিকলি দিয়ে
বেঁধে রাখবে ?

বাইজীগণ—

[গাঁত]

তুমি মোদের টিয়ে পাখী তুমি মোদের ময়না ।
তোমায় পেতে দেব ছোলাদানা পরাব কুলের গয়না ॥
শেখাব রসের কথা, রাখব কুঞ্জে কোকিল যথা—
কুহরে মধুর স্বরে, পবন জোরে বয় না ।
তোমার নিয়ে ক'রব খেলা, থাকব তোমার জড়িয়ে গলা,
ছাল তুলে ডুগি বানিয়ে বাজাব মধুর বাজনা ॥

রঙ্গন—ও দোস্ত ! এই বারই আমি গেলুম, আমার ছাল তুলে ডুগডুগি
বানাতে চায় যে ! তুমি কি ব'সে ব'সে মজা দেখছ ? হা খোদা,
শেষে আমার কপালে এই লিখেছিলে ? ওঃ আমার গলা শুকিয়ে
গিয়েছে, আমায় শীগগির একটু জল দাও ।

সৈয়দ—(নিম্নস্বরে) করিম ! শীগগির দোস্তকে জল দিতে বল ।

(করিমের প্রস্থান ; কিছু পরেই দিলবাহার ও পিয়ারি বিবির
এক একটি পেয়লা ও গেলাস হস্তে গাহিতে গাহিতে প্রবেশ
ও নৃত্য)

দিল—মিঠা সরষৎ পিজিয়ে গোলাপী পানি ।

পিয়ারি—ঠাণ্ডাই মিছরিপানা মেরি ইরাগ'সে আমদানী ॥

দিল—মেরি সরবৎ খেলে পরে ঠাণ্ডা হো য়া হিয়া,

পিঃ—মুঝ্কে পানা মুখে দিলে বুলি বোলে টিয়া ;

দিল—এরসা সরবৎ কঁহি নেহি ছায় বড়া মছাদার,

পিঃ—মেরি পানা সারা দুনিয়ামে মিলনা বড়ি ভার ;

দিল—সরবৎ মেরি পিলে পরে একদম মশ্‌গুল,

পিঃ—পানা মুমে ডারু মেনেসে হো যাগা সব ভুল ;

দিল—সরবৎসে দেখোগে সব দুনিয়া চমৎকার,

পিঃ—পানা পিলে চাঁদনি রাতমে দেখোগে আঁধার ;

দিল—সরবৎ পিজিয়ে মিয়া সা'ব কর্কে মেহেরবাণী ।

পিঃ—মেরি পানা পিলিয়ে সাব বাঁদী হোগা রাণী ।

(উভয় কর্তৃক রঙ্গনকে সরবৎ ও পানা বলপূর্বক পান করাওন)

রঙ্গন—সেনাপতি সাহেব ! এইবারই তোমার দোস্ত একদম রোষ্ট !

যারা মাথুষের মাথা নিয়ে ছিনিমিনি খেলে, তাদের বে দয়া মাছা থাকে না, তা এবার বেশ বুঝলুম । (রঙ্গনের স্বরে) ওগো রঞ্জিলা

বিবিগো—আর তোমার সঙ্গে দেখা হ'ল না গো—আমায় টিয়ে বানিয়ে শিকলি বেঁধে দাঁড়ে বসালে গো—ওগো রঞ্জিলা গো, আমার বিধিমান গো । (ফুঁপাইতে লাগিল)

১ম বাইছী—এই বে আমি হেথায় মিয়া সাহেব গো, অমন ক'রে কপচাচ্ছ কেন গো ?

রঙ্গন—তোমায় ডাকছে কোন বেয়াদব ? আর সত্যিসত্যিই কি তুমি আমার চিড়িয়া ঠাওরালে, তাই বলছ—কপচাচ্ছি !

১ম বাইছী—ও সাহেব ! তুমি চিড়িয়া নও ? তা' এতক্ষণ আমি

ঠাওয়াতে পারিনি । তা বেশ এখন চল, তোমায় আমাদের কুঞ্জে নিয়ে যাই ।

[গীত]

এস নাগর কুঞ্জে আজি সাজাব বাসর ।
 ফুলের মাঝে ফুলেব সাজে রচি' ফুলের ঘর ॥
 মিনি স্তোত্র গেঁথে মালায় পরাব তোমার গলায়
 হেরি ক্রোধে ফুলসখা হান্বে ফুল-শর ॥
 তোমায় নিয়ে ক'রব পেলা হাসবে স্তখে ফুল-বালা
 তারা মাঝে হাসবে শশী হাসায়ে অধর ।
 সুগন্ধ মলয় বায় করবে বাস্তাস তোমার গায়
 দিবা রাত্রি রাখব তুলে (তোমায়) বুকের পর ।

রজন—ও দোস্ত ! আমার নিয়ে যায় যে ! রঞ্জিলা বিবি গো, তোমার সঙ্গে আর বুঝি দেখা হ'ল না গো—ওগো, আমি দাঁড়ে বসে ছোলার ছাতু খেতে পারবো না গো ।

১ম বাইজী—তোমায় কাবাব্ কোর্খা খাওয়াব এখন, চল গো—

(সকলের টানিয়া লইয়া গমন)

রজন—ওগো রঞ্জিলা বিবি গো— আমি দাঁড়ে ব'সতে চন্নুম গো—আর তোমার সঙ্গে দেখা হ'ল না গো—(প্রস্থান)

মৈঃ—(হাসিয়া) করিম ! দোস্তকে নিয়ে আজ বেশ আমোদ হ'ল ; চল, এখন খাওয়া দাওয়া করা যাক্গে । (সকলের প্রস্থান)

তৃতীয় দৃশ্য :

[পার্বত্য পথ]

পর্বতোপরি রাজসিংহ ও অহুচরবর্গ ।

রাজসিংহ—অহুচরবর্গ ! মোগলেরা সংখ্যায় দুইহাজার, আমরা মাত্র একশত ; এরূপ অবস্থায় সম্মুখ যুদ্ধে জয়ের সম্ভাবনা আদৌ নাই । সুতরাং এক্ষেত্রে পর্বতোপরি বা গিরি-গুহার আশ্রয় নিয়ে লড়াই করাই যুক্তিসঙ্গত । অতএব, তোমরা সেইরূপ ভাবে অবস্থান কর এবং মোগলেরা এই স্থানে উপস্থিত হলেই সুযোগ বুঝে আক্রমণ কর ।

রাজসিংহ ও অহুচরবর্গের পর্বতশীর্ষে ও গুম্ফে লুকায়িত হওন)

[কিছুক্ষণ পরে মানিকলালের প্রবেশ ও ইতস্ততঃ নিরীক্ষণ]

মানিক—(স্বগত)তাইতো, মহারাণার তো কোন খোঁজ পাচ্ছি না ! কিন্তু চঞ্চলকুমারীর পত্র পেয়ে তিনি যে উদয়পুরে কিরে যাবেন তা' কখনই হ'তে পারে না ; তা'হলে যে তাঁর রাজপুত্রপতি-নাম মিথ্যা হবে । তিনি নিশ্চয়ই চঞ্চলকুমারীর নিমন্ত্রণ রাখতে এসেছেন—নিকটেই কোথায় গুপ্তভাবে অবস্থান ক'রছেন । অধিক সংখ্যক সৈন্যকে আক্রমণ করার এরূপ উপযুক্ত স্থান এ অঞ্চলে আর নেই । দেখি, একবার ডেকে দেখি । (প্রকাশে) মহারাণার জয় হ'ক ।

(৩৪ জন যোদ্ধার অগ্রবর্তী হইয়া এবং তরবারী নিষ্কাশিত করিয়া মানিককে কাটিতে উদ্বৃত্ত হওন; এমন সময় রাজসিংহ বাহিরে আসিলেন ।)

রাজসিংহ—সাবধান, মেরা না, এ আমাদের স্বজন ।

(যোদ্ধাগণের পুনরায় লুকায়িত হওন)

মানিক, তুমি এ সময় এখানে কেন ?

মানিক—(প্রণাম করিয়া) প্রভু যেখানে, ভৃত্য সেখানে । বিশেষ যখন আপনি এরূপ বিপজ্জনক কার্যে প্রবৃত্ত হয়েছেন, তখন যদি ভৃত্য কোন কাজে লাগে এই ভরসায় এসেছি ।

রাজ—এসেছ—ভালই করেছ ; আমি তোমার মত সূচতুর একজন লোক খুজছিলুম । আমি যা' বলি—পারবে ?

মানিক—মানুষের যা সাধ্য, তা অবশ্যই ক'রব । আজ্ঞা করুন ।

রাজ—আমরা একশত মাত্র যোদ্ধা ; মোগলের সঙ্গে দুই হাজার । আমরা রণ ক'রে প্রাণত্যাগ ক'রতে পারি, কিন্তু জয়ী হ'তে পারব না—যুদ্ধ ক'রে রাজকন্টার উদ্ধার সাধন ক'রতে পারব না । রাজকন্টাকে আগে বাঁচিয়ে পরে যুদ্ধ ক'রতে হবে । রাজকন্টা যুদ্ধক্ষেত্রে থাকলে তিনি আহত হ'তে পারেন, তাঁর রক্ষা প্রথমে চাই ।

মানিক—আমি ক্ষুদ্র জীব, আমি সে সব কি প্রকারে বুঝব ? আমাকে কি ক'রতে হবে, আজ্ঞা করুন ।

রাজ—তোমাকে মোগল-অশ্বারোহীর বেশ ধরে' কাল মোগলসেনার সঙ্গে আসতে হবে । রাজকুমারীর শিবিকার সঙ্গে সঙ্গে তোমাকে থাকতে হবে এবং যা যা বলি, তা ক'রতে হবে ।

রাজসিংহ ।

(চুপি চুপি সবিস্তার বলিয়া দিলেন ।)

মানিক—মহারাজের জয় হ'ক । আমি কার্যসিদ্ধি ক'রব । মহারাণা
অনুগ্রহ ক'রে আমাকে একটি ঘোড়া, প্রয়োজনীয় হাতিয়ার আর
একটি পোষাক দিতে আজ্ঞা করুন !

রাজ—আমরা যতজন যোদ্ধা, ততগুলি ঘোড়া, হাতিয়ার ও পোষাক
আছে । তা' কাকে ছাড়িয়ে তোমাকে এ সব দেব ? তবে তুমি
আমার নিজের গুলি নিতে পার ।

মানিক—তা' প্রাণ থাকতে নোব না ।

রাজ—তবে উপায় কি ?

মানিক—মহারাজ ! অনুমতি দিন, আমি যে প্রকারে হ'ক, এ সকল
সংগ্রহ করে নিই ।

রাজ—(হাসিয়া) চুরি করবে ?

মানিক—(জিত্ কাটিয়া) আমি শপথ করেছি যে, আর সে কার্য
ক'রব না ।

রাজ—তবে কি ক'রবে ?

মানিক—আজ্ঞে, ঠকিয়ে নেব ।

রাজ—(হাসিয়া) যুদ্ধকালে সকলেই চোর—সকলেই বঞ্চক ।

আমিও বাদশার বেগম চুরি ক'রতে এসেছি—চোরের মত লুকিয়ে
আছি । তুমি যে প্রকারে পার, এসকল সংগ্রহ ক'র ।

মানিক—তবে আমি মহারাণা । (প্রণাম করিয়া প্রস্থান)

চতুর্থ দৃশ্য :

রূপনগরের বাজার ।

পানওয়ালীর দোকান ।

পানওয়ালী ও তাহার দাসী ।

পান ।—দাসি ! আজ বড় ভিড় দেখছি । পান বেশী ক'রে সাজ ।

দাসী ।—হ্যা, আমি আগে থেকেই সাজে রেখেছি ।

পান ।—কতক পান একটু আতর ও গোলাপ জলের ছিটা দিয়ে সাজ ।

দাসী ।—হ্যা, সাজছি । (দাসীর পান সাজিতে আরম্ভ করণ)

[মানিকলালের প্রবেশ]

মানিক —ওগো, আমার দু-পয়সার পান দাও । (পয়সা দেওন ও
পানওয়ালী কতক কুড়াইয়া লওন)

দাসী ।—এই পান নিন বাবুজী । (মানিক কতক পান লওন ও চিবাইতে
আরম্ভ করন ।)

মানিক ।—বড় মিষ্টি পান, আর দু-পয়সার দাও । (পয়সা প্রদান)

দাসী ।—এই গোলাপী খিলি নিন বাবু ।

মানিক ।—(হাসিয়া) ভারি সুন্দর পান ; এরকম পান আমি কোন
দোকানে খাইনি ।

পান ।—(হাসিয়া) বাবুজী ! এমন সুন্দর পানওয়ালী কি অন্য কোন
দোকানে দেখেচ যে এমন সুন্দর পান খাবে ?

মানিক ।—তা যা বলেচ বিবি । তোমার মত সুন্দরী পানওয়ালী তো

পানওয়ালী, অনেকের ঘরের মাগও তোমার মত সুন্দরী নয় ।

পান ।—বাবু ! সুন্দর হাতের খিলি না হ'লে কি সুন্দর হয় ?

মানিক ।—তাতে বটেই । তোমার দোকানের সাজসজ্জাও বড় সুন্দর,

তোমার গহনাগুলিও নিখুঁত, তোমার কথাগুলো আরও মিষ্টি ।

পান ।—বাবু জানেন তো—আগে দর্শনধারী পরে গুণ বিচারি ; এরকম

না হ'লে কি আর আপনাদের মত বাবু আমার দোকানে আসে ?

মানিক—মহারাজিয়া ! তুমি ভারি চতুরা ।

পান—বাবু ! আজ-কাল-কার-দিনে বোকা হ'লে কি চলে ? (দাসীর

প্রতি) যা, বাবুর জন্য জলদি এক ছিলিম তামাকু সেজে নিয়ে আয় ।

(দাসীর প্রস্থান)

মানিক—তোমার মত চতুরা স্ত্রীলোক খুব কম দেখতে পাওয়া যায় ।

তা দেখ, আমি একটি চতুরা স্ত্রীলোক খুঁজছিলাম । আমার একটি

দুষমন আছে—তাকে একটু জঙ্গ ক'রব ইচ্ছা । কি ক'রতে হবে

—তা তোমাকে বুঝিয়ে বলছি । তুমি যদি আমার সহায়তা কর,

তবে এক আসরুফি পুরস্কার ক'রব ।

পান—বলুন না—কি ক'রতে হবে ?

মানিক—(চুপি চুপি বলিল ।)

পান—আমি রাজি ; আসরুফি দিতে হবে না—রত্নই আমার পুরস্কার ।

মানিক—বিবি ! তবে আমি তাকে আনতে চলুম, তুমি ঠিক হ'য়ে থেক' ।

যা বলুম—সব বেন ঠিক থাকে ।

(প্রস্থান)

(তামাক সাজিয়া হুকা হস্তে দাসীর প্রবেশ)

পান—তুই এত দেৱী ক'রে তামাকু আনলি, বাবু দাঁড়িয়ে থেকে থেকে
চলে গেল ।

দাসী—তা আমার দোষ কি, ঘবে টিকে ছিল না, বাজারে গিয়ে টিকে
কিনে আনলুম, আগুন ধরালুম, তামাক সাজলুম, তার পরেই নিয়ে
আস্চি ।

পান—তা থাক, যা হবার হয়ে গিয়েচে, হুকা দে ।

(দাসী কর্তৃক হুকা প্রদান ও পানওয়ালীর হুকা সেবন)

তা তুই এখন যা, খাবার তৈরিরি ক'রুগে যা, আজ আমি নিজেই
পান বেচ'ব এখন ।

দাসী—আচ্ছা, আমি চল্লুম ।

(দাসীর প্রস্থান)

[পানওয়ালীর গীত]

(হাঃ হাঃ হা) আজ হোগা বড়িয়া মজা ।

মরদকো মাগী বানারকে দেগা বহুত সাজা ।

মুদা মাফিক ঘরমে রাপকে বাহারসে শিকলি দেকে,

কোতয়ালি মে এতলা দেগা, সিপাই হোগা রোজা :

পর জেনানাকো পাশ নাহি যাওয়ে, আঁখসে কভি নেহি চাওয়ে ;

কাঙ্গীকো পাশ লেযাকে উসকো একদম করোগা খাজা ॥

কিন কভি নেহি আওয়ে ইস্খার, হোয়ার ফকির বুলি সার ॥

সিরাঙ্গি ছোড়্কে গাধা বান্কে পিয়ে চণ্ডু গাঁজা ॥

রাজসিংহ ।

(মানিক ও মহম্মদ খান প্রবেশ)

মানিক—খাঁ সাহেব, ঐ বিবি শয্যায় বসে রওচে । আপনি এগোন,
আমি ঘোড়াটারে ভাল ক'রে বেঁধে রেখে আসি । (প্রস্থান)

মহম্মদ—মানিকলালজি, মানিকলালজি, শোন শোন—

(মানিকের পুনঃ প্রবেশ)

মানিক—আরে সাহেব, পেছোনু থেকে ডাক কেন ?

মহ—দেখ, নেঃঃমাহম্মদের কাছে এই সব অস্ত্রশস্ত্র নিয়ে কি যাওয়া উচিত ?

না এত সব ভারী ভারী গোমাক পরে' যাওয়া যায় ? কি বল ?

মানিক—হ্যাঁ তা যা ব'ল্লেছেন বটে !

মহ—তবে তুমি এই হাতিয়ার আর এই পোষাকগুলো আপাততঃ

তোমার কাছে জিন্মা রাখ ।

মানিক—তা দিন । (মহম্মদ কর্তৃক হাতিয়ার ও পোষাকাদি প্রদান
ও পরে মানিকের প্রস্থান)

[খাঁ সাহেব অগ্রনর হইয়া দেখিলেন তক্তপোষের উপর সুন্দর শয্যায়
পানওয়ারী বাসমা আছে । আতর গোলাপের মৌগন্ধ ঘর আমো-
দিত হইতেছে, চতুর্দিক ফুল বিকীর রহিয়াছে এবং আলবোলায়
সুগন্ধ তানাকু প্রস্তুত রহিয়াছে । খাঁ সাহেব জুতা খুণিয়া তক্ত-
পোষের উপর বসিলেন ।]

পানওয়ারী—খাঁ সাহেব, তুমি বহৎ আচ্ছা লোক । আমার কথা শুনেই

তুমি এসেচ, আমি বড় খুস' হয়েছি ।

মহ—বিবিগানু, তুমি অমন ক'রে খবর দিবেছ, আমি কি না এসে পারি ?

না এলে কি ভাল দেখায় ?

দ্বিতীয় অঙ্ক ।]

[চতুর্থ দৃশ্য ।

পান—খাঁসাহেব, তুমি সমঝদার লোক, ভূমি কি আমাদের কষ্ট দিতে পার ?

মহ—বিবিজান, অমন কথা মুখে এনো না । আমরা তোমাদের
• গোলাম ।

পান—ও কি কথা সাহেব, অমন কথা কি বলতে আছে ? আমরা কি
তোমাদের পদসেবার যোগ্য ?

মহ—বিবিজান, তোমরা আমাদের পদসেবার যোগ্য। কেন, তোমরা
আমাদের কলিজা, বৃকের ধন, মাথার মনি ।

(পানওয়ালীর আলবোলা হইতে নল তুলিয়া মহম্মদকে প্রদান)

পান—সাহেব, একটু তামাক খাও ।

(মহম্মদের তথাকরণ)

[বাহির হইতে মানিকলালের দরজায় ঘা দেওন]

পান—কে গা !

মানিক—(বিকৃতস্বরে) আমি ।

পান—(ভীত কণ্ঠে) খাঁ সাহেব, সর্কনাশ হ'য়েছে—আমার স্বামী
এসেছেন; মনে করেছিলুম—তিনি আর আসবেন না । তুমি এই তক্ত-
পোষের নীচে একবার লুকোও । আমি ওকে বিদায় ক'রে দিচ্ছি ।

মহ—সে কি ? বে হয় আসুক, এখনি কোতোল করব !

পান—(ছিভ কাটিয়া) সে কি ? সর্কনাশ ! আমার স্বামীকে মেয়ে
ফেলে আমার অন্নবস্ত্রের পথ বন্ধ করবে ? এই কি তোমার ভাল-
বাসার ফল ? শীগ্গির তক্তপোষের নীচে যাও, আমি এখনই ওকে
বিদায় ক'রে দিচ্ছি ।

রাজসিংহ ।

(মানিকলাল কর্তৃক পুনঃ পুনঃ ধারে করাঘাত)

পান—ও খাঁ সাহেব, শীগগির তক্তপোষের নীচে যাও, এখনি দরজা
ভেঙে ফেলে দেখ্‌চি ।

মহ—য্যা সত্যি নাকি ?

(পুনঃ আঘাত)

পানওয়ালী—ও সাহেব, শীগগির ঢোকো ।

মহ—আচ্ছা এই ঢুক্‌ছি । (এই বলিয়া তক্তপোষের নীচে গমন)

[প্রকাশ্যে] প্রেমের জন্তে অনেক সময় সহিতে হয়, বাবা । উঃ
পিঠের ছালচামুড়া শুক উঠে গেল ।

(পানওয়ালী কর্তৃক দরজা খুলিয়া দেওন এবং মানিকলালের প্রবেশ)

পান—তুমি আবার এলে যে ? আজ যে বাড়ী ফিরবে না বলেছিলে !

মাণিক—(বিকৃতস্বরে) চাবিটা কেলৈ গেছি ।

পান—আচ্ছা, আমি খুঁজে দেখ্‌ছি । (ইতস্ততঃ একটু ঘুরিয়া) এই যে
চাবী পেয়েছি, এই নাও ।

মাণিক—(বিকৃতস্বরে) বাইরে কতকগুলো জিনিষ প'ড়ে রয়েছে কেন ?

তুমি এস, এগুলো ধরে নিয়ে রাখ ।

(উভয়ের বাহিরে গমন এবং দরজা বন্ধ করিয়া শিকলি দেওন ও
চাবীবন্ধকরণ)

(মহম্মদের তক্তপোষের নীচে হইতে বাহির হওন ও দরজা খুলিবার
চেষ্টা এবং অকৃতকার্য হইয়া)

মহম্মদ—য্যা একি ? এ যে দেখছি দরজা বন্ধ ! আমার কি কাকী দিয়ে
আটকে রেখে গেল ? এখন করি কি ? আমার সর্কনাশ হ'ল

নেপ্তি যে ! নেপতি সাহেব জানতে পালে যে আমায় একবারে
কোতল করবে । হায় হায় আমি কি করলুম ! ওগো, আমায় কি হবে
গো ! ও মানফলাল, মানিকলাল, আমায় উদ্ধার কর । কই, কেউ
যে সাড়া দেয় না । আমি কি শেষকালে না খেয়ে শুকিয়ে মরব ?
আমার মেথানার সময় হ'য়েছে । হায় হায়, আমার কি হোলো গো ।
আমি এত বড় একটা বীর হ'য়ে সামান্য একটা মেয়েমানুষের
কাছে হেরে গেলুম । চিড়িয়ার মত আমায় পিঁজরের বন্ধ কর'ল !
কোন্ শাল! আর মেয়েমানুষের সঙ্গে পীরিত করে বাবা ! এই আমি
নাক-কান মলা পাচ্ছি—

[গীত]

(ওগো) গোপনে পীরিত করা দায় ।

মিষ্টি কথায় ভুলে এখন শ্রাণ বুঝি মোর যায় ॥

এই নাকে কানে দিচ্ছ খং মেয়েদের খুরে খুরে দণ্ডবৎ,

কোন্ শাল! অ'র দেখলে তাদের সেই দিকেতে চায় ॥

(বাবুগণ) আমার মশাখ শিক্ষা কর, মেয়ে মেপলে দূরে সর,

পীরিত পারিত এই কথাটা এন না মিছার ॥

ভিটে মাটা হবে চাটা যানে অন্ন ধরবে গাটি,

ছুদিন বাদে বসতি হবে স্বস্তরবাড়ী ফেলখানায় ॥

পঞ্চম দৃশ্য :

পৰ্বতোপত্যকায় দীপ্তীগমনের পথ ।

(সেনাপতি সৈয়দ শানান অ.লি, মোবারক, মোগল সৈন্তবৃন্দ, ডুলিমথো
চঞ্চলকুমারীকে স্বন্ধে লইয়া পাইকগণ এবং ডুলির পশ্চাতে
মোগল পরিচ্ছদ ভূষিত মানিকলালের প্রবেশ ।)

সৈয়দ—মোবারক, রাস্তায় আর বিশেষ কথা হয়ে না । এমনিই আমাদের
পাঁচদিনের দায় গেছে । এতটাই বাদনা করতে রাগ করবেন !

মোবারক—বাদশার তায়ত রাগ করাটা কিছু আশ্চর্য্য নয় ! কিন্তু—

(উপর হইতে শিল. বর্ণন : কতিপয় সৈন্ত আহত হইয়া পড়িল,
কেহ এদিক এদিক পলাইতে লাগিল ।)

সৈয়দ—এ্যা একি ?

মোবারক—তাইত কিছু ক'রবারে পাচ্ছি না ।

ছদ্মবশী মানিক—কাহ রনোক হুঁসিয়ার, বা রাস্তামে যাও । ইয়ে তরক,
পাখর গিরতা হায়, বহত হুঁসিয়ার !

জনৈক কাহার—তৌ হাঁ, বা রাস্তামে নাতেহি খঁ সায়েব ।

(বাম রাস্তা দিয়া পাকীওয়ালাগণের প্রস্থান ও পশ্চাৎ পশ্চাৎ
মানিকলালের প্রস্থান । উপরকার একপক্ষি বৃহৎ
শিলাখণ্ড অনিয়া ঐ রাস্তার বন্ধ মুখে পতিত
হইয়া পথ বন্ধ করিয়া ফেলিল)

মোবা—সেনাপতি সাহেব, এ ব্যাপার আর কিছুই নয়; কোন দুরাশ্রয়
রাজকুমারীকে অপহরণ করার মানসে এই উদ্যম করেছে।
সেনাপতি সাহেব, আপনি বেশীর ভাগ সৈন্য সহ এখানে অপেক্ষা
করুন; আমি এখনই এর প্রতিবিধান করছি। সৈন্যগণ, প্রাণ ষায়
সেও স্বীকার, শত শওয়ার দোলার পিছু পিছু যাও। ওই পাথর
টপ্কিয়ে যাও—চল আমিও তোমাদের সঙ্গে যাচ্ছি—(পাথর
টপ্কাইয়া অপর দিকে গেলেন; কয়েকজন সওয়ার তাঁহার সঙ্গে সঙ্গে
সেই রক্তপথে প্রবেশ করিল)

পট পল্লিবর্তন :

পর্বতরুদ্ধের অপর দিক ।

(রাজসিংহের সাহুচর পর্বত-শিখর হইতে অবরোহণ করিয়া
মোবারক ও তাঁহার সৈন্তের সম্মুখীন হওন ; তৎপশ্চাতে
মানিকলালের প্রবেশ ।)

রাজ ।

পলাও মোগল-সেনা, ছাড় রক্ত-পথ ।
গিপীলিকা হ'য়ে কেন এত আফালন ?
এ নহে পাঠান সৈন্ত ভীরু কাপুরুষ—
প্রাণ ভয়ে বাবে ত্যজি' স্বজাতি-ললনা ।
ওনেছ সংগ্রামসিংহ প্রতাপের নাম,
বান্সারাও-বংশধর বীরেন্দ্র কেশরী,
মখিলা মোগলে যারা শত শত বার,
সেই বংশে জন্ম মোর রাজসিংহ আমি ;
আমারি চালিত এই রাজপুত সেনা ।

রাজসিংহ ।

বধিব মোগলে আজি, কেশরী ধেমন—
বিনাশে স্বচ্ছন্দ চিত্তে মেষপালে পড়ি' ।
এখনও সময় আছে—কর পলায়ন,
নতুবা দৌলিতে কেহ যাবেনা বাহুড়ি ।
মোবারক । সেলাম চরণে রাণা, রাজকুলপতি,
মোগল বাসেনা ভাল বাক্য-আড়ম্বর,
বাক-যুদ্ধ-পটু তারা হয়নি কদাপি,
কিংবা পৃষ্ঠ প্রদর্শন করে নাই রণে ।
বীরসিংহ রাজসিংহ ঘোষে এই খ্যাতি,
কিন্তু তাহে নহি ভীত মোরা মহারাণা !
শাদ্দুল শাদ্দুলে রণ বাহুনীয় সদা,
শিবির সংগ্রামে বীর পায় না সন্তোষ ।
উপযুক্ত অরি রাণা রাজপুতগণ ;
আজন্ম আকাঙ্ক্ষা ছিল করিতে সমর
এই বীর জাতি সনে, খোদার কৃপায়
সে বাসনা আজি মোর হইবে পূরণ ।
কিন্তু রাণা মনে মোর হতেছে সংশয়—
সমগ্র ভারত যার কাঁতি মেথলায়
প্রপূরিত উচ্চকণ্ঠে করিছে ঘোষণা
এই কি সেই বীরশ্রেষ্ঠ রাজপুত জাতি ?
রাজসিংহ । কেন এ সন্দেহ তব, কি হেতু সংশয়,
বীরহীনতা কিছু দেখেছ কি বীর ?

মোবারক । দেখিলাম চৌধাবৃত্তি-পটু রাজপুত্র ;
অতকিতে আক্রমণ করিল মোগলে,
লুকারে পর্বত-শুষ্ক শিলার প্রহারে
বিনষ্ট করিল বহু মোগল দৈনিক ।
এই যদি সেই বীর রাজপুত্র জাতি,
সম্মুখ সমর কেন দিল না মোগলে ?

রাজসিংহ । বীরত্বের পরিচয় পাঠাবে এখনি ।
তব প্রহো-র বীর সহজ সরল,
বিস্তৃত হাট। অকর্তব্য প্রদান অধুনা ;
যুদ্ধনীতি নহে কভু করিতে প্রকাশ
শত্রুর নিকটে বীর, এই সে কারণে
স্পষ্ট করি প্রত্নাতুর নাচি পারি দিতে ।
এস বীর, ধর অঙ্গ সম্মুখ সমরে,
সেই রাজপুত্র কিনা লহ পরিচয় ।
বিলম্বের প্রয়োজন নাহি হেরি আর,
প্রস্তুত সমর-সঙ্গে রাজপুত্র-সনা ।

মোবা । আমরাও অপ্রস্তুত নহি মহারাণা ।
কর আক্রমণ করা, মোগল দৈনিক !
একজন রাজপুত্র নাহি যেন ফিরে,
মোগল-বীরত্ব আজি দেখাও আহবে ।

(উভয় দলের মধ্যে যুদ্ধ ; কিছু পরে মোগলদের পশ্চাৎ হঠিতে
আরম্ভ করন ও ছদ্মবেশী মানিকলাসের সবেগে প্রস্থান) ।



(কিছু পরে রাজপুত্র সৈন্তসহ রাজসিংহের পুনঃ প্রবেশ)
 রাজ—ভাই-বন্ধু যে কেউ সঙ্গে থাক, আজ আমি সরল চিত্তে তোমাদের কাছে ক্ষমা ভিক্ষা করছি । আমারই দোষে এ বিপদ ঘটেছে ; পর্কিত হাতে নেমেই এ বিপদ ঘটিয়েছি । এখন এ পার্শ্বত্যাগিনীর ছই মুখ বন্ধ— ছই মুখেই কামান—ছই মুখেই আমাদের বিশ গুণ মোগল দাঁড়িয়ে আছে ; অতএব আমাদের বাঁচবার আর কোন ভরসা নেই । নেই—তাতেই বা ক্ষতি কি ? রাজপুত্র হয়ে কে মরতে কাঁতর ? সকলেই মরবে—একজনও বাঁচবে না ; কিন্তু মেরে মরবে । যে মরবার আগে অন্ততঃ ছইজন মোগল না মেরে মরবে—সে রাজপুত্র নয় । রাজপুত্রগণ, শোন—এ পথে ঘোড়া ছোটে না, সবাই ঘোড়া ছেড়ে দাও । এস, আমরা তরবারী হাতে তোপের উপর লাকিয়ে পড়ি : তোপ আমাদের ত হবেই ; তারপর দেখা যাবে... কত মোগল মেরে মরতে পারি ।

অনুচরবর্গ—জয় মহারাণাকী জয় !

রাজসিংহ—আর আমার ভয় নেই । তোমাদের মুখ-কান্তিতেই প্রকাশ পাচ্ছে—তোমরা দৃঢ়প্রতিজ্ঞ । এখন তোমরা ছই-ছই জন করে সারু দাও ।

(সৈন্তদিগের তথাকরণ)

তবে মাথের নাম করে এস বন্ধুগণ !

অনুচরবর্গ—মাতাজীকী জয়, কালীমায়ীকী জয় !

রাজসিংহ—(পার্শ্বে কিরিয়ান দেখিলেন—চঞ্চল দণ্ডায়মানা)—একি ?

না, এ ত দেবী নয়—এ যে মানবী, কিন্তু সামান্য মানবী নয় :

(জনৈক অনুচরের প্রতি) দেখ ত, রাজকুমারীর দোলা কোথায় ?

জনৈক অনুচর—দোলা এই দিকে আছে' মহারাণা ।

রাজসিংহ—দেখ দোলা পালি কিনা ?

অনুচর—দোলা খালি, কুমারীজী মহারাজের সম্মুখে উপস্থিত ।

(চঞ্চল রাজসিংহকে প্রণাম করিল)

রাজসিংহ—রাজকুমারী, আপনি এখানে কেন ?

চঞ্চল—(জোড়হস্তে কাতর কণ্ঠে) মহারাজ, আপনাকে প্রণাম কতে

এসেছি ; প্রণাম করেছি—এখন একটি ভিক্ষা চাই । আমি মুখরা,

স্ত্রীলোকের শোভা যে লজ্জা তা আমাতে নেই—ক্ষমা করবেন ;

ভিক্ষা বা চাই—তা'তে নিরাশা করবেন না ।

রাজ—তোমারই জন্ত এতদূর এসেছি, তোমাকে অদের কিছুই নেই—

কি চাও রূপনগর-তুহিতা ?

চঞ্চল—(জোড়হস্তে) মহারাণা, আমি চঞ্চলমতি বালিকা বলে' আপনাকে

আসতে লিখেছিলাম । কিন্তু আমি নিজের মন আপনি বুঝতে

পারিনি ; আমি এখন মোগল-সম্রাটের ঐশ্বর্যের কথা শুনে বড় মুগ্ধ

হ'য়েছি । আপনি অনুমতি করুন—আমি দীল্লি যাই ।

রাজ—(বিস্মিত হইয়া) রাজকুমারী, দীল্লি যেতে হয় নাও—

আপত্তি নেই, কিন্তু আপাততঃ তুমি যেতে পাবে না । যদি

এখন তোমাকে ছেড়ে দিই, মোগল মনে করবে যে, প্রাণভয়ে ভীত

হয়ে তোমাকে আমি তাদের হাতে ছেড়ে দিলাম । আগে যুদ্ধ শেষ

হ'ক—তারপর তুমি যোগে । আর তোমার মনের কথা যে বুঝিনি

রাজসিংহ ।

তা মনে ক'রো না । রাজসিংহ জীবিত-জাগ্রত থাকতে তোমাকে দীল্লি যেতে হবে না । রাজপুত্রগণ, অগ্রসর হও ।

চঞ্চল—(মূহুর্তে অঙ্গুরী দেখাইয়া) মহারাজ, এই আঁটিতে বিষ আছে, দীল্লিতে না যেতে দিলে বিষ খাব ।

রাজ—(হাসিয়া) তা অনেকক্ষণ বুঝেছি রাজকুমারী । রমণীকুলে তুমি ধন্য ! কিন্তু তুমি যা ভাবছ তা হবে না, আজ রাজপুত্রের বাঁচা হবে না ; নইলে রাজপুত্র নামে বড় কলঙ্ক হবে । আমরা যতক্ষণ না মরি— ততক্ষণ তুমি বন্দী ; আমরা মরলে তোমার য়েখানে ইচ্ছা সেখানে যেও ।

চঞ্চল—(স্বগতঃ) দীরচূড়ামণি, আজ হাতে আমি তোমার দাসী হলাম । যদি তোমার দাসী হাতে না পারি, তবে চঞ্চল কখনই প্রাণ রাখবে না । (প্রকাশ্যে) মহারাজ, দীল্লীখর থাকে মহিষী করে অভিশাপ করেছেন, সে কারণে বন্দী নয় । এই আমি যোগল-সৈন্য সম্মুখে চললাম, কার সাধ্য রাখে দেখি—

(হাসিতে হাসিতে হেলিতে ছলিতে রাজসিংহকে পাশ করিয়া রক্তমুখে চলিল । রাজসিংহ ও অমুচরবর্গ পশ্চাৎ পশ্চাৎ গেলেন ।)

পতি-পল্লিবর্তন ।

রক্তমুখের পূর্বপার্শ্ব ।

মোবারক, যোগল সৈন্যগণ এবং কামানের সম্মুখে চঞ্চলকুমারী যাইয়া দণ্ডায়মান হইল ।

চঞ্চল— এ সেনাদলের সেনাপতি কে ?

মোবা—এরা এখন অধমের অধীন । আপনি কে ?

চঞ্চল—আমি সামান্য স্ত্রীলোক, আপনার কাছে কিছু ভিক্ষা আছে, যদি
অস্তুরালে শোনেন তবে বলতে পারি ।

মোবা—তবে এদিকে আসুন ।

(উভয়ের একান্তে গমন ।

চঞ্চল—আমিই রূপনগরের রাজকন্যা । বাদশা আমাকে বিবাহ করবার
অভিলাষে আমাকে নিতে এই সেনা পাঠিয়েছেন । এ কথা বিশ্বাস
করেন কি ?

মোবা—আপনাকে দেখেই সে বিশ্বাস হয় ।

চঞ্চল—আমি মোগলকে বিবাহ করতে অনিচ্ছুক—তাঁহলে ধর্ম্মে পণ্ডিত
হব । কিন্তু পিতা স্বীণবল—তিনি আমাকে আপনাদের সঙ্গে
পাঠিয়েছেন । তাঁর হাতে কোন ভরসা নাই বলে আমি রাজসিংহের
কাছে দূত পাঠিয়েছিলুম ; আমার কপালক্রমে তিনি পঞ্চাশজন
মাত্র সিপাহি নিয়ে এসেছেন । তাঁদের বলবীর্ঘ্য তা দেখলেন ?

মোবা—(চমকিয়া) সে কি—পঞ্চাশজন সিপাহি এত মোগল মারলে ?

চঞ্চল—কিছু বিচিত্র নয়, হৃদয়ঘাতে ঐ রকম কি একটা হয়েছিল শুনেছি ।
কিন্তু সে যাই হোক—রাজসিংহ এখন আপনার নিকট পরাস্ত ;
তাঁকে পরাস্ত দেখেই আমি এসে ধরা দিচ্ছি । আমাকে দৌলি নিয়ে
চলুন, বুদ্ধে আর প্রয়োজন নেই ।

মোবা—বুঝেচি । নিজের সুখ ত্যাগ করে আপনি রাজপুত্রের প্রাণরক্ষা
করতে চান ! তাঁদেরও কি সেই ইচ্ছা ?

চঞ্চল—তাও কি সম্ভবে ? আমাকে আপনারা নিয়ে গেলেও তারা বুদ্ধ

রাজসিংহ ।

ছাড়বে না । আমার অনুরোধ, আমার সঙ্গে একমত হয়ে আপনি তাদের প্রাণরক্ষা করুন ।

মোবা—তা পারি ; কিন্তু দস্যুর দণ্ড অবশ্য দিতে হবে । আমি তাদের বন্দী করব ।

চঞ্চল—সব পারবেন, সেটি পারবেন না । তাদের প্রাণে মরতে পারবেন, কিন্তু জীবন্ত বাঁধতে পারবেন না ; তারা সকলেই মরতে স্থিরপ্রতিজ্ঞ হয়েছে—মরবেই ।

মোবা—তা বিশ্বাস করি ; কিন্তু আপনি দীল্লি যাবেন—এ কি স্থির !

চঞ্চল—আপনাদের সঙ্গে আপাততঃ যাওয়া স্থির । তবে দীল্লি পর্য্যন্ত পছঁছব কিনা সন্দেহ !

মোবা—সে কি ?

চঞ্চল—আপনারা বুক করে মরতে জানেন, আমরা স্ত্রীলোক—আমরা কি শুধু শুধু মরতে জানি না !

মোবা—আমাদের শত্রু আছে, তাই মরি ; জগতে কি আপনার কোন শত্রু আছে ?

চঞ্চল—শত্রু আমি নিজে—

মোবা—আমাদের শত্রুর অনেক প্রকার অস্ত্র আছে—আপনার ?

চঞ্চল—বিষ !

মোবা—কোথায় আছে ?

(চঞ্চলকুমারী অঙ্গুরী দেখাইল ।)

মা, আত্মঘাতিনী কেন হবেন ? আপনি যদি যেতে না চান, তবে আমাদের সাধ্য কি আপনাকে নিয়ে যাই ! স্বয়ং দীল্লিখর উপস্থিত

থাকলেও আপনার উপর বলপ্রকাশ করতে পারতেন না—আমরা কোন্‌ ছাৰ্? মা, সে বিষয়ে আপনি নিশ্চিত থাকুন। কিন্তু এ রাজপুত্রা বাদশার সেনা আক্রমণ করেছে—আনি মোগল-সেনাপতি হুয়ে কি প্রকারে এদের ক্ষমা করব?

চঞ্চল—ক্ষমা করে কাজ নেই, যুদ্ধ করুন; রাজপুত্রের মেয়েরা মরতে জানে।

(রাজসিংহের সানুচর প্রবেশ)

চঞ্চল—মহারাজাধিরাজ, আপনার কটিবন্ধে যে তরবারী বুলছে, রাজ-প্রসাদ স্বরূপ দানীকে ওটি দিতে আজ্ঞা হোক।

রাজ—(হাসিয়া) বৃঝেচি, তুমি সত্য সত্যই ভৈরব।

(অসি নিশ্চুক করিয়া চঞ্চলকুমারীর হাতে দিলেন)

মোবা—(ঈষৎ হাসিয়া) উদয়পুরের বারো কতদিন হতে ক্রীলোকের বাহুবলে রক্ষিত?

রাজ—(প্রদীপ্ত চক্ষে) যতদিন হতে মোগল বাদশা অবলাদের প্রতি অত্যাচার আরম্ভ করেছেন, ততদিন হতে রাজপুত্র কন্যাদের বাহুতে অসীম বলের সঞ্চার হয়েছে। (অনুচরবর্গের প্রতি) রাজপুত্রের বাক্ষুকে অপটু, সৈন্যগণ, পিপীলিকার মত এই মোগলবাহিনীকে ধ্বংস কর।

মোবা—মোগল সৈন্যগণ, তোমরাও আক্রমণ কর।

রাজপুত্রগণ—জয় মাতাজীকি জয়!

মোগল সৈন্যগণ—আল্লাহো আকবর!

(উভয় সৈন্যের অসি নিক্ষেপণ)

রাজসিংহ ।

চঞ্চল—(অসি উত্তোলন করিয়া উভয় সৈন্য মধ্যে দণ্ডায়মানা হইয়া)—
বতক্ষণ না একপক্ষ নিবৃত্ত হয়, ততক্ষণ আমি এস্থান হ'তে একপদও
নড়িব না। আগে আমাকে না মেরে কোনপক্ষই অস্ত্র চালনা
করিতে পারবে না !

রাজ—(রুষ্ট হইয়া) রাজকুমারী, তোমার এ অকর্তব্য। স্বহস্তে রাজপুত-
কুলে এই কলঙ্ক লেপন করছ কেন ? লোকে বলবে, আজ স্ত্রীলোকের
সাহায্যে মহারাণা রাজসিংহ প্রাণরক্ষা করিলেন ।

চঞ্চল—মহারাজ, আপনাকে মর্তে কে নিষেধ করছে ? আমি কেবল
আগে মর্তে চাচ্ছি। যে সকল অনর্থের মূল, তার আগে মরবার
নিশ্চয়ই অধিকার আছে।

মোবা—(সৈন্যগণকে) মোগল-বাদশা স্ত্রীলোকের সঙ্গে যুদ্ধ করেন না।
অতএব বলি, আমরা এই সুন্দরীর নিকট পরাভব স্বীকার ক'রে যুদ্ধ
ত্যাগ ক'রে যাই। রাণা রাজসিংহের সঙ্গে যুদ্ধে জয়-পরাজয়ের
মীমাংসা—ভরসা করি—ক্ষেত্রান্তরে হবে। আমি রাণাকে অনুরোধ
ক'রে যাচ্ছি যে, সে বার যেন স্ত্রীলোক সঙ্গে ক'রে না আসেন।

চঞ্চল—সাহেব, আমাকে ফেলে যাচ্ছেন কেন ? আমাকে নিয়ে যাবার
জন্য দীল্লীখর আপনাদের পাঠিয়েছেন। আমাকে যদি না নিয়ে যান,
তবে বাদশা কি বলবেন ?

মোবা—মা, বাদশার বড় আর একজন আছে। উত্তর—তার কাছে
দেব।

চঞ্চল—সে ত পরলোকে ; কিন্তু ইহলোকে ?

মোবা—মোবারক আলি ইহলোকের কাকেও ভয় করে না। দীল্লীখর

আপনাকে কুশলে রাখুন—আমি বিদায় হলাম। সৈন্যগণ, এস—
(প্রস্থানোদ্যত, এই সময় মানিকলাল বহু যোদ্ধা সমেত আসিয়া—
“জয় মাতাজীকি জয়” বলিয়া মোগল সৈন্যকে আক্রমণ করিল।

• মোগলসৈন্য ছত্রভঙ্গ হইয়া পলায়নপর হইল।

মানিকলালের সৈন্তেরা তাহাদের পশ্চাৎ ধাবিত হইল।)

মোবা—সৈন্যগণ, ফেরো ফেরো—(প্রস্থান)

(কিছু পরে মানিকলালের রাণার নিকট উপস্থিত হইয়া প্রণাম)

রাণা—এ কি কাণ্ড, মানিকলাল ? আমি ত কিছুই বুঝতে পাচ্ছি না, তুমি
কি কিছু জান ?

মানিক—(হাসিয়া) জানি মহারাণা ! যখন আমি দেখলাম, কয়জন মাত্র
অনুচর সঙ্গে নিয়ে মহারাজ রক্ষপথে নেমেছেন, তখন বুঝলাম—
সর্বনাশ হ'য়েছে। প্রভুর রক্ষার্থে আমাকে আবার একটি নতুন
জুয়াচুরী করতে হ'য়েছে।

রাজসিংহ—আবার কি নতুন জুয়াচুরী কল্লে, মানিকলাল :

মানিক—আমি এখান হ'তে মোগল-সৈন্যের হেঁশ ধারণ ক'রে অশ্বপৃষ্ঠে
বরাবর রূপনগর যাই এবং বিক্রম সোলান্ধির সহিত দেখা ক'রে বলি
যে, বহু পার্শ্বত্য দৃশ্যে মোগল সৈন্যকে আক্রমণ ক'রেছে, সেনাপতি
হাসান আলি খাঁ বাহাদুর আপনার নিকট সাহায্য প্রার্থনা ক'রে
পাঠিয়েছেন। রাজ্য ব্যস্ত হ'য়ে তখনই এক সহস্র সৈন্য আমার সঙ্গে
দিলেন। আমি সেই সৈন্য নিয়ে আসবার পথে একটা অসহায়
জীলোককে রক্ষা ক'রে বরাবর এখানে চ'লে এসেছি ! প্রথমে
সেনাপতি হাসান আলি খাঁর সৈন্যগণকে বিধ্বস্ত ক'রে পরে এই
মোবারকের সৈন্যদলকে আক্রমণ করেছি।

রাজসিংহ ।

রাজ—(মানিককে আলিঙ্গন করিয়া) মানিকলাল, তুমি বথার্থ প্রভুভক্ত !
তুমি আজ যে উপকার ক'রেছ, যদি কখনও উদয়পুর ফিরে যাই, তবে
তার যথোচিত পুরস্কার প্রদান করব। কিন্তু তুমি আমাকে বড় সাধে
বঞ্চিত করলে। আজ মুসলমানকে দেখাতাম যে, রাজপুত্র বরণক্ষেত্রে
কেমন ক'বে মরে !

মানিক—মহারাণা, মোগলকে সে শিক্ষা দেবার জন্য মহারাজের অনেক
ভৃত্য আছে ; সেটা তো রাজকাৰ্য্যের মধ্যে গণ্য নয়। এখন উদয়পুরের
পথ খোলসা ; রাজধানী ত্যাগ ক'রে মহারাণার পক্ষতে পক্ষতে
পরিভ্রমণ করা কর্তব্য নয়। এখন রাজকুমারীকে নিয়ে স্বদেশে যাত্রা
করুন।

রাজ—আমার কতকগুলি সঙ্গী এখনও ওদিকের পাহাড়ের উপর
আছে—ওদের সঙ্গে ক'রে নামিয়ে নিয়ে যেতে হবে।

মানিক—আমি তাদের নিয়ে যাব। আপনি রাজকুমারীকে নিয়ে অগ্রসর
হোন, পথে আমাদের সঙ্গে সাক্ষাৎ হবে।

রাজা—বেশ, তাহ'লে আমি চঞ্চলকুমারীকে নিয়ে উদয়পুরে যাত্রা করছি :

(পটক্ষেপ ।)

তৃতীয় অঙ্ক



প্রথম দৃশ্য :

উদয়পুর রাজপ্রাসাদ ।

চঞ্চলকুমারী ও নিম্মলকুমারী ।

চঞ্চল—তুই কোথেকে এলি ভাই ? তো'র সঙ্গে যে দেখা হবে সে আশা
কখনও করিনি ।—আজ তোকে পেয়ে যে কি আনন্দ হ'ল তা' আর
কথায় কি বলব !

নিম্মল—আমি আস্মান্ থেকে নেমে আস্চি ।

চঞ্চল—তো'র সব কথাতেই বিদ্রূপ !

নিঃ—বিদ্রূপ দেখলে কোন্খানে ? তো'মার মেগন প্রশ্ন, উত্তর তো
আমাকে সেইরূপ দিতে হবে । তো'মার আনন্দ হয়েছে আর আমার
বড় নিরানন্দ হয়েছে আর কি !

চঃ—বাক্, ওসব কথা ছেড়ে দে ; এখন ঠিক ক'রে বল, আমার সঙ্গে
ছাড়াছাড়ি হওয়ার পর থেকে, তুই কোথায় বা ছিলি আর কেমনই
বা ছিলি, আর আনন্দেই বা এলি কি ক'রে ?

রাজসিংহ ।

নিঃ—অতো প্রশ্নের উত্তর আমি একসঙ্গে দিতে পারব না, হাঁপিয়ে মরব, মাপ কর' ।

চঃ—এখন ত্যাকামো ছেড়ে ঠিক ক'রে বল ।

নিঃ—ব'ল্ব বসেইতো এইটি । অত ব্যস্ত হচ্ছ কেন ! যোগকের । তোমাকে নিরে দীল্লি ষাত্রা ক'রুলে, আমিও পদব্রজে তোমার অনুসরণ ক'রলুম । পথে তো কোন দিন হাঁটিনি, কিছু দূর চলে পথশ্রমে এবং রোজতাপে ক্লান্ত হয়ে এক গাছতলায় বসি এবং সেখানেই অজ্ঞান হয়ে পড়ি ।

চঃ—অজ্ঞান হ'য়ে পড়িস্? উঃ, আমার জন্মে কি কষ্টটাই না পেইছিস্ !

নিঃ—তারপর জ্ঞান হ'লে অদূরে ঘোড়ার পায়ের শব্দ শুনে উঠে বসি । পরক্ষণেই একজন যোগল বেশধারী পুরুষ আমার নিকটে ঘোড়া থেকে নেমে আসে ; আমি তার পরিচয় জিজ্ঞাসা করি, শুন্লাম্—সে রাণা রাজসিংহের ছদ্মবেশী ভৃত্য । তারপর সে আমার পরিচয় জিজ্ঞাসা করে, আমি আমার আশ্চোপাস্ত ঘটনা বলি ও পরিচয় দিই ।

চঃ—তারপর ?

নিঃ—তারপর সে আমাকে তোমার কাছে পৌঁছিয়ে দিতে চায় ; আমি বলি—আমার হাঁটার ক্ষমতা নেই, তখন সে তার নিজের ঘোড়ায় চড়িয়ে নিরে আসতে চায় ; আমি তাতে রাজী না হওয়ায়, পরে অনেক কথাবার্তার পর আমি রাজপুত-কন্যা পরিচয় পেয়ে এবং সেও রাজপুত পরিচয় দিয়ে আমাকে বিবাহের প্রস্তাব করে ; আমিও তাতে সন্তুষ্ট হয়ে রাজী হই । তখন তরবারি স্পর্শ ক'রে সে প্রতিজ্ঞা করে যে, সেদিনের যুদ্ধে প্রাণ রক্ষা হ'লে আমাকে বিবাহ ক'রবে ।

চঃ—তারপর, তারপর ?

নিঃ—তারপর সেই রাজপুত্র যুদ্ধ জয় করে আমাকে বিবাহ করেছে ।
আমার বর তোমার বরের এখন একজন প্রধান সেনাপতি, সেই
• আমাকে তোমার কাছে এনেছে ।

চঃ—তুই মনের মত বর পেয়েছিস শুনে বড় সুখী হলাম । ইঁয়ারে, তোর
বর কি মানিকলাল ?

নিঃ—ই্যা, ওই রকম বলেই তো মনে হচ্ছে !

চঃ—তা' বেশ আমার উদ্ধারেরও প্রধান সহায় তোর বর মানিকলাল ।
তবে আমার বর বলে যা বলি তা ঠিক নয় ।

নিঃ—(আশ্চর্য্য হইয়া) কি ? তুমি উদয়পুরেশ্বরী নও ! মহারাণা
তোমায় এখনও বিয়ে করেন নি ?

চঃ—না সখি ! আমি তোর মত সৌভাগ্যবতী নই ; তবে মহারাণা বাবার
অনুমতি চেয়ে পাঠিয়েছেন, বাবা অনুমতি দিলেই হ'বার কথা ।

নিঃ—যাক্, শুনে আশ্চর্য হলাম ।

চঃ—দেখ্, আমি এখানে একলা থাকি—ভাল লাগে না, তুই দিন কয়েক
আমার কাছে থাক না ।

নিঃ—(নিরুত্তর)

চঃ—কি সখি ! বরকে ছেড়ে বুঝি থাকতে ইচ্ছে করছে না ? ইঁ্যালা, তুই
যে আমায় ছেড়ে থাকতে পারতিস নে, আমি চলে যেতে বললেও কোন
অছিলে করে থাকতিস্, এমন কি আমার কাছে আসবি বলে নিজের
প্রাণ শুদ্ধ বিসর্জন দিতে প্রস্তুত হয়েছিলি ; আর এখন আমি থাকতে
বলা সত্ত্বেও, 'থাকব' এ উত্তর দিতে পারছিন্স নে ? ইঁ্যালা, বর পেলে
কি আপন লোক'ও পর হয়ে যাব ?

রাজসিংহ ।

নিঃ—না সখি, তা নয় । তবে কি জ্ঞান সখি, এখনতো আর আমি
অ'মার নিজের অধীন নই, কাজেই উত্তর দিতে পারছি না ।

চঃ—ও, এই কথা ! তা' বেশ তোর বরকে জিজ্ঞাসা ক'রে আয় ।

নিঃ—আচ্ছা, তাই আসছি, তিনি বাইরেই আছেন ।

(নির্মলের প্রস্থান এবং অপর দিক দিয়া রাজসিংহের প্রবেশ)

রাজসিংহ—রাজকুমারি ! তোমার পিতার পত্র এসেছে ; পত্রেব মর্ম—এ
বিবাহে তিনি অসম্মত : যদি জোর ক'রে বিবাহ করি. তাতে তাঁর
ভাষণ অভিসম্পাত ; তবে যদি কখনও আমাকে উপযুক্ত পাত্র
বিবেচনা করার কারণ পান, তখন ইচ্ছাপূর্বক তিনি আমার সহিত
তোমার বিবাহ দিবেন । এখন কি ক'রব ? বিবাহ উচিত
কি না বল' ?

চঃ—বাপের অভিসম্পাত মাথায় ক'রে কোন্ মেয়ে বিয়ে ক'রতে সাহস
ক'বে ?

রাজ—তবে যদি পিতৃ-গৃহে ফিরে যাবার ইচ্ছা কর, তবে পাঠাতে পারি ।

চঃ—কাজেই তাই । কিন্তু পিতৃগৃহে যাওয়াও যা, দীর্ঘি নাওয়াও তাই ।

তা' অপেক্ষা বিষপান কিসে মন্দ ?

রাজ—আমার এক পরামর্শ শোন । তুমিই আমার যোগ্য মহিনী,
আমি সহসা তোমাকে ত্যাগ ক'রতে পারছি না । কিন্তু তোমার
পিতার আশীর্বাদ ব্যতীত তোমাকে বিবাহ ক'রব না । আশীর্বাদে
ভরসা আমি রাখি । যোগলের সঙ্গে যুদ্ধ নিশ্চিত । ভগবান
একলিঙ্গ দেব আমার সহায় । আমি সেই যুদ্ধে হয় ম'রব, নহ
যোগলকে পরাজিত ক'রব ।

চঃ—আমার স্থির বিশ্বাস, মোগল আপনার নিকট পরাজিত হবে ।

রাজঃ—সে অতিশয় দুঃসাহ্য কাজ । যদি সফল হয়, তবে নিশ্চিত
তোমার পিতার আশীর্বাদ পাব ।

চঃ—ততদিন ?

রাজঃ—ততদিন তুমি আমার অন্তঃপুরে থাক । মহিষীদের গ্যার তোমার
স্বতন্ত্র বন্দোবস্ত—পৃথক অবরোধ থাকবে ; তাদের গ্যার তোমারও
দাসদাসী পরিচর্যার ব্যবস্থা করুব । আমি প্রচার করব যে,
অল্পদিনের মধ্যে তুমি আমার মহিষী হবে এবং সেই বিবেচনার সকলেই
তোমাকে মহিষীদের গ্যার মহারাণী বলে সম্বোধন করবে । কেবল
যতদিন না তোমার সঙ্গে আমার যথাশাস্ত্র বিবাহ হয়, ততদিন আমি
তোমার সঙ্গে সাক্ষাৎ করব না । কি বল ?

চঃ—বেশ, তাই হ'ক ।

রাজঃ—তবে আমি সেই বন্দোবস্ত করিগে । (প্রস্থান)

(নির্মলকুমারীর প্রবেশ) ।

নির্মল—কি সখি, বে'র বন্দোবস্ত হ'ল ?

চঃ—না, বাবা সম্মতি দেন্ নি ।

নিঃ—তা আমি আগে থেকেই বুঝেছি ।

চঃ—আগে থেকে বুঝলে কি ক'রে ?

নিঃ—এইমাত্র আমি স্বামীর অমুমতি নিয়ে আসবার পথে একস্থানে ভিড়
দেখে খবর নিয়ে দেখি যে, একজন বিখ্যাত জ্যোতিষী গণনা করছেন ।
তাই শুনে সিপাই দিয়ে ভিড় সরিয়ে তাঁকে দিয়ে তোমার ভাগ্য

রাজসিংহ ।

গণনা করানুম; তিনি যা বলেন, তাতে তোমাকে চিরকুমারীই থাকতে হবে ।

চঃ—কি রকম ?

নিঃ—রকম বড় সুবিধেজনক নয় ।

চঃ—স্পষ্ট করেই বলনা ?

নিঃ—শ্রোতিষা বলেন—পৃথিবীস্বরী যদি তোমায় নিজের হাতে তামাকু সঙ্গে খাওয়ায়, তবে তোমার বিয়ে হবে, তা' নইলে নয় । কাজেই তোমার পিতা যে সম্মতি দেবেন না, তা আগে থেকেই বুঝতে পেরেছিলুম । দেখছি, বিধাতা তোমার কপালে চিরকুমারী ব্রতই লিখেছেন ।

চঃ—না সখি ! তুমি ভুল বল্চ । শীঘ্রই মোগলের সঙ্গে যুদ্ধ বাধবে ; তা'তে মোগল পরাজিত হবে, বেগমেরা বন্দী হবে এবং দিল্লীস্বরী উদিপুরী বেগম আমার দাসী হয়ে তামাকু সাজবে ।

নিঃ—ইস্ তোমার যে ভারি লম্বা চওড়া আশা দেখ্'চ ! ও আকাশ-কুমুম আশা ছেড়ে দাও ভাই ; অসম্ভব কখনও সম্ভব হয় না ।

চঃ—আমি বল্চি, অসম্ভব—সম্ভবে পরিণত হবে ; যদি আমি সত্যি হই, তবে আমার আশা কখনই নিষ্ফল হবে না—এটা স্থির নিশ্চয় জানিস্ ।

নিঃ—ভগবান তোমার আশা পূর্ণ করুন ! দেখ, আমার স্বামী মহাদ্রাণার কি দৌত্য-কার্যে দীর্ঘি যাচ্ছেন, তুমিও এই সঙ্গে উদিপুরী বেগমকে তামাকু সাজার একখানা নিমন্ত্রণ-পত্র পাঠাও না কেন ?

চঃ—তা না হয় পাঠাচ্ছি, তুইও কেন তোর স্বামীর সঙ্গে যা না !

নিঃ—(বিস্মিত হইয়া) কোথায় যাব ? দীল্লি ? কেন ?

চঃ—একবার বাদশার রঙমহালটা বেড়িয়ে আস্বি ।

নিঃ—শুনিচি, সে নাকি নরক ।

চঃ—নরকে কি কখন যেতে হবে না ভেবেচিস্ ? তুই গরিব বেচারী
মানিকলালের উপর যে অত্যাচার ক'র'চিস, তাতে তোর নরক হ'তে
নিস্তার নেই জানিস্ ।

নিঃ—কেন, সুন্দর দেখে বিয়ে করেছিল কেন ?

চঃ—সে বুঝি তোকে গাছতলায় ম'রে প'ড়ে থাকতে সেধেছিল ?

নিঃ—আমি তো আর তাকে ডাকি নি । যাক্, এখন সে ভূতের বোঝা
বয়ে দীল্লি গিয়ে কি ক'র্ব ব'লে দাও । আমি কিন্তু তোমার কাছে
থাকবার জন্য তার অনুমতি নিয়ে এসেছি ।

চঃ—তা এসেছিস্ ভালই করেছিস । এখন দীল্লি গিয়ে উদিপুরীফে
নিমন্ত্রণ-পত্র দিয়ে আর ।

নিঃ—কিসের ?

চঃ—নিজেই বলি আর ভুলে গেলি ?—তামাকু সাজার ।

নিঃ—ও, তাইত, সত্যি সত্যিই ভুলে গেছলুম যে, পৃথিবীখরা তোমার
পরিচর্যা না ক'রলে, তোমারও ভূতের বোঝা মিলবে না ।

চঃ—দূর হ পাপিষ্ঠা ! আমিই এখন ভূতের বোঝা । হয়, বাদশার বেগম
আমার দাসী হবে—নইলে আমাকে বিষ খেতে হ'বে ; গণকের
তো এই গণনা ?

নিঃ—আচ্ছা, পত্রের দ্বারা নিমন্ত্রণ ক'রলে কি বেগম আসবে ? উণ্টো
উৎপত্তি হবে না তো ?

চঃ—হোক না ! আমিও তো তাই চাই । তোমার যুক্তিটা সমীচীন বলেই বোধ হয়েছে । এতেই আমার উদ্দেশ্য সিদ্ধি হবে ।

নঃ—কি রকম ?

চঃ—চিঠি পেলেই বেগম রাগে গর্গর্ হয়ে বাদশাকে দেখাবে এবং বাদশা তখনই যুদ্ধের আদেশ দেবে ; তারপর যুদ্ধ বাধলেই—মহারাজার জয় অনিবার্য, আর যুদ্ধ জয় হলেই বেগম আমার বাদী হবে ; নিমন্ত্রণ-পত্র পাঠাবার এই হ'ল প্রথম উদ্দেশ্য, আর দ্বিতীয় উদ্দেশ্য—তুই বেগমদের বেশ ভালো করে চিনে শুনে আসবি ।

নিঃ—তা' কি প্রকারে এ কাজ পারব—বলে দাও ।

চঃ—তা' বলে দিচ্ছি । তুই তো জানিস্ যে, যোধপুরী বেগমের পাঞ্জাটা আমার কাছে আছে । সেই পাঞ্জা তুই নিয়ে যা । তার গুণে তুই রঙমঠানে অবাধে প্রবেশ ক'রতে পারবি এবং যোধপুরীর সঙ্গে দেখা ক'রতে পারবি । তাঁকে সব কথা খুলে বলবি । আমি উদিপুরীর নামে যে পত্র দিব, তাও তাঁকে দেখাবি । তিনি ঐ পত্র কোনও প্রকারে উদিপুরীর নিকট পাঠিয়ে দেবেন । যেখানে নিজের বুদ্ধিতে কুলোবে না, সেখানে স্বামীর বুদ্ধি হ'তে কিছু ধার করিস্—বুলি ?

নিঃ—ইস্ ! আমি যাই মেয়ে, তাই তার সংসার চলে !

চঃ—হয়েছে লো হয়েছে, আর নিজের গুমোর ক'রতে হবে না । এখন চল, পত্রখানা বেশ বাগিয়ে লেখা যাক্গে ।

(প্রস্থান) ।

দ্বিতীয় দৃশ্য :

দোল্লি-আরংজীবের দরবার ।

আরংজীব, সভাসদবর্গ, প্রহরীগণ ও মোগল-দূত ।

আরংজীব ।

কি বলিলি দূত ! পরাজিত রণভূমে
বাদশাবাহিনী, কেড়ে নিল রাজকন্যা
• মুষ্টিমের রাজপুতে ; দস্যু-দলপতি
রাজসিংহ করে সমগ্র ভারত-ত্রাস
মোগল সেনানী মানি' নিল পরাজয় ?
শৃগাল করিল জয় চূর্মদ শার্দূলে ?
অকর্মণ্য সেনাপতি হাসান আলি খাঁ,
অধীন নায়কগণ ভীকু কাপুরুষ,
নতুবা সম্ভব কভু হয় কি কখনে।
পরাজয় মোগলের রাজপুত-করে !

মোগল-দূত ।

জাঁহাপনা ! কেহ দোষী নহে, সেনাধ্যক্ষ মোবারক—
দেখেচি স্বচক্ষে প্রভু, প্রাণপণ করি'
অদ্ভুত বীরত্ব বীর করিলা প্রকাশ ।
রাজপুত প্রায় যবে পরাজিত রণে,
হেন কালে কোথা হ'তে সহস্র সেনানী
অতকিতে আক্রমিল পশ্চাৎ হইতে,
ছত্র ভঙ্গ হ'ল যত মোগলবাহিনী ;

রাজসিংহ ।

ফিরাইতে সেই সেনা মোবারক বীর
পতিত হইল এক কূপের ভিতর ;
নতুবা বৃষিত, প্রভু, রাজপুত্রগণ
যোগল-বীরত্ব সেই সমর-মাঝারে !
খোদা প্রতিকূল, দোষী নহে মোবারক ।
দেখেচি যা নিবেদন করিহু চরণে ।

আরং ।

সচিব-প্রধান, দেহ আজ্ঞা এইক্ষণে—
সেনাপতি হাসানের শিরচ্ছেদ করি,
ঝুলাইতে ঘাঁটির তোরণ সম্মুখে ;
মোবারক ভিন্ন অণু নায়ক সকলে
পদচ্যুত করি' কর সামান্য সৈনিক,
লভুক তাহার শিক্ষা অণু সেনাপতি ।

মন্ত্রী ।

যথা আজ্ঞা জাঁহাপনা ।

(জনৈক দোবারিকের কুর্নিশ করিতে করিতে প্রবেশ)

দোবারিক—জাঁহাপনা ! উদয়পুর হ'তে একজন দূত ভেট্ নিয়ে এসেছে :

সে ব্যক্তি সাহানসার দর্শনপ্রার্থী ।

আরং—তাকে আস্তে বল ।

(দোবারিকের কুর্নিশ করিতে করিতে প্রস্থান এবং মানিকলালের
ভেট্ লইয়া প্রবেশ ও অভিবাদন)

আরং-- কি অভিনায় তোমার দূত ?

মানিক—দীলীশ্বর ! মহারাণা রাজসিংহ একখানি পত্র পাঠিয়েছেন, সেইটা

দিবার অভিলাষে সাহানসার সাক্ষাৎ প্রার্থনা করেছি ।

আরং—কই, পত্র দাও ।

মানিক—(সিংহাসন প্রান্তে ভেট ও পত্র স্থাপন)

আরং—মন্ত্রী ! পত্র পাঠ কর !

মন্ত্রী—(পত্র গ্রহণ এবং খুলিয়া পাঠ করন ; ইতিমধ্যে মানিকলালের সকলের অজ্ঞাতসারে পলায়ন ।)

দীলীশ্বর আরংজীব,

আপনার ঔদ্ধত্যে আশ্চর্যান্বিত হইলাম । আপনি কি এখনও উদয়পুরের রাণাদের চেনেন নি ? উদয়পুর—জয়পুর বা যোধপুর নয় যে, আপনি আদেশ দিবামাত্র জিজিয়া কর দিবে । মহারাণা রাজসিংহ আরংজীবের ভয়ে বিন্দুমাত্র ভীত নয় । রাণাবংশের পরিচয় আপনার পূর্বপুরুষেরা ভাল রকম অবগত ছিলেন—অপনার বোধ হয় মে সব অবগতি নাই । বড়ই আশ্চর্যের বিষয়, যে-ব্যক্তি সামান্য পার্শ্বত্যাগী মহারাষ্ট্রের হস্তে বার বার পরাজিত, সে ব্যক্তি রাজপুত-বীর রাজসিংহের রাজত্বে জিজিয়া-কর সংস্থাপনে উত্তম । আরংজীব মনে রাখিবেন—রাজপুত মহারাষ্ট্রী অপেক্ষা হীনবল নয়, বরং তাদের চেয়ে অধিকতর শিক্ষিত ; শিবাজী অপেক্ষা রাজসিংহ বহু বিচক্ষণ ও চতুর । রাজসিংহের ইচ্ছা—রাজপুতানার অন্তর যে-যে স্থানে জিজিয়া কর সংস্থাপন করেছেন, তাও তুলে দেওয়া ; ক্ষমতা থাকে—বাধা দিবেন । ইতি—

মহারাণা রাজসিংহ ।

আরং—মন্ত্রী ! রাজপুত-দূতের এখনি মুণ্ডচ্ছেদ কর ।

রাজসিংহ ।

মন্ত্রী—যে আদেশ জাহাপনা ! কে আছে, দূতকে বধ্যভূমে নিয়ে যাও ।

সম সভাসদ—কই মন্ত্রী মহাশয়, দূত তো নেই !

মন্ত্রী—নেই ? কোথায় গেল ? এখনি তাকে খুঁজে বা'র কর ।

(দুইজন প্রহরীর মানিকের খোঁজে প্রস্থান)

আরং ।

রাজপুত্র-স্পদ্ধা মন্ত্রি শুনিলে তো সবে :

মশক হইয়া করে কেশরী দংশন !

আলমর্গীর নামে ভীত সমগ্র মেদিনী,

নগর উদয়পুর করে উপহাস !

সানাতা রমণী ক্ষুদ্র রাজপুত্র-নারী

সদর্পে তম্বীরে মম করে পদাঘাত !

কাড়ি' নিল সে নারীরে বিক্রম প্রকাশি,

রাজসিংহ—পরাজয়ি আমার সেনানী !

বাড়িয়াছে স্পদ্ধা তাই, দেখাব এবার—

কত বল-বীধ্যবান দৌল্লি-অধিপতি !

সমগ্র উদয়পুর করি' ধূলিনাৎ,

রাজসিংহ বংশলোপ করিয়া ভারতে,

রাজপুতে পরিণত করি' মুসল্মানে—

আরংজাব কত বড় দেখাব ধরায় ।

সাজাও বাহিনীবৃন্দ চতুরঙ্গ দলে.

হয়-হস্তী-পদাতিক আন লাখে লাখে ;

সমগ্র ভারত-মাঝে প্রচার' সংবাদ—

• সাজিছে সম্রাট্ নিজে রাজপুত-নাশে ;

যার যত সেনাসহ আশুক ভরায়,

যাইবে বেগমগণ, যাইবে তোমরা ;

• ভাঙ্গিয়া উদয়পুর করিব স্থাপন—

নবীন সমৃদ্ধিশালী দৌলি সেইস্থানে ।

(মন্ত্রী ব্যতীত সকলের প্রস্থান ; জেবউন্নিসার খোজাবান্দা
আমীরুদ্দীনের প্রবেশ ও বাদশাকে পত্র প্রদান)

আরং—এ পত্র কে দিলে ?

খোজাবান্দা—বাদশাজাদী ।

(আরংজেবের পত্র পাঠ)

আরং—(স্বগতঃ) বুঝিছি—মোবারক বাদশাজাদীর একজন প্রণয়-পাত্র ;
কোন কারণে বাদশাজাদী তার উপর অসন্তুষ্ট হ'য়ে এই অভিযোগ
আনাধন করেছে । এ সুযোগ সর্বদা ঘটে না, সুতরাং এ সুযোগ
কোন ক্রমেই ত্যাগ করা উচিত নয় । (প্রকাশ্যে) মন্ত্রী ! মোবারক
মহা অপরাধে অপরাধী, সে বিশ্বাসঘাতক ; আমি বাদশাজাদীর পত্রে
অবগত হলাম যে, তারই চক্রান্তে রূপনগরওয়ালীকে এখানে আনা
যায় নাই । আমার আদেশ—এই দণ্ডেই মোবারককে ধ'রে এনে
বিষধর সর্প-দংশনে হত্যা কর ।

মন্ত্রী—যথা আজ্ঞা জাঁহাপনা ।

আরং—অনতিবিলম্বে উদয়পুর ধ্বংসে যাত্রা ক'রতে হবে, সকলকে সেই
ভাবে প্রস্তুত কর এবং নিজেও হও । (প্রস্থান) ।

হৃতীয় দৃশ্য ।

রাজপথ ।

উদাসীন্ ।

[গান]

ইস্‌ ছনিয়ামে কিস্কো কহোগে আপন, তুম্‌ কিস্কো কহোগে আপন ।

আরে রে বেকুফ্‌ কোয়া সম্‌জোগে

দুধমন্‌ আপনা মন্‌, তেরা দুধমন্‌ আপনা মন ॥

লেড়্‌ক! লেড়্‌কী জরু জহরৎ

দুরোজ্‌ রহেগা ন্যহী ;

বিস্‌কা দেও জান্‌ ওহি বেইমান্‌

ছনিয়াকা হান্‌ এহি ।

দীল্‌কো দোস্তি জান্‌কো আস্‌নাই,

হ্‌এক শাম্‌কো জবর রোস্‌নাই,

(যব) চিরাগ্‌ বুত্‌গা, ধুক্‌লা দেখেগা,

ছোড়োগে লেড়্‌কপণ্‌, ভাই ছোড়োগে লেড়্‌কপণ্‌ ॥

সুখ দুখ্‌ সব নসাব্‌কা খেল্‌,

খোদাকা ইম্‌তেহান্‌,

হজরৎ হায়্‌ দাচ্‌, জহরৎ তো ভেল

লেনা খোদাকা নাম্‌,

নফ্‌রৎ কর্‌কে গুণাগারী,

রসুল্‌মে রাখ্‌না ইমান্দারী ;

(তব্‌) তক্‌লীফ্‌ টুটেগা, আসব্‌ মিটেগা,

বেহেস্ত্‌ চলোগে ফৌরণ্‌—ভাই বেহেস্ত্‌

চলোগে ফৌরণ্‌ ॥

চতুর্থ দৃশ্য।

জেবউন্নিসার প্রমোদ-উদ্যান।

(দুঃখিত চিত্রে জেবউন্নিসার প্রবেশ এবং পশ্চাৎ পশ্চাৎ গোড়া
আমীরুদ্দিনের প্রবেশ)।

জেব—তুই স্বচক্ষে দেখেছিস্ ?

আমী—(সেলাম করিয়া) বান্দা কি আর বাদশাহজাদীকে মিথ্যা কথা
ব'ল্‌চে ?

জেব—কি রকম কি হ'ল বল্‌ দেখি ?

আমী—সেনাপতি সাহেব নি ভীক মনে সহাস্যে বখ্‌সীর কাছে উপস্থিত
হয়ে, দুই পাশে দুটা সাপের পিঞ্জরা দেখে, মূঢ় হেসে জিজ্ঞাসা করলেন—
কি ? আমায় যেতে হবে ? বখ্‌সী বিষন্নভাবে বল্‌লে—বাদশাহর
হুকুম ! মোবারক সাহেব জিজ্ঞাসা ক'রলেন—কেন এ হুকুম হ'ল কিছু
প্রকাশ পেয়েছে কি ? বখ্‌সী বল্‌লে—না, আপনি কি কিছু জানেন
না ? মোবারক বল্‌লেন—এক রকম আন্দাজী আন্দাজী ; যাক্
বিলম্বে কাজ কি ? বখ্‌সী বল্‌লে— কিছু না ! তখন মোবারক
সাহেব জুতা খুলে একটা পিঞ্জরার উপর পা দিলেন, সাপ গর্জিয়ে
এসে পিঞ্জরার ছিদ্রমধ্য হ'তে দংশন ক'রলে ; দংশন-জ্বালায়
মোবারক একটু মুখ বিকৃত ক'রলেন। বখ্‌সীকে কাতর কণ্ঠে
বল্‌লেন—সাহেব ! যদি কেউ জিজ্ঞাসা করে যে, মোবারক কেন

রাজসিংহ ।

মরুল ? তখন মেহেরবানী ক'রে বলবেন,—শাহজাদী আলম্ জেবউন্নিসা বেগম সাহেবার মজ্জী । বখসী সভয়ে বললেন, চূপ ! চূপ ! এটাও দংশন করবে ! মোবারক তখন দ্বিতীয় পিঞ্জরার উপর পা দিলেন, দ্বিতীয় মহানর্পও তাকে দংশন ক'রে তাক্ষ বিষ ঢেলে দিলে । সেনাপতি তখন বিষের জালায় জর্জরীভূত ও নীলকান্তি হ'য়ে, ভূমে জাহ্নু পেতে ব'সে যুক্ত করে ডাক্তরে লাগলেন, আল্লা আক্বর ! যদি কখনও তোমার দয়া পাবার যোগ্য কাজ ক'রে থাকি, তবে এই সময়ে দয়া কর । এইরূপ প্রার্থনা ক'রতে ক'রতে মোগলবীর মোবারক আলি প্রাণত্যাগ ক'রেছেন ।

জেব—উঃ আর শুনেতে পারছি না, বুক কেটে গেল—মাথায় বজ্রাঘাত হ'ল । হার কি ক'রলুম ! আমীরুদ্দিন ! এমন কথা শুনে বখসীর প্রাণে দয়া হ'ল না—তাকে বাঁচিয়ে দিলে না ! ওঃ এতদিনে বুঝলুম, বাদশাহজাদীরাও সামান্য নারী ব্যতীত আর কিছুই নয়—তাদের হৃদয়েও কোমলতা আছে—তারাও ভালবাসে—তাদেরও কান্দিতে হয় । আমি ঐশ্ব্যামদে অন্ধ হয়েছিলুম—রূপের গর্বে অন্ধ হয়েছিলুম, ইন্দ্রিয়ের দাসী হয়ে ভালবাসাকে চিন্তে পারিনি । আমার উপযুক্ত দণ্ড হয়েছে । কেউ যেন আমাকে দয়া না করে । (কিছুক্ষণ ক্রন্দন)
খোজা ! মাপের বিষে মানুষ ম'রলে তার কি চিকিৎসা আছে ?

আমী—ম'রলে আর চিকিৎসা কি ?

জেব—কখনও শুনিম্ নি ?

আমী—শুনিচি, হাতেম মাল এমনই একটি চিকিৎসা করেছিল, কিন্তু চ'খে দেখি নি ।

জেব—(হাঁফ্ ছাড়িয়া) হাতেম মালকে চিনিস্ ?

আমী—চিনি ।

জেব—তার বাড়ী চিনিস্ ?

আমী—চিনি ।

জেব—এই দণ্ডে সেখানে যেতে পার্বে ?

আমী—হুকুম দিলেই পারি ।

জেব—মোবারককে কোথায় কবর দিয়েছে জানিস্ ?

আমী—দেখিনি, কিন্তু যে গোরস্থানে গোর দেবে, তা জানি । নূতন গোর ঠিকানা ক'রে নিতে পার্বে ।

জেব—আমি তোকে দুশো আসরফি দিচ্ছি । এক শ' হাতেম মালকে দিবি, এক শ' নিজের নিস্ । মোবারক আলির গোর খুঁড়ে লাস বার ক'রে চিকিৎসা ক'রে বাঁচাবি । যদি বাঁচে, তার হাতে পায়ের ধরে আমার কাছে আনবি । যা এখনই যা ।

(আগীরুদ্দিনের প্রস্থান)

(মুখে কিছুক্ষণ রুমাল চাপা দিয়া অবস্থান এবং বৃক্ষান্তরাল হইতে পিকের কূজন) ।

[গীত]

আর কেন পিক বঁধু ঢাল কুঞ্জে সুধারাসি ।
 প্রাণে সুখ নাহি দেয় আরতো ফুলের হাসি ॥
 কুঞ্জবন শোভা যেই, ছাড়িয়া গিয়াছে সেই,
 আগে কে জানিত তারে আমি এত ভালবাসি ॥
 অহঙ্কার গ্যাছে টুটে, অভিমান গ্যাছে ছুটে,
 নিজ দোষে হারিয়েছি আমার হৃদয়-শশী ॥
 প্রাণকান্ডে হয়ে হারা, হয়েছি গো আত্মহারা,
 লহ মোরে সাথে নাথ চরণ সেবিবে দাসী ।

(প্রস্থান)

রাজসিংহ ।

(এক দিক দিয়া নির্মলকুমারীর ও অন্য দিক দিয়া আরংজীবের প্রবেশ)

আরং—একি, কে তুমি ? এখানে কেন !

নির্মল—নিরুত্তর)

আরং—উত্তর দাও, নহলে এখনি তোমার শিরচ্ছেদ করব ।

নির্মল—

[গীত ।]

যে হই সে হই আমি যে হই সে হই ।

তোমার ধার কি ধারি কেন পরিচয় কই ॥

আসমান থেকে নামি নাই ছনিয়াতে থাক,

হেনে খেল বেড়াই সুরে মনের সুরে রই ॥

ভরু মোরে কি দেখাও জী আমি না ভরি,

রাজপুত্র-বিয়ারী আমি ম'বুতে ভীত নই ॥

আরং—জান আমি কে ? আমি দীলীশ্বর আরংজীব—টান্টি করলেই

তোমার কি করতে পারি তা বোঝ !

নির্মল—(কুনিশ করিয়া পুনঃ গীত—)

আপনি বাদশা দীলীশ্বর তাতে ভয় কি !

বেশী কি আর করতে পারেন গর্দান নেওয়া বই ॥

প্রাণ থাকতে দেহ হিন্দু পার্কেন না ছুঁতে,

হিন্দুনারী পরপুরুষ ছোঁয়া নাহি সই ॥

(ছুরি বাহির করিয়া) এই ছুরিকা দরকার মত বসিয়ে নিই বুকে,

কাঁপ নিই আগুনে কিংবা জ্বর খেয়ে লই ॥

আরং—বুঝ্‌লুম, তুমি রাজপুত্র-কন্যা । তুমি কোথেকে এসেছ ?

নির্মল—(স্বগতঃ) আমি রাজপুত্রের কণ্ঠা— মিথ্যা ব'ল'ব কেন !

আরং—কি ? উত্তর দেবে না ?

নিঃ—আমি উদয়পুর থেকে এসেছি ।

আরং—এখানে কার কাছে এসেছ ?

নিঃ—হজরৎ বাদশাহ বেগম উদিপুরীর কাছে ।

আরং—কেন ?

নিঃ—পত্র ছিল ।

আরং—কার পত্র ? .

নিঃ—মহারাণার রাজমহিষীর ।

আরং—কৈ সে পত্র—দেখি ?

নিঃ—বেগম সাহেবাকে তা দিয়েছি ।

আরং—পত্রে কি লেখা ছিল ?

নিঃ—উদিপুরী বেগম সাহেবাকে তামাকু সাজ্জার নিমন্ত্রণের কথা ।

আরং—কি ? এত বড় স্পর্ধা ? ব'ল, তুই কি প্রকারে এই মহাল-মধ্যে
প্রবেশ ক'র'লি ?

নিঃ—আমি এ কথার উত্তর দেব না ।

আরং—কি, এত হেকমৎ ? আমি ছনিয়ার বাদশা—আমি জিজ্ঞাসা
ক'র'ছি, তুই উত্তর দিবি না !

নিঃ—ছনিয়া হজুরের ; কিন্তু রসনা আমার । আমি যা' না ব'ল'ব,
ছনিয়ার বাদশা তা কিছুতেই বলাতে পারবেন না ।

আরং—তা না পারি, কিন্তু যে রসনার বড়াই ক'র'ছি' তা এখনই কেটে
কুকুরকে খাওয়াতে পারি—জানিস্ ?

নিঃ—দীল্লীখরের মজ্জি । কিহু তা হ'লে যে সংবাদ আপনি খুঁজছেন, তা প্রকাশের পথ চিরকালের জন্ত বন্ধ হবে ।

আরঃ—সেই জন্তে তোর জিব্ অক্ষত রাখলাম । তোর প্রতি এই হুকুম দিচ্ছি যে, আগুন জ্বলে তাকে কাপড়ে মুড়ে' একটু একটু ক'রে তাতারীয়া পোড়াতে থাকুক । আমার কথায় যা বলবি না, আগুনের জ্বালায় তা বলবি ।

নিঃ—(হাসিয়া) হিন্দুর মেয়ে আগুনে পুড়ে ম'রতে ভয় করে না । হিন্দুস্থানের বাদশা কি শোনেন নি যে, হিন্দুর মেয়ে হাসতে হাসতে স্বামীর সঙ্গে জলন্ত চিতায় চ'ড়ে পুড়ে মরে ? আপনি যে মরণের ভয় দেখাচ্ছেন, আমার মা, মাতামহী প্রভৃতি সেই আগুনেই প্রফুল্ল আননে পুড়ে মরেছেন । আমিও কামনা করি, যেন ঈশ্বরের কৃপায় আমিও স্বামীর পাশে স্থান পেয়ে ওই আগুনেই জীবন্ত পুড়ে মরি ।

আরঃ—আচ্ছা, সে কথাই গীমাংসা পরে ক'র'ব । আপাততঃ তুই মহালের একটা কামরায় ঢাবি বন্ধ থাক । ক্ষুধা তৃষ্ণায় কাতর হ'লেও কিছু খেতে পাবি না । তবে যখন নিতান্ত প্রাণ যায়—বিবেচনা ক'রা'ব, তখন কবাটে ষা মারিস্, প্রহরীরা দ্বার খুলে দিয়ে আমার কাছে নিয়ে যাবে । তখন আমার নিকট সকল উত্তর দিলে, পান আহা'র ক'রতে পাবি ।

নিঃ—শাহান্-শাহ ! আপনি কি কখন শোনেন নি যে, হিন্দু স্ত্রীলোকেরা ব্রত নিয়ম করে ! ব্রত নিয়ম পালন কর্তে একদিন, দুই দিন, তিন দিন পর্যন্ত নিরঙ্ঘু উপবাস করে ! দেবতার স্থানে ধর্ষণা দিয়ে অনিয়মিত কাল অনাহারে থাকে ? শোনেন নি, তারা কখনও কখনও উপবাস

ক'রে ইচ্ছাপূর্বক প্রাণত্যাগ করে ? জাঁহাপনা ! জাঁহাপনা ! এ দাসীও তা পারে । ইচ্ছা হয়, আমার মৃত্যু পর্যন্ত পরীক্ষা ক'রে দেখুন ?

আরঃ—(স্বগতঃ) এ মেয়েকে ভয় দেখিয়ে কিছু হবে না, মেরে ফেল্লেও কিছু হবে না । তবে পীড়ন ক'রলে কি হয় বলা যায় না । কিন্তু তার পূর্বে একবার প্রলোভনের শক্তিটা পরীক্ষা করা ভাল । (প্রকাশ্যে) ভাল, নাই তোমাকে পীড়ন ক'রলাম । তোমাকে বহুং ধন দৌলত দিয়ে বিদায় করব । তুমি এ সকল কথা ষথায়থ আমার নিকট প্রকাশ কব ।

নিঃ—রাজপুত্র কত্না যেমন মৃত্যুকে ভয় করে না, ধন দৌলতকেও তেমনি অন্তরের সঙ্গে ঘৃণা করে । আমি সামান্য স্ত্রীলোক, নিজ গুণে আমাকে বিদায় দিন ।

আরঃ—দীল্লির বাদশাহের ছ'নিয়ায় অদেয় কিছুই নাই । তাঁর কাছে প্রার্থনীয় তোমার কি কিছুই নাই ?

নিঃ—আছে ।—নির্কিণ্ণে বিদায় ।

আরঃ—কেবল সেইটী এখন পাচ্চ না । তা ছাড়া আর জগতে তোমার প্রার্থনা করবার কি কিছুই নাই ?

নিঃ—প্রার্থনার আছে বৈ কি ! কিন্তু দীল্লির বাদশাহর রত্নাগারে সে রত্ন নাই ।

আরঃ—এমন কি সামগ্রী !

নিঃ—আমরা হিন্দু, আমরা জগতে কেবল ধর্মই কামনা করি । দীল্লির বাদশাহ ম্লেচ্ছ, আর দীল্লির বাদশাহ ঐশ্বর্যশালী । দীল্লির বাদশাহর সাধ্য কি যে, আমার কাম্য বস্তু দিতে পারেন কি নিতে পারেন ?

রাজসিংহ ।

আরং—বটে ! ঐ কথাটা ভুলে গেছলুম । এখনই বাবুর্চি মহাল হাতে
গো-মাংস এনে তোর মুখে গুঁজে দেয়াচ্ছি ।

নিঃ—জানি, আপনাদের সে বিদ্রোহ আছে । সে বিদ্রোহ জোরেই এই
সোনার হিন্দুস্থান কেড়ে নিয়েছেন । জানি, গোরুর পাল সন্মুখে
রেখে লাড়াই ক'রে মুসলমান হিন্দুকে পরাস্ত করেছে—নইলে রাজ-
পুত্রের বাহুবলের কাছে মুসলমানের বাহুবল সমুদ্রের কাছে গোম্পাদ ।
কিন্তু আবার একটা কথা আপনাকে মনে করিয়ে দিতে হ'ল ।
শোনেন নি কি যে, রাজপুত্রের মেয়ে বিয়া সঙ্গে না নিয়ে এক পা চলে
না ? আমার নিকটে এমন তীব্র বিদ্বেষ আছে যে, আপনার ভৃত্যেরা
গো-মাংস নিয়ে এঁইখানে পা দেওয়ার পরেও যদি তা আমি মুখে দিই,
তবে জীবন্তে আর আমার মুখে কেউ গো-মাংস দিতে পারবে না ।
জাহাঁপনা ! আপনার বড় ভাই দারা শেকোকে বধ ক'রে তার ছুঁটা
কবুল কেড়ে আনতে গেছিলেন, পেরেছিলেন কি ! অধম গৃষ্টানাটা
এসেছিল—জানি, রাজপুত্রানী দীল্লির বাদশার মুখে সাত পয়জার
মেরে স্বর্গে চলে যাবনি কি ! আমিও এগনি তোমার মুখে সাত
পয়জার মেরে স্বর্গে চলে যাব ।

আরং—(স্বগতঃ) আমি পৃথিবীপতি, সমগ্র ভারতবর্ষের ত্রাস—আর
আমার নামনে এই নিঃসহায় অবলা নিঃসঙ্কোচে এইরূপ উদ্ধত বাক্য
বলে । আজ আমি এর নিকট পরাজয় স্বীকার করলুম । এ অমূল্য রত্ন,
একে নষ্ট করা হবে না ! আমি একে অন্য উপায়ে বশীভূত ক'রব ।
(প্রকাশ্যে) তোমার নাম কি পিয়ারী ?

নিঃ—ওকি জাহাঁপনা, আরও রাজপুত্র মহিষীতে সাধ আছে নাকি ? তা

সে সাধু ত্যাগ ক'রতে হচ্ছে । আমি বিবাহিতা, আমার হিন্দু স্বামী জীবিত আছেন ।

আরঃ—সে কথা এখন থাক । এখন তুমি কিছুদিন আমার এই ঝুঙমহালে বাস কর । এ হুকুম বোধ করি তুমি অমান্ত্র ক'র্বে না ।

নিঃ—কেন আমাকে আটক ক'র্ছেন ?

আরঃ—প্রথমতঃ এখন তুমি দেশে গেলে, আমার বিস্তর নিন্দাবাদ ক'র্বে, যাতে তুমি আমার প্রশংসা ক'র্তে পার, এখন তোনার সঙ্গে মেরুপ ব্যবহার ক'র্বা । দ্বিতীয়তঃ তোমাকে আমার একটা কার্যে নিযুক্ত ক'র্তে চাই, তুমি তা' ক'র্বে ?

নিঃ—কি কার্য না জানলে বলতে পারি না ।

আরঃ—আমি উদয়পুর দখল ক'র্ব—রাজপুরী দখল ক'র্ব ; কিন্তু রাজপুরী দখল হ'লে পর রূপনগরীকে হস্তগত ক'র্তে পারব কি না সন্দেহ । তুমি সেই বিষয়ে আমার সহায়তা ক'র্বে ?

নিঃ—আপনি যদি উদয়পুরের রাজপুরী দখল ক'র্তে পারেন আমি চঞ্চলকুমারীকে এনে আপনার হাতে সমর্পণ ক'র্ব ।

আরঃ—তোমার এ কথা বিশ্বাস করলাম ; কেননা তুমি নিশ্চয় জান যে, যে আমার সঙ্গে প্রবঞ্চনা করে, তাকে টুকরা টুকরা ক'রে কেটে কুকুর দিয়ে খাওয়াতে পারি ।

নিঃ—পারেন কি না, সে বিষয়ের বিচার হয়ে গেছে । কিন্তু আমি আপনাকে প্রবঞ্চনা ক'র্ব না—কারণ রাজপুত-মহিষীদের রীতি এই যে, শত্রুর হাতে পড়ার আগে চিতার পুড়ে মরে । তাকে জীবিত পাব না বলেই এ কথা স্বীকার করছি, নইলে আমা হ'তে চঞ্চল-কুমারীর কোন অনিষ্ট ঘটবে না ।

রাজসিংহ ।

আরং—এতে অনিষ্ট কি ? সে ত বাদশার বেগম হবে । যাক্, এখন শীঘ্রই লড়াইয়ে যেতে হবে—বেগমমহলও সঙ্গে যাবে ; যে ক'দিন যাওয়া না হয়—এখানে থাক ; তারপর সেখান থেকে তোমার যেখানে ইচ্ছা যেও ।

নিঃ—আপনি যেতে না দিলে আমার যাবার সাধা নাই । কিন্তু আপনি কয়েকটা কথা প্রতিশ্রুত হলেই থাকতে পারি ।

আরং—কি কি কথা ?

নিঃ—হিন্দুর অন্তর্জল ভিন্ন আমি স্পর্শ ক'রবনা ।

আরং—তা স্বীকার ক'রলুম ।

নিঃ—কোন মুসলমান আমাকে স্পর্শ ক'রবে না ।

আরং—তাও স্বীকার ক'রলুম ।

নিঃ—আমি কোন রাজপুত্র বেগমের নিকটে থাকুব ।

আরং—তাও হবে । আমি তোমাকে ষোড়পুরী বেগমের নিকট রাখুব ।

চল, সেই বন্দোবস্ত ক'রে দিউগে । (প্রস্থান ।)

পঞ্চম দৃশ্য ।

উদয়পুর প্রান্তস্থ গিরি-সান্নিদেশ ।

রাজসিংহ, কুমার জয়সিংহ ও ভীমসিংহ,

মোবারক, মানিকলাল ও অমাত্যবর্গ ।

রাজসিংহ—রাজপুত্র । বকুগণ ! আজ বড় আনন্দের দিন । আজ বাদশা আলমগীর তাঁর যাবতীয় ফৌজ নিয়ে উদয়পুর ধ্বংস ক'রতে এসেছেন ; আজ হিন্দু-মুসলমানের বল পরীক্ষা হবে ; এতে হয়

মুসলমান চিরদিনের জন্ত ভারতবর্ষে আধিপত্য হ'তে বঞ্চিত হ'বে, নয় রাজপুতের নাম হিন্দুস্থান হ'তে মুছে যাবে । মুসলমান অসংখ্য, আমরা মুষ্টিমেয় ; তাদের সাজসরঞ্জাম, গুলিগোলা, অস্ত্রশস্ত্র প্রচুর, আমাদের নির্দিষ্ট সংখ্যক ; কিন্তু বাহুবলে আমরা তাদের চেয়ে বহু শ্রেষ্ঠ, আমরা সবাই ম'রতে প্রস্তুত, আমাদের ভীত হবার কিছু নাই ; আমরা আজ যবনকে দেখাব—রাজপুত ভীক-হস্তে অসি ধারণ করে না, তারা সহাস্ত্রে মৃত্যুকে আলিঙ্গন ক'রতে পারে ।

১ম অমাত্য—মহারাণা ! আমরা সকলেই প্রস্তুত । আজ্ঞা করুন আমাদের কি ক'রতে হবে ?

রাজ—ভগবান একলিঙ্গের আশীর্ব্বাদে এ যুদ্ধে আমরা জয়ী হ'ব—এ আশা আমার আছে । এক্ষণে সৈন্য সাজাতে হবে । অসংখ্য সৈন্যের সহিত মুষ্টিমেয় সৈন্য সমতল ক্ষেত্রে যুদ্ধ ক'রতে সক্ষম হবে না । আমাদের সৈন্যদল তিনভাগে বিভক্ত কর, সমতল ভূমি ছেড়ে দাও ; এক ভাগ কুমার জরসিংহের কর্তৃত্বাধীনে পর্ব্বত-শিখরে সংস্থাপিত হ'ক, দ্বিতীয় ভাগ দ্বিতীয় কুমার ভীম সিংহের অধীনে পশ্চিমে স্থাপিত হ'ক—যেন সে দিকের পথ খোলা থাকে, যাতে অন্যান্য রাজপুতগণ সেই পথে প্রবেশ ক'রে সাহায্য ক'রতে সক্ষম হন, তৃতীয় ভাগ আমার নিজের অধীনে থাক—তারা পূর্ব্বদিকের গিরি-সঙ্কটে অবস্থান করবে ।

১ম অমাত্য—বেশ তাই হ'ক মহারাণা ।

রাজ—কিন্তু একটি কাজ করার আবশ্যক ; যোগলকে কোন রকমে ভুলিয়ে এনে এই গিরি-সঙ্কটে প্রবেশ করান দরকার । এ কাজে কে সক্ষম হবে ? তোমাদের মধ্যে উপযুক্ত লোক কে আছে ?

মানিক—উপযুক্ত লোক আছে মহারাণা, আমি তার ব্যবস্থা করছি ।

রাজসিংহ ।

রাজ—মানিক, তোমার কথায় আমি সম্পূর্ণ বিশ্বাস করতে পারি । বেশ

এর ব্যবস্থা ডুমিই কর ।

মানিক—যে আজ্ঞা মহারাণা । মোবারক সাহেব ! এ কাজের আপনিই উপযুক্ত পাত্র । উদয়পুর আপনার নিকট এ উপকারটুকু প্রত্যাশা করতে পারে কি ?

মোবারক—অবশ্যই পারেন ; আমি অকৃতজ্ঞ নই । আপনি আমাকে নতুন জীবনদান করেছেন এবং মহারাণার অধীনে কাজ দিয়েছেন । মোগলের কাছে আমি অপরাধীরূপে সর্পদংশনে মৃত, মোগল আমার কাছে আর কিছু আশা করতে পারে না । আজ্ঞী করুন, কি করতে হবে ।

মানিক—কোন রকমে ভুলিয়ে মোগলকে এই গিরি-সঙ্কটে প্রবেশ করাতে হবে ।

মুখ রক—আমি মোগল সওদাগর সঙ্গে চল্লুম ; আপনারা নিশ্চিত থাকুন ।
(সেলাম করিয়া প্রস্থান)

মানিক—মহারাণা । মোবারক যেকোন বুদ্ধিমান ও চতুর, তাতে অবিলম্বেই কার্যসিদ্ধি হবে, এমন বিশ্বাস করতে পারা যায় ।

রাজ—হাঁ, আমিও তা বিশ্বাস করি । এক্ষণে চল, আমি যেকোন আদেশ করেছি, সেই ভাবে সৈন্য সাজাও । (সকলের প্রস্থান)

(অপর দিক দিয়া আরংজীব, বখ্ত খাঁ ও অনুচরবর্গের প্রবেশ)

আরং—বখ্ত খাঁ, সর্কনাশ উপস্থিত ! বাদশাহাদা আকবর সাহেব সৈন্যের সঙ্গে আমার সৈন্য মিশ্রিত থাকে সংবাদ পেয়ে রাজসিংহ দ্রুতবেগে পার্শ্বপথ অতিক্রম করে এই গিরিসান্নদেশে উপস্থিত হয়েছে । এখন যদি আমরা অগ্রসর হই, তা হ'লে রাজসিংহকে পার্শ্ব রেখে যেতে

হবে, আর রাজসিংহ যদি পার্শ্ব হ'তে আক্রমণ করে—তাকে কোন ক্রমেই বিমুখ করা যাবে না ; পার্শ্বস্থিত শত্রুর সঙ্গে যুদ্ধ করতে গেলে সৈন্য ফিরিয়ে শত্রুর সম্মুখবর্তী করা দরকার, কিন্তু এই সঙ্কীর্ণ পার্শ্বপথে সেনা ফেরাবার ঘোরাবার স্থান নাই এবং তার সময়ও পাওয়া যাবে না। আর অগ্রসর হওয়া যুক্তিসঙ্গত নয়, তাহলে রাজসিংহ পশ্চাদ্গামী হবে, নাল আসবাব পত্র লুটপাট ও সেনাপ্রাংশ করবে, রাসদের পথ বন্ধ হবে। সম্মুখে আবার কুমার জয়সিংহের সেনা ; স্মতরাং উভয়ের মধ্যে পড়ে সৈন্যে বিধ্বস্ত হ'তে হবে। কিন্তু রাজপুত্রের ভয়ে জগত-বিজয়ী মোগল সেনা ফিরে যাবে ? সিংহ মুষিকের ভয়ে পালাবে ? উদয়পুরের রাজা পশ্চাতে হাততালি দেবে ? তা হলে যে পৃথিবী হাসবে। না, এ কিছুতেই হ'তে পারেনা। এখনই দেখ, উদয়পুরে যাবার অন্য পথ আছে কি না।

বখ্ত—জাঁহাপনা ! আমি পূর্বেই খবর নিইচি। একজন মোগল সওদাগরের সাক্ষাৎ পাওয়া গেছে ; সে পথ দেখিয়ে দিয়েছে, সে একটা পার্শ্বপথ রক্ষ-পথ—অতিশয় সঙ্কীর্ণ। কিন্তু পথটা সোজা পথ, শীঘ্র বা'র হওয়া যাবে। সে দিকে কোন রাজপুত্র সেনাও দেখা যায় নি।

আরং—যে পথ দেখিয়ে দিয়েছে, সে কি আমার সিপাই ?

বখ্ত—না, সে একজন মুসলমান সওদাগর। উদয়পুরে শাল বেচতে গিয়েছিল, এইমাত্র মোগল শিবিরে বেচতে এসেছিল।

আরং—(কিছুক্ষণ চিন্তার পর) ভাল, সেই পথেই তবে ফৌজ নিয়ে অগ্রসর হও।

অষ্ট দৃশ্য :

রক্ত পথের অপর দিক্ ।

রাজসিংহ ও কুমার জয়সিংহ ।

জয় ।

পরাজিত রণে পিতা মোগল বাহিনী,
সহস্র সহস্র অরি নিহত সমরে ।
রক্তপথ বন্ধ করি' রাজপুত সেনা
শ্রমন্ত বারণে বন্ধ করেছে পিঙ্করে,
রসদাদি যাত্রা কিছু করেছে লুণ্ঠন,
অবরুদ্ধ মোগলের রসদের পথ ।
অনাহারে আরংজীব তিল তিল করি'
ময়িবে সসৈন্তে এবে প্রতি দিনে দিনে
উৎসাহিত রাজপুত সমর-বিজয়ে—
উল্লাসে দিগন্ত ভেদি' করে জয়ধ্বনি ।
উল্লাসের কাল বৎস আসেনি এখন' ।
সবে মাত্র পৌরজন বেগম মহলে
বন্দী করি' পাঠায়েছে গৃহিণী-সদনে,
আবদ্ধ হয়েছে মুঢ় দীপ্তি-অধিপতি
পর্বত-মাঝারে ক্ষুদ্র মূষিকের মত ।
সন্ধি আসে এবে বহু মিনতি করিয়া
লিখেছে বিনয়-লিপি আমার সদনে ;
উত্তর দিয়াছি আমি, যদি দিল্লীখর

রাজ ।

ক্ষমাভিক্ষা মাগি' আজি রাজপুত পাশে
 স্বীকার করেন—আর ভারত মাঝারে
 গোবধ, মন্দির-ভঙ্গ, জিজিয়া স্থাপন,
 করিবেন পরিত্যাগ, জামাতৃ-কন্যায়
 সাদরে লবেন গৃহে রোষ পরিহরি',
 তবে সন্ধি সংস্থাপন হবে আমা সহ ।
 এখন উত্তর কিছু আসেনি তাহার ।
 যদি এই সর্তে সন্ধি হয় সংস্থাপন,
 তখন করিও বৎস উল্লাস আমোদ ।
 চল এবে রণস্থলে সৈন্তগণ-মাঝে,
 নতুবা উৎসাহ-ভঙ্গ হবে রাজপুত ।
 ধৃত আরঞ্জীব বৎস, কথায় তাহার
 বিশ্বাস মুহূর্ত্ত তরে করিবেনা কভু ;
 কোরাণ লইয়া করে করিলে শপথ,
 অকর্তব্য্য তবু তারে করিতে প্রত্যাঘ ।
 বিন্দু মাত্র হেরে যদি অসতর্ক মোরা,
 আক্রমিবে ক্ষণমাত্র দ্বিধা নাহি করি' ।
 চল, বৎস, সৈন্ত-মাঝে, উৎসাহি' আবার
 নাশিতে মোগল-বংশ ভারত হইতে ।

(প্রস্থান)

রাজসিংহ ।

পতি পল্লিবর্তন

রত্নপথ ।

আরংজীব ।

আরং ।

মোগলের আর্তনাদে বধির শ্রবণ,
আর সহ্য নাহি হয় ; মোগল-গৌরব
অস্তমিত আজি হয় রাজসিংহ-করে !
ক্ষুদ্র রাজপুত্র—পরাজয়ি' অনায়াসে,
ভুবন বিজয়ী সেনা মোগল-বাহিনী,
কাড়ি নিল দস্ত করি' বেগমসমূহে ?
বামন হইয়া চাঁদ ধরিল অক্লেশে ?
অসম্ভবে পরিণত করিল দস্তবে ?
রসদ বিহনে আজি আমারি সাক্ষাতে
ক্ষুৎপিপাসায় মরে অমৃত সেনানী !
তুনিয়াব বাদশাহ আমি আলমগীর,
ছট্‌ফট্‌ করি' হয় দারুণ ভয়ান ;
অনাগারে অনিদ্রায় বিকল শরীর,
কি করি কোথায় ঘাই, কি হবে উপায় !

(জনৈক সেনাপতির প্রবেশ)

সেনা—জাহাঁপনা ! মহারাণা জবাব দিয়েছেন যে, তিনি সন্ধি স্থাপনে

সম্মত, যদি আপনি—তিনি যে যে সর্ত্ত বলেছেন—তাতে স্বীকৃত হন ।

আরং—কি কি সর্ত্ত বল ?

সেনা—যদি আপনি সমগ্র ভারতে মন্দির ভঙ্গ, জিজিয়া স্থাপন, গো কোর্কানি বন্ধ করেন—কৃতকর্মের জন্য ক্ষমা প্রার্থনা করেন এবং পুনরুজ্জীবিত মোবারকে বাদশাজাদীর সামী বলে' স্বীকার করে •জামাতৃকণ্ঠ্যকে ক্ষমা করে গ্রহণ করেন, তবে তিনি সন্ধি-সংস্থাপনে সম্মত ।

আরং—(কিছুক্ষণ ভাবিয়া) আচ্ছা, উত্তর দাও—এই সমস্ত সর্ত্তে আমি সম্মত আছি ।

সেনা—যথা আজ্ঞা ব্রাহ্মণা । (প্রস্থান)

আরং । দেখিব কাফের, কত বলবান তোরা !
পড়েছি বিপদে তাই করি' স্বীকার
এই সন্ধি সংস্থাপন ঘণিত সর্ত্তেতে ।
বাহির হইয়া এই রক্ষ পথ হ'তে,
সন্ধিপত্র বিদলিত করি' পদতলে,
সমুচিত প্রতিফল দানিব তো সবে ।
রাজপুত নাম লোপ করিয়া ভারতে,
গোবধ, মন্দির ভঙ্গ, জিজিয়া স্থাপন—
পুনঃ সংস্থাপন করি' দেখাব জগতে
কত বল বীর্যবস্ত মোগল সম্রাট্—
করিব সার্থক তবে আলম্গীর নাম ।

(প্রস্থান)

সপ্তম দৃশ্য :

উদয়পুর রাজপ্রাসাদ-অন্দর-মহল ।

চঞ্চলকুমারী আসীনা ।

দাসী-সঙ্গে উদিপুরী বেগমের প্রবেশ ।

চঞ্চল—(উঠিয়া দাঁড়াইয়া) আসুন বেগম সাহেবা, বসুন ।

উদিপুরী—(আসনে বসিয়া) তোমরা মোগলের নিকট মৃত্যু-বাসনা
ক'রছ কেন ?

চঃ —(ইমং হাসিয়া) আমরা মৃত্যু-কামনা করি নি ; তবে বাদশা সে-
সামগ্রী আমাদের দিবার ইচ্ছায় এসেছেন । কিন্তু তিনি ভুলে
গেছেন যে, হিন্দু যবনের দান গ্রহণ করে না ।

উদি—(ঘণার সহিত) রাণা রাজসিংহের পূর্ব পুরুষেরা মোগল বাদশাদের
কাছে এ দান স্বীকার করে গ্যাছে ।

চঃ—বেগম সাহেবা ! আপনি ভুলে যাচ্ছেন, সে আমরা দান ব'লে স্বীকার
করি নি ; ঋণ ব'লে গ্রহণ করেছিলাম । আকবর বাদশার ঋণ
প্রতাপসিংহ নিজের পরিশোধ ক'রে গ্যাছেন । আপনার বশুরের
ঋণ এখন আমরা পরিশোধে প্রবৃত্ত হয়েছি । তার প্রথম কিস্তী
নেবার জন্ত আপনাকে ডেকেছি । আবার তামাকু নিবে গেছে,
অনুগ্রহ ক'রে আমাকে তামাকুটা সঙ্গে দিন ।

উদি—উঃ, তুমিই আমাকে তামাকু সাজার নিমন্ত্রণ-পত্র পাঠিয়েছিলে ?

চঃ—হ্যাঁ, আর তোমাকে সেই নিমন্ত্রণ রক্ষার জন্ত আনা হয়েছে ।

উদি—(সগর্বে) বাদশার বেগমে তামাকু সঙ্গে না ।

চঃ—যখন তুমি বাদশার বেগম ছিলে, তখন তামাকু সাজতে না । এখন

তুমি আমার বান্দী : তামাকু সাজবে । আমার হুকুম ।

উদি—(রাগে কাঁদিয়া) তোমার এত বড় স্পর্ধা যে, আলম্গার বাদশার
বেগমকে তামাকু সাজতে বল ।

চঃ—আমার ভরসা আছে, কাল আলম্গার বাদশা স্বয়ং এখানে এসে
মহারাণার তামাকু সাজবে । তাঁর যদি সে বিজ্ঞা না থাকে, তবে
তুমি তাঁকে কাল শিখিয়ে দেবে । আজ নিজে শিখে রাখ । দাসি,
এর দ্বারা তামাকু সাজিয়ে নে ।

দাসী—(উদিপুরীকে) এই ছিলিম উঠাও । (উদিপুরী উঠিল না, তখন
দাসী হাত ধরিয়া তুলিতে আসিল । উদিপুরী অপমান-ভয়ে উঠিয়া
এক পা বাড়াইতে না বাড়াইতে থর্ থর্ করিয়া কাঁদিয়া পাড়িয়া গেল,
দাসী ধরিয়া ফেলিল ।)

চঃ—যাও, ওকে পালকে শয়ন করিয়ে শুশ্রূষা করগে । (দাসী উদিপুরীকে
লইয়া গেল) ।

(নির্মলকুমারীর প্রবেশ)

নিঃ—সখি ! জেবউন্নিসা বেগম দেখা ক'রতে চায় ।

চঃ—তা নিয়ে আর—

নিঃ—বাদশা যুদ্ধে পরাজিত হয়ে মহারাণার নিকট সন্ধি প্রার্থনা
করেছিলেন, শুনেছ তাই !—মহারাণা রাজ্ঞী হয়ে যে-যে সর্ত্ত বলেন,
সব গুলিতেই বাদশা স্বীকার হওয়ার সন্ধি সংস্থাপিত হয়েছে ! ভারতে
গো-হত্যা বন্ধ ক'রতে এবং মন্দির ভাঙ্গা বন্ধ ক'রতেও স্বীকৃত
হয়েছে, মোবারককে জামাতা বলে গ্রহণ ক'রতে এবং ক্ষমা ক'রতেও

রাজী হয়েছে । এখন উদিপুরী ও জেবউন্নিসাকে ছেড়ে দিতে হবে ।
সব কথা যেন মনে থাকে । (অগ্রসর হইয়া নেপথ্যের দিকে চাহিয়া
উচ্চকণ্ঠে) বাদশাজাদি ! আসুন ।

(জেবউন্নিসার প্রবেশ ; চঞ্চলকুমারীকে ড়াণু পাতিয়া অভিবাদন পূর্বক)

জেব—মহারাজি ! আপনার নিকট আমি চিরকৃতজ্ঞ ; আপনার রূপায়
মৃত পতি ফিরে পেইছি ; আপনি আমার জীবন দান করেছেন ।

আমি কায়মনোবাক্যে প্রার্থনা করি, খোদা আপনার মঙ্গল করুন ।

চঃ—বাদশানন্দিনি, আপনি এক্ষণে মুক্ত । আপনার পিতা মহারাজার সঙ্গে
সাক্ষি করেছেন । তিনি আপনাদের বিবাহ যেনে নিতে রাজী হয়েছেন
এবং আপনাদের ক্ষমা করেছেন ।

জেব—মহারাজি, আপনি দেবী না মানবী ! আপনি শত্রু-কল্যায় জয়
এত করেছেন ! আপনার ঋণ চির জীবনেও পরিশোধ করতে
পারব না ।

চঃ—দাসি ! বেগমকে এবার এদিকে নিয়ে আসি—

(দাসীর উদিপুরাকে লইয়া পুনঃ প্রবেশ)

বেগম সাহেবা, আপনি এখন মুক্ত, দাবার জন্য প্রস্তুত হন ।

নিঃ—(চঞ্চলকে) বেগম তোমার দাসীপনা করলে কৈ ' আমি সে
নিমন্ত্রণ করতে দিল্লী গেছলুম, সে নিমন্ত্রণ রক্ষা করলে না তো ?

উদিপুরী—(নিশ্চলকে) তোমার জিব আমি টুকরা টুকরা করে
কাটব । তোমাদের সাধ্য কি যে আমাকে দিয়ে তামাকু সাজাপ '
তোমাদের নত স্ক্র লোকের সাধ্য কি বে, বাদশার বেগম আটক

রাজসিংহ ।

রাখ ? কেমন, এখন ছাড়তে হ'ল তো ? কিন্তু যে অপমান করেছ, তার সমুচিত প্রতিফল দেবো ; উদয়পুরের চিহ্ন মাত্র রাখব না ।

চঃ—শুন্ছি, মহারাণা বাদশার প্রতি দয়া করে তোমাদের ছেড়ে দিয়েছেন । তুমি তার জন্ত একটা মিষ্টি কথাও বলতে জান না, অতএব তোমাকে ছাড়া হবে না । তুমি বাঁদী-মহলে গিয়ে আমার জন্ত তামাকু প্রস্তুত করে আন ।

জেব—সে কি মহারাণি ! আপনি এত নির্দয় ?

চঃ—আপনি যেতে পারেন, কেউ বাধা দেবে না । একে আমি এখন যেতে দিচ্ছি না ।

জেব—মহারাণি, আপনি অতি মহৎ, উদার, দয়ালুহৃদয়, আপনি বেগমের উপর ক্রোধ করবেন না, দয়া ক'বে ওঁকে ছেড়ে দিন ।

উদি—মহারাণি ! আমার অপরাধ হয়েছে, আমার মাপ করুন ।

চঃ—আচ্ছা, আমার জন্য একবার তামাকু প্রস্তুত কর, তবে যেতে পারবে ।

উদি—তামাকু প্রস্তুত ক'রতে আমি জানি না ।

চঃ—বাঁদীরা দেখিয়ে দেবে । দাসী, তামাকু সাজা দেখিয়ে দে ।

(দাসী কর্তৃক তামাকু সাজা দেখাইয়া দেওন এবং উদিপুরী কর্তৃক তামাকু সাজিয়া দেওন)

চঃ—এবার আপনারা যেতে পারেন । সেলাম । বেগম সাহেবা ! এখানে যা' ঘটেছে, সমস্তই আপনি বাদশাকে জানাবেন এবং তাঁকে স্মরণ করিয়ে দেবেন যে, আমিই তাঁর তস্বীরে লাথি মেরে নাক ভেঙ্গে দিয়েছিলাম । আরও বলবেন আবার যদি তিনি কোন হিন্দু বালার অপমানের ইচ্ছা করেন. তা'হলে আমি কেবল তস্বীরে পদাঘাত করেই সন্তুষ্ট হব না ।

(উদ্বিপুৰী ও ছেবউল্লিসার অভিবাদনান্তে প্রস্থান)

নিঃ—সখি, মহারাণা তোমার পিতাকে আবার পত্র লিখেছেন, শুনেছ ?

চঃ—না ; পত্রের উত্তর এসেছে ?

নিঃ— হাঁ ।

চঃ—কি উত্তর এসেছে ভাই ?

নিঃ—তোমার পিতা লিখেছেন যে, আমি দুই সহস্র অশ্বারোহী সৈন্য দিয়ে যাচ্ছি ।

চঃ—সৈন্য নিয়ে আসছেন, এর কারণ কি কিছ বুঝতে পার ?

নিঃ—আমাদের অতো বুঝাবুঝির দরকার কি ! যা' বুঝবার দরকার মহারাণা বুঝবেন ।

চঃ—সেই ভাল, এখন এত মেহনতের পর চল, একটু বিশ্রমে করিগে ।

(উভয়ের প্রস্থান)

অষ্টম দৃশ্য :

উদ্বিপুৰ দরবার ।

(সানুচর রাণা রাজসিংহ উপবিষ্ট ; বিক্রম সোলাঙ্কির প্রবেশ)

রাজ—আসুন ; যুদ্ধের খবর কি ?

বিক্রম—মহারাণা । আজ মা জগদম্বার কৃপায় জয়শ্রী বহন ক'রেই

উপস্থিত হয়েছি । দিলীর খাঁ ও বাদশাহাদা আকবরের সৈন্যসমূহ

বিধ্বস্ত—অধিকাংশই হত, হতাবশিষ্ট পলায়িত ।

রাজ—আপনার এই সংবাদে পরম আপ্যায়িত হলাম ; আজ আপনি সোলাঙ্কির স্বার্থ পরিচয় দিয়েছেন ।

বিক্রম—মহারাণা । আপনি অনুগ্রহ ক'রে আমার প্রদত্ত নজর দুই সহস্র অখারোহী সৈন্য এবং আমার তরবারি গ্রহণ ক'রে আমায় ধন করেছেন ; এক্ষণে আর একটি উপহার বাকি আছে ।

রাজ—কি উপহার বলুন ! আপনার ন্যায় বীরের প্রদত্ত সামগ্রী গ্রহণ না করার কোন কারণ দেখছি না ।

বিক্রম—আমার মেই কস্তাটা—যার জন্য আপনাকে দুর্ভুন্ধি বশতঃ তীব্র চিঠি লিখেছিলাম । কায়মনোবাক্যে আশীর্বাদ ক'রে আপনাকে সেই কন্যা সম্প্রদান ক'রতে ইচ্ছা করি । অধীনের এ দান গ্রহণ করবেন কি ?

রাজ—স্বীকৃত আছি : কিন্তু আপনার যে আপত্তি ছিল, তা খণ্ডিত হয়েছে কি !

বিক্রম—মহারাণা । আর লজ্জা দিবেন না ; ধৃষ্টতা মাপ করুন । মহারাণ রাজসিংহ জীবিত থাকতে, ভরসা করি, আর কোন রাজপুত্র যোগলবাদশাকে নজর দেবে না ; যোগল ভাতি এখন অন্তর্হিত হবে—তার বোধ হয় আর রাজপুত্রানার দিকে ফিরে চাইতেও শক্তি বোধ ক'রবে । আপনি যোগলকে যেরূপ শাসিত করেছেন, তাতে আশা করি, সমস্ত রাজপুত্র মিলিত হয়ে আপনার অধীনে কার্য ক'রলে অচিরে যোগল সাম্রাজ্যের উচ্ছেদ হবে । এক্ষণে দয়া ক'রে বলুন—আমার শ্রেষ্ঠ প্রার্থনা মঞ্জুর করলেন কি না ?

রাজ—আমি তো পূর্বেই বলেছি, বীরের দান গ্রহণ ক'রতে আমি কখন কুণ্ঠিত নই ।

বিক্রম—(আহ্লাদে) তবে আজ্ঞা করুন মহারাজাধিরাজ, চঞ্চলকুমার এখানে হাজির হ'ক ।

হা—(দৌবারিকের প্রতি) দৌবারিক, রাজকন্যা চঞ্চলকুমারী,
নির্মলকুমারী ও মানিকলালকে শীঘ্র এখানে আসতে বল ।

—যথা আজ্ঞা মহারাণা । (দৌবারিকের প্রস্থান)

ম—মহারাণা : আপনার বীরত্বে যেকোন সন্দেহ হইলি, আজ আপনার
উদারতায় ততোধিক বিশ্বস্ত হইলাম । আপনি বর্ধাৎই প্রতাপসিংহের
উপযুক্ত বংশধর এবং সমগ্র রাজপুত্র জাতির পৌরদস্থল ।

চঞ্চলকুমারী, নির্মলকুমারী ও মানিকলালের প্রবেশ এবং মহারাণা
ও বিক্রম সোলাঙ্কিকে প্রণাম করিয়া নীরবে অবস্থান)

ম—(চঞ্চলের হাত ধরিয়া) না, আজ আমি সন্দেহ করণে আশীর্বাদ
ক'রে এই রাজপুত্রকুলতিলক, বীরেন্দ্রকেশবী, অবলাবাক্তব মহারাণা-
ধিরাঙ্গ মহারাণা রাজসিংহের করে তোমাকে সমর্পণ করলুম ।
তীর উপযুক্ত মহিষী হ'য়ে মহাসতীর পরিচয় দিবে রাজপুত্রকুল ধন্য কর ।
(বুদ্ধ চারণের প্রবেশ এবং মহারাণা প্রভৃতি সকলের প্রণাম করন)

ম—চারণদেব, বহু কাল পরে, আপনার পদধূলি প'ড়ে উদয়পুর প্রাসাদ
আজ পবিত্র হ'ল ।

ম—আমার মিলন দেখার বড় সাধ—তাই দেখতে এসেছি । এত-
কাল তো মিলন ছিল না—তাই আসি নি । জনে-জননে, পাহাড়ে-
পাহাড়ে, উপত্যকায়-মরুভূমে দিন রাত মিলন মিলন ক'রে ছুটে ছুটে
বেড়িয়েছি—গলা চিরে ফেলিছি, কেউ আমার কথায় কাণ দেয়নি ;
যেবারেই পাহাড়ে বসে কঁদে কঁদে পাহাড় দিক্ত ক'রে ফেলিছি—
কেউ ফিরে চায় নি—আমার কন্দন-গীত শুনে বনের পশু পক্ষী

কেন্দেচে, কিন্তু রাজপুতের চোখে এক ফোঁটা জল করেনি,—তাই এতদিন আগিনি । আমি রাজপ্রাসাদ দেখতে চাইনে, আমি দেখতে চাই মিলন, আমি মিলন বড় ভালবাসি ; মিলন আমার ধ্যান— মিলন আমার জ্ঞান—মিলন আমার সর্বস্ব । আজ মিলন হয়েছে, তাই ছুটে এসেছি ; আজ রাজপুত রাজপুতে মিলেছে, হিন্দু হিন্দুতে মিলেছে, আজ প্রকৃতি পুরুষে মিলন হচ্ছে. আমার আহ্লাদে বুক ফুলে উঠেছে—বুকের দেহে বুবার বল এসেছে——জরাগ্রস্থ বাহুতে ভীম শক্তি পেইছি । আজ লুপ্ত গৌরব ফিরে এসেছে—হিন্দুস্থান রুদ্ধ তেজে অলে উঠেছে—আজ ঘুমন্ত ছেলে মায়ের ডাকে আবার জেগে উঠেছে !

[গীত]

আজ উঠিল জাগিয়া মহান গৌরবে রুদ্ধতেজে হিন্দুস্থান ।
 প্রগাঢ় অঁধার বিনষ্ট করিয়া ভাঙিল সূর্য্য দীপ্তমান ॥
 সপ্ত সিন্ধু উঠিল গরজি স্পৃশ্য নহে ভারত-সন্তান ।
 মোহ নিদ্রাঘোর গিয়াছে কাটিয়া উঠেছে জাগিয়া কোটা প্রাণ ।
 শক্তি-ইন্দ্ৰিতে প্রসূপ শক্তি প্রজ্বলিত ওই বর্তমান ।
 মিলনে এবার কাঁপবে সতয়ে খর-খর করি' বিশ্বখান ॥
 জীমূত মন্দ্রে উঠিবে গর্জিয়া ভারত গৌরব আখ্যস্থান ।
 সে শুভ বারতা প্রচণ্ড আরাবে বহিবে স্বরিত তড়িৎধান ।
 এসেছে ঋদ্ধি আসিবে সিদ্ধি রুদ্ধ চারণ তুলিবে তান ।
 ভারত ব্যাপিয়া তরঙ্গ-হিল্লোলে গাহিবে হিন্দু-বিজয়-গান ।
 সমুদ্র মথিয়া উঠিবে হাসিয়া বিজয় লক্ষ্মী মূর্ত্তিমান ।
 গোলোকে বসিয়া তোদের মস্তকে করিবে আশিস্ শ্রীভগবান ॥

(যবনিকা পতন ।)

